


MGA PANGUTANA

UG MGA TUBAG

 ...daghan ang kinahanglan kong kuhaon, apan aduna ko'y...Gidala ko gyud ang akong concordance. Siguro ipagamit ko kini dinhi kang Leo, o kang kinsa man nga naglingkod sa duol nga mahimong motabang sa ako kung gusto ninyo, pag maghigot na kita bahin niini.

² Karon, kung kining gining nga anaa dinha sa itaas, kung adunay...kung siya'y...Kung asa...Kinsa ang iyang bana? Oo. Bueno, kung gusto mong molingkod kauban ang imong asawa, sila—mahimo nila, wala ma'y butang nga isulti sa taliwala sa mga igsoong lalaki nga dili usab mahimong isulti sa usa ka igsoong babaye, usab. Amo lamang...kabalo mo. Okey—okey lang ba? Karon, mas malipay mi kanimo nga makauban mo siya. Dili—dili ba siya tugnawon dinha, Doc? Bueno, okey lang, apan medyo mag-inusara siya dinha.

³ Ug walay bisan unsa—walay bisan unsa dinhi...usahay ang hinungdan kon nganong nasulti nako og “lalaki,” tungod nga kung usahay adunay lalaki nga mahimong mangutana sa taliwala sa mga lalaki nga dili mahimong tubagon pag adunay mga babaye. Apan wala ma'y bisan unsa dinha gawas sa puedeng tubagon diha sa panglokal og regular nga simbahan, tungod kay kasagaran mahitungod kini sa mga ministro, ug uban pa, ug kung unsa ang ilang—ang sugo sa ila ug kung unsa ang trabaho nila.

⁴ Karon, nagatoo ko nga ginarekord kini diha sa usa ka teyp. Kung...di ako sigurado. Igsoong Goad, hain na kanà, ginarekord na ba kini sa teyp karon? Sige. Ang hinungdan kung nganong ginabuhat nato kini aron atong mahibaloan, mga igsoon, kung unsa ang pinaka-prinsipal, unsa ang—ang bahin ra, ang...unsang gyud ang anaa sa hunahuna sa tawo, kung unsa—unsang atong mga ginabarugan.

⁵ Kita—tanan kita kinahanglan nga mao ra ang ginasulti. Karon, pananglitan, adunay misulod ug, magsulti, tingali nagatambong sila sa simbahan ni igsoon dinhi, (unsang gani ang ngalan mo, igsoon? Willard. Igsoong...Karon, adunay duha ka Willard dinhi, sige kinahanglan lahi ang itawag ko nimo. Kung akong...Unsa kadtong apelyido mo, gani? Crase) Sa simbahan ni Igsoong Crase, ug adunay isulting partikular nga butang si Igsoong Crase. Dayon gikan sa Sellersburg moadto sila sa simbahan ni Igsoong Ruddell, lahi man ang ginasulti ni Igsoong Ruddell. Motambong sila kang Igsoong Junie, lahi pud, kaayo.

Pag-anhi nila sa tabernakulo, ug lahi pud gihapon. Kita n'yo? Ginapalibog niana ang mga tawo.

⁶ Karon, sama sa gisulti sa usa ka tawo, “Oh, di ko motoo nga kinahanglan mong . . . kinahanglan mo gyud madawat ang Espiritu Santo. Dili na kini kinahanglan sa tan-aw ko.” Ingnon nato, pananglitan lang, nga isulti kana ni Igsoong Crase. Ug dayon moadto ka kang—kang Igsoong Ruddell, ug isulti niya, “Oo, importante gyud kini.” Ug dayon pag-adto mo kang Junie, ug ginasulti didto, “Buena, wala man kaayo’y kalainan.” Kita n'yo? Kung mahimo unta natong matigum bisan na lang. . . Hinaut unta tanang mga ministro sa Jeffersonville (sa niini nga komunidad) magkatigum para nga usa ra ka butang ang isulti nato.

⁷ Ug busa, kasagaran, ang mga diyakono ug mga tinugyanan, kinahanglan nilang hibaloan kung unsa gyud ang ilang katungdanan. Ug nakita kong ania ang tresurero sa simbahan ug ang janitor karong gabhiona, busa mahibaloan nato kung unsa ang ilang katungdanan. Pero kining tanan halos (dinhi) mga pangutana lamang nga mahimong ipangutana bisan asa ug mahimong tubagon bisan asa. Mga simpleng pangutana lang kini, ug sama sa mga katungdanan sa mga tinugyanan, mga katungdanan sa . . . Karon, kung aktuwal lang nga mga katungdanan, siguro nakapaskin na kana sa bulletin board dinhi karon, kanang mahitungod sa mga katungdanan sa tinugyanan ug kung unsa ang angay nilang buhaton. Pero nahunahuna ko nga tingali. . .

⁸ Ug adunay usa nga miabot didto, ug sa hunahuna ko okey lang, tubagon ko kini pagkataud-taud, kung itugot sa Ginoo nga makaabot kita niini, ania na:

Sa usa ka partikular nga krisis, unsa ba ang angay buhaton sa usa ka diyakono? Unsa ba ang iyang . . . Unsa ba ang pangkatungdanan niyang buhaton sa dihang moabot ang usa ka partikular nga krisis? Unsaon niya paglihok? Kita n'yo? O unsa ba ang buhaton sa usa ka tinugyanan, unsa ba ang buhaton sa usa ka pastor, pag ingon niana, sa dihang may krisis? Kabalo kami sa regular nga buluhaton, pero unsa kaha kung adunay mahitabo nga wala sa kasagarang ginabuhat, kita n'yo, dayon unsa ba ang kinahanglan nilang buhaton?

⁹ Ug kabalo gyud kita kung asa mopuwesto, sama ra kini sa pagbansay sa kasundalohan, ug kabalo kitang tanan sa atong mga posisyon. Karon, isip usa ka grupo nga sama niini, mahimo kitang magpabilin dinhi og tungang gabii, kabalo kita niana, apan kini’y . . . sa hunahuna ko di na kinahanglan. Tubagon nato kini. Karon gusto nako ang matag usa. . .

¹⁰ Karon, walay mga ngalan kini, ang uban adunay mga ngalan, pero ako—di ko na isulti ang ngalan sa mga tawo. Tungod kay dinha lang—dinha lang kita sa pangutana magpokus, basahon ko

lang ang pangutana. Adunay duha lang sa mga niini ang adunay mga ngalan. Ug, kadali lang, aduna pa diay akong nakita nga usa pa. Kabalo ko, si Doktor Ingleman kini, kinahanglan ko unta siyang duawon kaniadto didto sa—sa habagatan nga bilding, sa 4—426 nga habagatan nga bilding. Siya kadtong tigulang nga doktor nga taga-dinhi nga among gibisitahan karong adlawa, didto sa Georgetown, nga giayo na, o nagkapanimuot human nga mawad-an og panimuot nga dugay kaayo, ug—ug uban pa. Karon, sa hunahuna ko nakapatandog gyud kini ngadto kanila, karon moadto na kita sa una natong mga pangutana nga gitunan ko una.

Karon manindog lang ta sa makadiyut, palihog.

¹¹ Among Langitnong Amahan, nagkatigum kami dinhi isip usa ka grupo sa kalalaken-an, Cristohanong kalalaken-an nga nahigugma Kanimo, nga nagatoo sa Imo, ug mga naghalad sa among mga kinabuhi ug mga panerbisyo sa pagpangalagad Kanimo. Adunay mga ministro dinhi, batan-ong mga kalalaken-an, hamtong nga mga kalalaken-an, aduna sila’y mga simbahan, may mga katungdanan sa atubangan sa Dios. Adunay mga diyakono dinhi nga responsable sa ilang mga katungdanan dinhi sa nagkalain-laing mga simbahan. Adunay mga tinugyanan, nga adunay tagsa-tagsang mga responsibilidad. Mga pastor, mga ebanghelista, daghan pang uban, Ginoo, kami adunay mga katungdanan Kanimo. Ug mao nga ania kaming nagkatigum tanan, para magsulti kaming tanan og usa ra ka butang sama sa gisulti namo nga kinahanglan namong buhaton diha sa Kasulatan. Kinahanglan pare-pareho ang among mga ginasulti.

¹² Ug Amahan, nahunahuna namo, sa niining matag nga pundok, nga mahimong makita namo nga tingali ang uban sa mga kaigsoonan namo o ang uban kanamo adunay gamay’ng mga kalainan mahitungod sa mga butang, ug ang uban nangutana lamang aron mahibaloan kung unsa gyud ang Kamatuoran bahin niini. Ug kabalo kami nga kulang gyud kami, ang matag usa kanamo. Kung hangyoon ko kang bisan kinsa niining uban pang mga igsoon nga moanhi dinhi og hisgotan kining mga pangutana, tingali sila mas may kasarang kay kanako aron tubagong ang mga niini. Apan tanan kami nagasalig lang sa Imong kapadayagan, nga magpadayag Ka sa amo pinaagi sa Pulong ug pinaagi sa . . . sa Imong Espiritu, aron kini . . . aron magkaaduna kami og tubag para sa matag pangutana. Aron nga ang among mga kasingkasing . . . aron kami matagbaw sa maong mga tubag ug sa pagpamauli namo mabati namo nga mas nasangkapan na kami para sa Imong panerbisyo ug para magserbisyon labi pa sa among katungdanan kaysa—kaysa karon. Mao kana ang among katuyoan sa pagpanganhi dinhi, Amahan. Itugot kini karon.

¹³ Ug tubaga ang among mga pangutana, Amahan, samtang ginahulat Ka namo. Wala na unta’y bisan unsa nga pagkalibog sa

among mga hunahuna, kondili magpabilin unta kami sa nianang pangutana hangtud nga kini hingpit nga matubag ug mahatagan kami og katagbawan sa Espiritu, nga ang tanan nagkahiusa sa pag-uyon tungod sa Iyang Presensiya. Gipangamuyo namo kini sa Ngalan ni Jesus. Amen.

¹⁴ Gusto ko lamang kutloon ang usa ka Kasulatan, sa pagsugod. Sama sa gisulti ni Isaias, misulti ang propeta:

O umari kamo . . . usahan ta paghusay, nagaingon ang GINOO: . . .

¹⁵ Ug sa hunahuna ko mao kana ang hinungdan kung nganong ania kita karong gabhiona, ang maningkamot aron paghusay, pagdiskuyonan ang mga butang. Ug karon magsugod na ko . . . ug adunay nasulat nako dinhi nga pipila ka mga butang nga gibutangan na og numero ug uban pa, nga ako kining gipahatud dinhi, kang Igsoong Wood; anaa na kanako kining sobre nga adunay mga tubag sa mga niini. Ug karon gusto ko nga ang matag usa kaninyo, nga mga minahal kong igsoon, gusto kong mahibaloan n'yo nga—nga ang mga tubag niini—niini igapresentar ko kutob sa akong nahibaloan, sa labing maayo nga nahibal-an ko kung unsaon pagsabot.

¹⁶ Ug kini nga mga tubag dili nga dili-masayup, kita n'yo, tungod kay ang Kasulatan lang ang dili-masayup, ug sumala sa akong nasayran nakalinya ang mga niini sa mga Kasulatan. Nanghinaut ko nga klaro kini. Ug tipigan ang teyp karon ug ang si kinsa man nga adunay gusto niini, bueno, puede silang mokuha niini. Apan karon, kabalo ko nga dili-masayup ang mga Kasulatan pero ang akong mga tubag dili perpekto. Busa sigurado ako nga nasabtan kana sa tanan. Ug kung dili kini—kung dili kini perpekto, nan aduna kamo'y katungod tingali nga mangutana sa ako bisan unsang orasa.

¹⁷ Kung adunay pangutana nga naggikan sa ubang tawo, dili man kinahanglan nga pangutana mo kini, pero kung kini pangutana sa uban, nga siguro wala mo nahunahuna ang mahitungod niana, pero butang kini nga maoy ania kami aron sa pagtabang. Ania kita para—para magkatigum tungod kay ania na man kita sa katapusang mga adlaw, ug dautan na ang panahon, ug—ug gusto natong makakat-on, matudloan.

¹⁸ Si Igsoong Stricker, nga usa ka sundalo; si Igsoong Goad dinha sa likod, nga usa pud ka sundalo; ug siguro si Igsoong Ruddell dinhi, siya usab usa ka sundalo; si Igsoong Beeler; ug ang uban pa nga—nga naggikan sa kinabuhing sundalo; nanggilingkod kamo nga magkauban, inyong—inyong ginaplano, inyong—inyong ginahibalo ang gubat sa dili pa kamo makiggiyera didto, ug ang tanan nga mga taktikang mamahimo n'yo sa kaaway, para arang ninyo siyang atubangon sa iyang teritoryo.

¹⁹ Kaniadto sa dihang nagboksing pa ako, gitun-an nila ang akong kaatbang, kung unsa siya, kung unsa nga klaseng estilong sumbag ang iyang gamit, kung kini ba’y usa ka makusog nga pataas nga sumbag o pang-wala nga sumbag o paubos nga sumbag gamit ang iyang tuo nga kamot, o kung siya ba’y tuo-o walhon, ug kung unsa siya ka kusgan, ug kung nagabalhin-balhin ba siya og estilong tindog, ug kung ginaunsa niya paggamit ang iyang mga mata, ug kung sa unsang anggulo siya maggikan, ug tanan nang nagkalain-laing mga taktika nga atong mapanid-an. Ug ginahibalo nila kung unsa... ang—ang naobserbahan sa mga magbabansay sa miaging mga away nianang boksingero. Mao nga magbutang sila og usa ka boksingero nga eksaktong kapareho gayud sa mamahimong kaatbang ko aron ako’y mabansay, para—para kabalo ko kung unsay buhaton sa kaatbang ko.

²⁰ Ug kana ang gianhi nato karong gabhiona. Aron atong mahibaloan ang mga pag-atake sa kaaway. Aron mahibaloan nato ang mga taktika niya. Ug ania kita karong gabhiona nga gamit ang Kasulatan aron lukngon siya nga dili na siya makalihok, tungod kay ang maong kaaway anaa sa tanang palibot.

²¹ Si Igsoong Roberson, nadumduman ko, pagkakita ko kaniya, siguradong nasayod gyud siya kung unsa ang usa ka sundalo. Siguradong nasinati gyud niya kini! Pila ba ka mga sundalo ang ania dinhi, tan-awon daw nato, nga nahimong mga sundalo sa kasundalohan? Tan-aw ninyo dinhi, kita n’yo, usa mismo ka pundok sa mga sundalo. Sige, karon, kabalo na mo kung unsa kini. Ug ginatun-an n’yo ang mga ingon niana, dili ba, Igsoong Roy, Igsoong Beeler, ug kamong mga beterano ug uban pa? Ang, tun-an ang kaaway, “Kung unsa kaha ang buhaton niya? Kung unsa ang lihoc niya?” ug dayon hibaloon kung unsaon pag-atubang kaniya.

²² Ug kana ang gianhi nato dinhi, nga tun-an ang lihoc sa kaaway ug—ug hibaloon kung unsaon pag-atubang kaniya, ang butang nga makabuntog kaniya.

²³ Ug hinumdumi n’yo, tugoting isulti ko kini, mga igsoon, ang gamay’ng iglesia dinhi nagsugod sa nagkalainlaing mga gasa, kita n’yo, nagapangabot ang mga gasa sa iglesia. Pero aduna ma’y mga gasa o wala, bisan pa kung wala’y gasa, Sultihan ko kamo, dili kanunay’ng mabuntog sa gasa ang kaaway, pero mamahimo sa Pulong. Atubangon siya sa Pulong bisan asa.

²⁴ Ug si Jesus, sa dihang ania pa Siya sa yuta, gipamatud-an Niya kana. Ang Iyang... Siya ang Dios nga napadayag diha sa unod. Pero wala gyud Niya gigamit ang mga maayo Niyang gasa para buntogon ang kaaway. Makita nato diha sa Mateo sa... Nagatoo ko anaa kini sa ika-2 o ika-3 nga kapitulo sa Mateo, ingon Niya... Dili, sa ika-2 nga kapitulo diay sa Mateo,

sa dihang natagbo Niya ang kaaway, gitagbo Niya kini sa kapasikaran sa Pulong, “Kini nahisulat.”

Ug misumbalik pud ang kaaway, “Kini nahisulat.”

²⁵ Ug ingon Niya, “Kini nahisulat usab,” nga ingon niana, hangtud nga gibuntog Niya ang kaaway. Ug kana ang ginaanhi nato dinhi, ang tagboon ang kaaway gamit ang materyal nga gihatag sa Dios sa ato para—para atubangon kini.

²⁶ Karon aduna ko’y upat nga mga pangutana dinhi nga anaa . . . anaa sa usa—anaa sa usa ka papel, ug gibutangan ko ang mga niini og numero: usa, duha, tulo, upat, lima, unom . . . walo, napulo, ug nga ingon niana. Ug pagnahuman ko kini, ayha ako moadto sa mga anaa dinha. Ang ingon:

107. Igsoong Branham, kung kining mga pangutana wala sa linya nan ibaliwala mo na lang ang mga niini, ug dili ako malain niini tungod kay masayod ko nga dili kini ang kamot sa Ginoo. Unang pangutana: Igsoong Branham, nadungog ta ka . . . nga kinahanglan—kinahanglan nga mobalik sa . . . Akong—akong—nadungog ta ka nga gisulti mo nga kinahanglan akong mobalik sa pagministeryo, ug gipamalandong ko kini sa kaugalingon ko mismo, pero naghulat sa pipila ka siguradong pulong gikan Kaniya bahin niini. Pero hangtud karon wala kini miabot. Karon, tungod kay kabalo ko nga haduol na ang katapusan, kinahanglan pa ba akong maghulat para sa Ginoong Jesus nga—nga magsulti sa ako? O, malipay ba Siya nga isulti sa imo kung unsa ang isulti sa ako, tungod kay kabalo ko nga ikaw ang Iyang tigpamaba para niining panahona?

²⁷ Bueno, karon, igsoon, akong . . . nasulat ko na dinhi ang akong tubag. Ginatawag sa Dios kining igsoon, usa ka pagtawag sa kinabuhi, karon, adunay usa ka halangdon nga butang nga mahimo nato kanang gamiton ingon nga usa ka teksto ug iwali kana sa tibuok gabii, kita n’yo, kanang butang nga, “usa ka pagtawag.” “Siguradoha ang inyong pagkatinawag ug pagkapinili,” kita n’yo. Dili nato gustong magduhaduha kung kita ba’y gitawag. Kinahanglan nga gitawag gyud ka kay kondili mapildi ka, nagapakig-away baya kita diha sa usa gubat. Kita n’yo? Ug kung siguradong-sigurado ka, igsoon, nga ang pagkatawag sa imo gikan gyud sa Dios, ug gitawag ka sa Dios para mobuhat og usa ka buluhaton . . .

²⁸ Karon, adunay usa ka dakung panlimbong dinha nga mahimo kang pagdula-dulaan sa kaaway. Mahimong ipahunahuna kanimo sa kaaway nga dili ka tinawag sa dihang ikaw tinawag, dayon mosumbalik siya og ipahunahuna sa imo nga dili ka tinawag; o ipahunahuna sa imo nga ikaw—ikaw tinawag sa dihang dili man diay ka tinawag; bali man niini, o asa man niini. Ug kinahanglan mo kining bantayan.

29 Bueno, kini ang pamaagi sa paghibalo niini. Hibaloon mo una . . . Bueno, karon, pagtambag lang kini, ang bugtong butang nga mahatag ko mahitungod niini mao lang ang pagtambag. Kita n'yo? Apan siguradoha gyud nga ang pagkatinawag sa imo nagagikan gyud sa Dios, ug dayon susiha og ayo ang imong mga motibo ug katuyoan. Kita n'yo? Karon, kabalo na mo kung unsay buut kong ipasabot niana. Unsa ba ang inyong motibo sa pagwali? Kini tungod lamang ba . . . Sa hunahuna n'yo ba maoy tungod nga mas masayon nga trabaho kini kaysa butang nga aduna ka? Kung ingon-ana mas maayo pang kalimtan mo na kini, dili ka usa ka tinawag.

30 Ang pagtawag nga iya sa Dios bug-os gyud nagadilaab sulod sa imong kasingkasing nga dili ka mapahimutang adlaw ug gabii tungod niini. Dili ka makapahilayo gikan niini, kanunay kining walay hunong nga nagatukmod sa imo.

31 Ug—ug kung kinahanglan mo gyud magwali . . . Moingon ka, bueno, karon, ang usa pa ka katuyoan, “Nagatoo ako, sa trabahong aduna ako karon, kung mamahimo lang akong malampuson nga ebangelista o pastor, nga magkaaduna og maayo nga sweldo, magkaaduna og balay nga paulianan ko ug uban pa, ug mapuy-an, kung ingon niana ako—nagatoo ko nga kana mamahimong maayong butang, mas sayon kaysa ginabuhat ko karon. Ug sa tan-aw ko mamahimo gyud kining . . .” Karon, kita n'yo, sayup ang katuyoan mo sa sugod pa lang. Kita n'yo, dili kini husto. Kita n'yo? Ikaw—sayup gyud ka dinha.

32 Dayon moingon ka, “Bueno, siguro tungod kay ako usa man ka . . . siguro mamahimo akong popular sa mga tawo.” Kita n'yo, makaplagaan mo na lang paingon ka na sa dakung pagkahugno. Tinuod gyud, kita n'yo!

33 Apan, karon, kung ang tuyo mo'y “Dili ko igsapayan bisan kinahanglan ko pang mokaon og biskwit ug moinom sa tubig gikan sa sapa, isangyaw ko sa gihapon ang Ebanghelyo.” Aduna gyu'y sa kung unsang butang nga nagatukmod kanimo sa sulod, “Kinahanglan nga isangyaw ko gayud ang Ebanghelyo o mamatay ako!” Kita n'yo? Dayon ikaw—aduna ka'y adtoan, tungod kay ang Dios kini nga nakighilambigit kanimo. Ginapaila sa Dios ang Iyang Kaugalingon sa imo, tungod kay dili gyud ka papahulayon sa Dios. Ug, kasagaran, ang tawong tinawag-sa-Dios ayaw niya kining buhaton. Nahunahuna n'yo ba kana sukad? Ang kinsa mang tawo . . .

34 Bag-o lang kini gipangutana kanako sa usa ka bililhong igsoon, nga ang sulti, “Karon ingon nga ania na kami sa maong Dalan, Igsoong Branham, karon nga nakaplagaan na namo ang Ginoo ug nadawat na ang Espiritu Santo, tinguhaon ba namo ang mga gasa para sa among pagministerio nga kinahanglan namong buhaton.”

35 Ingon ko, “Ayaw gayud tawon buhata kana.” Kita n’yo? Ayaw gyud tambagi ang mga tawo nga buhaton ang butang nga ingon niana, kay kasagaran ang usa ka lalaki nga gustong mobuhat niini maoy usa ka lalaki nga—nga dili gyud makahimo niini.

36 Kadtong lalaki nga naninguhang makapalagiw gikan niini mao hinoon ang ginagamit sa Dios. Kita n’yo? Kung siya naninguhang makaikyas niini, “Oh, igsoon, sultihan ta ka, ako . . . adunay pagkatawag sa ako apan ako . . . Whew! Agoy, dili ko gyud gustong sulayan kana.” Bueno, tan-awa, nakita n’yo. Mao kana—mao kana silang mga naninguhang makaikyas.

37 Kung siya’y—kung siya’y nangandoy gyud og ayo nga buhaton kini, mahibaloan mo na lang nga makaplagan niya ang iyang kaugalingon nga usa na ka “hambogiro.” Sama sa ginasulti ninyo, “Dios, hatagan Mo lang ako’g gahum aron magpabalhin og mga bukid, masulti ko sa Imo, aduna gyud ko’y buhaton para Kanimo, kung tugotan Mo akong makapabalhin og mga bukid.” Dili, dili gyud kini mahimo sa maong lalaki, dili gani niya maibalhin ang iyang kaugalingon ngadto sa hustong kinaiya, kita n’yo, busa dili gyud siya makapabalhin og mga bukid alang sa Dios.

38 Tan-awa n’yo na lang, isip pananglitan, sama ni Pablo. Sa hunahuna n’yo ba nakaikyas unta si Pablo sa pagkatinawag kaniya? Oh, igsoon! Dili gyud siya makaikyas. Wala gyud siya giundangan niini adlaw ug gabii hangtud nga gibiyaan niya ang iyang iglesia, gibiyaan niya ang tanan ug—ug miadto sa . . . sa nadumdoman ko sa Asia kadto, dili ba? Ug nagpabilin siya didto sulod sa tulo ka tuig, nga ginatun-an ang mga Kasulatan, aron hibaloan kung husto ba Kadto o dili, kita n’yo, aron hibaloan kung tinawag ba gyud siya sa Dios.

39 Busa kung tinawag ka sa Dios, igsoon, ug padayon kining nagasugyot diha sa imong kasingkasing, kung ingon-ana ang maingon ko “Isalikway ang tanang kabug-at, ug ang sala nga sa dakung kasayon nagapiit paglikos kanimo.” Nakita n’yo? Kung . . . Apan kung kini walay pagsugyot diha kanimo, ug kung ingon-ana ako—ako—dili na kaayo nako hunahunaon ang bahin niini kung ingon niana. Pasagdan mo na lang kini.

Karon, ang ingon niya, gisulti sa niining igsoon dinhi:

Igsoong Branham, kinahanglan ba . . . Sa hunahuna mo ba magsulti ang Dios . . . (sa ako aron isulti kono sa iya.)

40 Nagatoo ako nga makapakigsulti man ang Dios direkta kaniya. Tungod kay, kabalò mo, ang Dios . . . Dili man kita ingon ka daku na aron dili na Siya makapakigsulti sa ato. Ug Siya—Siya—Siya makigsulti mismo sa ato, pud. Kita n’yo, Siya lamang . . . Siya makigsulti kanato.

41 Ug sultihan ta mo, kung gisulti kanako sa Dios, nan basin moingon ang igsoon, “Bueno, gisulti Niya kang Igsoong Branham, dalaygon ang Dios!”

42 Apan, nakita n'yo, dili si Igsoong Branham ang nagatawag kaninyo, ang Ginoong Jesus ang nagatawag sa inyo. Kita n'yo? Ug kung ang Ginoong Jesus ang nagtawag sa inyo, Siya ang makigsulti mismo. Kita n'yo? Mahimo akong magsulti sa inyo sa inyong mga igdulungog, pero sa dihang ginatawag kamo ni Cristo ngadto sa ministerio kini'y anaa sa inyong kasingkasing. Kita n'yo? Dinha kinahanglan nakaangkla ang maong butang ug dili kamo makaikyas niini.

Karon, nagatoo ako nga sa ikaduhang pangutana . . .

43 Karon kung aduna ma'y pangutana bahin niana, bisan unsang pangutana bahin niini, kita n'yo, nga ang pagkatinawag sa usa ka tawo kinahanglan nga anaa sulod sa iyang kasingkasing, nga naggikan sa Dios. Ug—ug adunay usa pa ka igsoon. . . Oh, kabalo ko kung kinsa ang nagsulat niini. Kita n'yo, kabalo ko kung kinsa'y nagsulat niini, usa ka bililhon, minahal, nga maabiabihong igsoon nga nagatoo ko nga aduna gyu'y pagtawag gikan sa Dios. Pero ako lang. . . Dili ko gustong buhaton niya kini tungod lang sa akong (mao kana ang hinungdan kon nganong ingon niana ang tubag ko niini), kita n'yo, tungod sa pagsulti ko'g; “Bueno, oo, si Igsoong *Ingon niini-ug-ingon niana* angay'ng mosulod sa pagministerio.” Kita n'yo?

44 Karon moingon mo, “Si Igsoong Branham ang nagsulti kanako nga angay kong buhaton kana.” Kita n'yo, ug unsa na lang kung adunay mahitabo kang Igsoong Branham, nga mapatay ako, o mamatay, o—o mobiya na? Nan, kita n'yo, tapos na kung ingon-ana diay ang imong pagkatinawag. Pero kung tinawag ka ni Jesus, igsoon, samtang adunay Walay Katapusan kini padayon nga magalanog. Kita n'yo? Ug dayon nasayod gyud ka kung asa ka nagabarog.

Karon dinhi sa ikaduha . . .

45 O ang usa ka butang nga sama niini, “Sa pagkahibalo nga kini na ang katapusang adlaw.” Ginapasalamatan ko gyud kana tungod nianang igsoon. Gipasalamatan gyud nako kana nga naamgo nianang igsoon nga ania na kita sa katapusang adlaw, ug ang pagkasinsero sa iyang kasingkasing, nga nangandoy nga adunay mabuhat para kang Cristo.

Ang sunod mao ang:

108. Karon, kung tugotan ako sa atong minahal nga Ginoo nga mobuhat og usa ka gamay'ng butang alang Kaniya, kinahanglan ba akong mobalik ngadto sa mga komunidad kung asa ako nagministerio og diyutay kaniadto diha sa . . . sa sayup (nga ako nang gihinulsolan) . . . gibutangan niya kana og parentesis . . . ug paningkamotan nga isulti sa ila ang Kamatuoran? Sila ania gayud—sila ania gayud sa akong kasingkasing.

46 Dili, igsoon, sa tan-aw ko dili man kinahanglan nga mobalik ka sa mao gihapon nga komunidad. Ug nagatoo ako, minahal

nga igsoon, kung gitawag ka sa Ginoo mahimong dili ka na Niya paadtoon sa mao ra gihapon nga komunidad nga giadtoan mo kaniadto, ug tingali nagtudlo ka og mga butang o adunay mga butang nga wala . . . nga sa tinuud lahi na ang imong panglantaw karon, kita n'yo, nga mahimong lahi na ang panglantaw mo sa panglantaw mo kaniadto. Karon, ug ang Ginoo, niadtong gitawag ka Niya, mahimo Niyang . . . kung himoon Niya kini nga tinuod sa imo, mahimo ka Niyang ipadala sa bisan asang lugar. Kita n'yo? Dili mo kinahanglan moadto sa usa ka partikular nga komunidad o kung unsa man.

⁴⁷ Niadtong atua ka didto nagmatinud-anon ka. Kaila nako ang maong igsoon, sama sa ginaingon ko, nga nagsulat niining mga pangutana. Uban sa halawum nga pagkasinsero, ug ingon nga usa ka tinuod nga Cristohanon, gibuhat mo ang kutob sa mahimo mo ug sa tanan mong nahibaloan kung unsaon pagbuhat, ug kana lang ang gikinahanglan sa Dios. Kita n'yo? Karon, kung tawgon ka sa Dios balik nianang komunidad, mobalik ako pag-usab sa gilayon. Pero kung wala ka Niya gitawag didto, ako—nagatoo ko nga moadto ko mismo kung asa Niya ako ipadala. Aduna ba'y pangutana?

Ang ikatulo:

109. Unsaon pagkahibalo sa usa ka tawo ang husto nilang posisyon sa Lawas ni Cristo?

⁴⁸ Kana'y usa ka maayo gyud, maanindot, “Unsaon . . .” Kana nga klase sa pangutana ang angay sa taliwala sa kadaghanan kanato dinhi karong gabhiona, “Unsaon mo pagkahibalo nga husto?” Karon, gadahum ko nga kining igsoon gustong mahibalo “Kung unsang posisyon, *unsa* siya diha kang Cristo, unsa nga bahin ni Cristo ang mahimong tahas nako?”

⁴⁹ Karon, pananglitan, isulti ko nga ingon niini, igsoon, aron mahatagan ka og labing maayo nga tubag nga akong nahibaloan. Ang posisyon mo . . . diha kang Cristo igapadayag sa imo sa Balaang Espiritu. Ug dayon kung gusto mong hibaloan kung kini ba ang Balaang Espiritu o dili, nan hibaloan mo kung gipanalanginan ba Niya ang ginabuhat mo, o wala. Ug kung gipanalanginan Niya kini, nan Siya kana. Kung ugaling wala Niya gipanalanginan . . .

⁵⁰ Sama sa gisulti sa usa ka tawo kanako dili pa lang dugay, ang ingon, “Ang Ginoo nagtawag kanako aron sa pagwali.”

Miingon ko, “Bueno, magwali ka kung ingon niana.” Kita n'yo? Ug busa siya—siya'y . . .

⁵¹ Mao gyud kana ang tan-aw nako . . . Si Satanas, kung mapabuhat lang niya ang usa ka tawo nga—nga ingon niana ug dayon limbongan sila, kana lang ang gusto niyang buhaton. Dayon ipunting sa tibuok kalibutan ang ilang tudlo dinha. Adunay maghunahuna nga aduna kono sila og gasa sa pagsulti sa ubang mga pinulongan ug paghubad; ang uban pud adunay gasa

nga Balaanong pagpang-ayo; ang uban adunay ingon niini nga mga butang nga sama sa . . . Usahay nangasayup sila sa nianang mga butang, kita n'yo. Ug usahay pud gahunahuna sila nga wala sila niini sa dihang aduna diay sila. Busa malimbongon gyud kini.

⁵² Busa kanunay ninyong buhaton kini, mga igsoon, sa higayon nga bation n'yo nga adunay butang nga angay ninyong buhaton, una hibaloon ninyo kung kini ba nahisubay sa Kasulatan nga buhaton ninyo kini (kung anaa ba gyud ang mga niini sa Kasulatan). Dili sa usa ka lugar lang nahisulat, kondili ang buot kong ipasabot bug-os gyud nga nahisubay sa Kasulatan sa tibuok Biblia nga buhaton ninyo kini, ang inyong posisyon, ingnon ta kung kamo'y mamahimong usa ka ebanghelista, pastor, magtutudlo, propeta, kung unsa man ang pagkatinawag sa Dios sa inyo. Nakita n'yo? O kung aduna ba kamo og gasa sa pagsulti'g ubang mga pinulongan, gasa sa paghubad, gasa sa unsa man—unsa man nga matang sa siyam ka espirituhanong mga gasa sa iglesia, ug upat ka espirituhanon nga mga katungdanan sa iglesia, unsa man nga posisyon, ang pinaka-una maoy tan-awon gyud ninyo kung ang Dios ba'y nagtawag.

⁵³ Dayon, kasagaran, sa kinaugalingon kong paagi sa pagpaniid niini, basta . . . ako lang kini, ginatan-aw nako ang kinaiya sa maong tawo ug ginasusi kung unsa ba nga matang sa gasa ang ginapamahayag nila. Kita n'yo, magapamuhat ang Dios pinaagi sa Iyang binuhat sa paagi nga gibuhat Niya siya. Kita n'yo? Himoon Niya ang usa ka binuhat . . .

⁵⁴ Kung makita mo siya nga palingpaling ug mabalhinon, nga imong . . . ug mosulti siya, “Gitawag ako sa Ginoo para sa *ingon niini-ug-ingon niana*, aron mahimong usa ka pastor.” Karon, ang usa ka pastor dili puede papalingpaling nga tawo. Ang usa ka pastor lig-on, tarung. Kita n'yo?

⁵⁵ “Gitawag ako sa Dios para mahimong usa ka magtutudlo.” Ug bantayi siya kung ginaunsa niya paghubad ang Pulong. Kita n'yo? Pag ginasagol-sagolan niya Kini ug tanan na, nan masulti mo. Kita n'yo?

⁵⁶ Pero, mao nga, ang angay nga buhaton, kasagaran mahibaloan ang posisyon mo kung may kasarang ka nga buhaton kini o dili.

⁵⁷ Bueno, sa dihang gitawag ako sa Dios aron mahimong ebanghelista, gusto kong mahimong pastor. Ug abi nako nga ang pagpabilin sa lugar ko dinhi mamahimong okey lang. Ug gitawag ako sa Ginoo. Ug sa kaulahian nagtigum-tigum na ang mga tawo . . . Wala na'y usa kanila ang nahibilin dinhi karong gabhiona, nanagtuaw sila kaniadto ug nangadto sila sa 1717 Spring Street. Ug ang gining, si Mrs. Hawkins dinhi, nahinagbo ko ug ang ingon (nagahilak, niadtong panahon nga mikunhod ang ekonomiya, niadtong panahon sa dihang pagmay silingan

nga magluto og sinabawang munggos ug mangadto kaming tanan ug mangaon didto), ug ang ingon niya, “Maggahin ako gikan sa panggastos ko sa pagkaon sa mga anak ko kung magtukod ka lamang og usa ka tabernakulo.” Kita n’yo?

⁵⁸ Ug ang akong pagkatinawag maoy usa ka ebanghelista. Niadtong buntag...Gipahiluna ko kadto dinhi mismo sa ulohang-bato, kung mahimo lang natong buakon kini karong gabhiona, makakita mo og usa ka panid sa Biblia nako kon diin gisulti Niya kanako nga kinahanglan kong mamahimong usa ka ebanghelista. Kita n’yo? Ug dili ako nagmalampuson nga pastor, dili gyud mahimo, tungod kay wala ako’y pasensya ug kung unsa ang gikinahanglan aron mahimong usa ka pastor. Kita n’yo? Busa kung gipugos kong mag-pastor, mahimo akong dili-haum sama sa usa ka pastor nga naningkamot nga mahimong usa ka ebanghelista.

⁵⁹ Nakita n’yo ang buut kong ipasabot? Makita man ninyo ang paagi sa pagkatinawag kaninyo sa Ginoo, kung unsa gyud ang posisyon ninyo diha sa Lawas. Aduna pa ba’y pangutana?

110. Ang tanan ba nga mga tawong puno-sa-Espiritu-Santo magsulti’g ubang mga pinulongan sa dili madugay?

⁶⁰ Kana ang unang pangutana, “Ang tanan ba nga sa Espiritu Santo...” Dayon, anaa na sa usa ka pangutana ang tanan, gigahin ko kini dinhi para sa ikaupat nga pangutana. Pero akong—isulti ko una kini, nakita n’yo:

Ang tanan ba nga mga tawong puno sa Espiritu Santo magsulti’g ubang mga pinulongan sa dili madugay? Nakita ko kung asa gisulti ni Pablo nga siya “mas daghang higayon siyang nagsulti’g ubang mga pinulongan kaysa kanilang tanan.”

Sige, ang ikaupat nga pangutana: **Ang tanan ba nga nagasulti’g ubang mga pinulongan sa dihang madawat ang...O, dili diay, ang ingon niini: Ang tanan ba nga nagsulti’g ubang mga pinulongan...Dili: Ang tanan ba nga mga tawong puno-sa-Espiritu-Santo magsulti’g ubang mga pinulongan sa dili madugay?**

⁶¹ Karon, igsoon, akong...Laglum nga pangutana kini. Karon, didto, kamo tingali...Tingali adunay pipila ka mga tubag ako bahin niini.

⁶² Ang Balaang Espiritu, kabahin sa Balaang Espiritu ang pagpamatarung. Kana ang unang higayon nga...Dios ang kinahanglan motawag kaninyo o dili gyud kamo tinawag. Kita n’yo, wala mo’y mahimo sa inyong kaugalingon. “Walay tawong makahimo sa pag-ari Kanako gawas kon pagadanihon siya una sa Akong Amahan.” Husto ba kana? Busa kabahin sa pagpamatarung ang Espiritu Santo.

63 Nadungog n'yo bang gisaysay nako sa decanong Lutheran niadtong panahona ang mahitungod sa umahan sa mais? Tan-awa, “Ang mais, miadto didto ang usa ka lalaki ug nagtanum og duha . . . gipangtanum niya ang iyang binhing mais. Pagkasunod buntag giduaw niya didto ug ‘wala pa’y bisan unsa.’ Paglabay sa pipila ka panahon nakakita siya og duha ka gagmay’ng mga dahon nga minggitib, miingon ang maong lalaki, ‘Dalaygon ang Dios sa umahan kong mais!’” Ug miingon ko, “Aduna na ba’y mais ang maong tawo?”

Ug miingon ang decanong Lutheran, “Sa potensyal.”

64 Ingon ko, “Husto kana, sa potensyal aduna na siya.” Pero ang ingon ko, “Paglabay . . .” ingon ko, “Ingon niana kamo kaniadto nga mga Lutheran.”

65 “Paglabay sa panahon mitubo ang mga udlot ug aduna na’y uhay. Kana ang Methodist kaniadto. Ang ikaduhang hugna sa mais, anaa na sa uhay.” (Sa tan-aw ko husto kana, kamong mga igsoon nga mag-uuma.) “Ug dayon mitan-aw ang uhay sa dahon ug miingon, ‘Huh! Usa ako ka uhay, dahon ka lang! Kita mo, wala na ko magkinahanglan nimo.’ Ug dayon kadtong uhay . . . Nahulog ang pollen gikan sa uhay, balik ngadto sa dahon pag-usab; kinahanglan nga adunay dahon.”

66 “Ug dayon gikan niana migula ang tipuso. Kana ang Pentecostes kaniadto, ang pagpasig-uli sa mga gasa nga sama sa pagbalik sa pinaka-una, mibalik ngadto sa orihinal. Dayon sa paggula niadtong tipuso, miingon, ‘Wala na ko magkinahanglan sa imo, uhay. O ni magkinahanglan pa ko sa imo, dahon.’”

67 Pero, kung hunahunaon gyud, ang mao rang kinabuhi nga anaa—anaa sa dahon sa mais ang naghimo nianang uhay. Ug kung unsa ang anaa sa dahon ug sa uhay kaniadto ang mao rang nagpahimo sa lugas. Busa unsa man ang Balaang Espiritu nga nagasulti’g ubang mga pinulongan? Kini usa ka miusbaw nga pagpamatarung. Kita n’yo? Unsa man ang iglesiang Pentecostal? Ang miusbaw nga Lutheran. Kita n’yo?

68 Pero karon sa dihang miabot na ang pag-usbaw, ang pangutana mahimong mao kini, “Nan magpabilin lang ba ako nga mao ra gihapon?” Dili! Dili, nagkagulang na ang mais. Kita n’yo? Nagasugod ka sa lugas. Nagasugod ka sa—sa Pulong, sa lugas, magbunga Kini og pagpamatarung. Ug magpabilin ka sa pagpamatarung hangtud magapamunga Kini og pagpabalaan. Magpabilin ka sa pagpabalaan hangtud nga madawat mo ang Espiritu Santo.

69 Karon sa dihang nadawat mo ang Espiritu Santo, unsa man ang buhaton Niini? Unsa man ang . . . Naa pa mo’y pangutana, dili ba? Sige:

111. Unsa man ang “pagsulti’g ubang mga pinulongan”?

⁷⁰ Ang pagsulti'g ubang mga pinulongan walay lain kondili usa ka bautismo sa Espiritu Santo nga nagpamatarung sa imo ug nagpabalaan sa imo. Kini puno kaayo! Karon, gusto kong. . . gusto kaayo nako kini nga pangutana. Kabalo ang Dios nga wala ko kabalo nga mangutana kadtong lalaki, tubagon. . . o ipangutana kini.

⁷¹ Bueno, dili ba. . . kung init na kaayo dinhi, ablihi lang ninyo ang pultahan kung katulgon mo o unsa man. Gusto ko nga makuha ninyo kini og ayo ug masuhid gyud. Tungod kay ania—ania medyo mainit na, og basin unya katulogon mo.

⁷² Karon matikdi, matikdi ninyo kini: pagpamatarung, pagpabalaan, ang bautismo sa Espiritu Santo.

⁷³ Karon tan-awa ninyo dinhi, ania kini. Tugoti n'yong ihulagway ko kini. Karon, ania ako sa ubos, usa ako ka makasasala, nagalakaw ako sa *niining* direksyon. Usa ka higayon, kalit na lang, Adunay nakigsulti sa ako. Ug walay makapabalik sa ako gawas sa Dios. Husto ba kana? Ginapaliko ako sa *niining* direksyon. Karon, sa dihang miliko ako, kadto ang pagpamatarung kanako. Husto ba kana? Karon, kining hulagway mao kadtong katuyoan ko sa pag-acto, kita n'yo, ang hulagway ni Cristo.

⁷⁴ Karon gusto kong moabot sa punto kon diin mabati ko ang kamaayo nga duol Kaniya. Kita n'yo, gimatarung ako. Karon miabot ako niining hugna *dinhi* kon diin mahimo akong makigsulti Kaniya, tungod kay. . . naulaw pa gihapon ko sa akong kaugalingon. Nanigarilyo pa gihapon ko, namakak pa gihapon ko, nagapamuhat og gagmay'ng dili-maayo nga mga butang nga dili unta angay buhaton nako, ug sa tanang panahon pirme na lang og *kadaugan* ug *kapakyasan*, *kadaugan* ug *kapakyasan*, pero gusto kong hinloan Niya ako gikan nianang tanan nga mga butang aron makaduol ako ngadto Kaniya ug makigsulti Kaniya. Kita n'yo? Sige, ania na kini, kini'y pagpaba-. . . hugna sa pagpabalaan. Karon, unsay gibuhath niini? Gitul-id ako. Kita n'yo?

⁷⁵ Karon padulong na ako sa Balaang Espiritu. Kita n'yo? Ug pag-abot nako *dinhi* anaa na ako sa Balaang Espiritu pinaagi sa bautismo. Husto ba kana? Unsay ginabuhath sa Balaang Espiritu? Kini nagahatag sa ako og gahum. Gahum aron mahimong magwawali, gahum aron mahimong mag-aawit, gahum aron magsulti'g ubang mga pinulongan, gahum aron maghubad og ubang mga pinulongan. Kini'y puno sa gahum, kay ang Balaang Espiritu mao ang gahum sa Dios. Ug ang gahum sa Dios ang nagpabalik sa ako. Ang gahum sa Dios ang nagpabalaan sa ako. Karon ang gahum sa Dios ang nagpuno sa ako.

⁷⁶ Karon, adunay usa ka higayon, nga nagatindog ako dinhi ug aduna ko'y gipaningkamotan nga isulti dayon mikunsad kanako ang Gahum sa Dios sa usa ka halangdong paagi hangtud

nga dili na ako makasulti pa. Kita n'yo? Ug nagsugod na ko'g magbungabunga. Mosulti na unta ko, "Mga igsoon," nga nagtindog nga sama niini.

77 Ania kini, ihulagway ko kini nga ingon niini. Isulti ko kini sa inyo mga igsoon aron lang nga masiguro n'yo nga masabtan ninyo kini. "Kumusta—kumusta—kumusta ka, igsoon?" Kita n'yo, makasasala pa gihapon ko. "Uh, ako—nalipay gyud ko nga ako—nga ako'y usa pa gihapon sa inyo. Ako—ako—malipayon kaayo ako, nakita mo." Bueno. Karon, pagkataudtaud, unsa na? Kabalo ko nga nagatan-aw mismo kamo sa ako ug kabalo ko nga nagabuhat pa gihapon ako sa mga ingon niana, ginabuhat pa gihapon ang mga butang nga kahugawan sa kalibutan.

78 Paglabay sa pipila ka panahon gihinloan na ako. Karon aduna gyu'y butang nga nahitabo, gibalaan na ako. Mahimo ko na kamong tan-awon sa mismong atubangan, usa na ako sa inyo. Kita n'yo? "Sige, igsoon. Dalaygon ang Dios! Nalipay ko nga mapasakop sa niining pundok nga iya Espiritu Santo. Nalipay ako nga mapasakop sa taliwala ninyo nga mga igsoong balaan." Ngano man? Dili na ninyo matudlo ang inyong tudlo sa ako, gihinloan na ako. Pero karon ibutang na ako sa Dios ngadto sa pagpangalagad. Karon, oo, sir!

79 "Igsoong Branham, gimatarung ka na ba?"

80 "Oo! Nadumdoman ko pa niadtong halos dili ta ka matan-aw. Igsoon, makatan-aw na ako sa imo sa nawong karon."

81 Kita n'yo, ania na kita. Karon, unsa man kining usa pa? Karon ako nang... *Kini* nahinloan na ug gigahin na *alang* sa pagpangalagad, ug *kini* pud *pasulod* na sa pagpangalagad. Karon kabalo kitang tanan nga ang pulong *pagbalaan* usa ka Griyegong pinulongan, usa ka Griyegong pinulongan nga may duha ka kahulogan nga ang buut ipasabot "nahinlo na, ug gigahin na alang sa pag-alagad." Nahinloan na ang mga sudlanan ug anaa na tupad sa altar, ug gibalaan na diha sa altar ug gigahin na *alang* sa pag-alagad. Apan ang *maanaa* sa pag-alagad mao ang mapuno ug mabutang sa pagpangalagad.

82 Karon, moanhi ako ug karon ako *pasulod* na sa pagpangalagad. Bueno, ang Dios ang nagpabalik sa ako kaniadto, nga nagaingon, "Pagpatalinghug Kanako. Pagpatalinghug Kanako! Pagpatalinghug Kanako!" Ug ang ingon Niya...

83 Nakuha ba ninyo ang buut kong ipasabot? Kita n'yo? Ug dinhi, [Ginahulagway ni Igsoong Branham ang usa ka tawo nga nagasulti og ubang mga pinulongan—Ed.]...?... Tan-awa n'yo, dinhi, puno gyud kamo nga kamo'y... Ingon niana kini. Mao kana, kana ang pagsulti'g ubang mga pinulongan.

84 Ug nagatoo ako niini karon: Wala ako nagatoo nga ang pagsulti'g ubang mga pinulongan mao'y ebidensya sa Espiritu Santo. Dili ingon niana! Tungod kay nakakita ako og mga abat,

mga salamangkero, mga tiggunit og mga bitin, mga yawa, tanang uban pa nga nanagsulti'g ubang mga pinulongan, ug dili kini ang usa ka dili-masayup nga buhat sa Dios (sa dihang nagsulti ka og ubang mga pinulongan) nga anaa sa imo ang Espiritu Santo. Apan, hinumdumi n'yo, nagasulti gyud ang Espiritu Santo sa ubang mga pinulongan ug masundog kini sa yawa.

⁸⁵ Ang—ang ebidensya gyud nga anaa sa imo ang Espiritu Santo mao ang kinabuhi nga imong gikinabuhi, kita n'yo, “Pinaagi sa ilang mga bunga maila ninyo sila.” Ug ang bunga sa Espiritu mao'y dili (wala'y makita bisan asa sa Kasulatan) ang pagsulti'g ubang mga pinulongan. Ang bunga sa Espiritu mao ang gugma, kalipay, pagtoo, pagkamapuanguon, pagkamaayo, pagkamalulot, kaaghop, pailub. Kita n'yo, karon, mao kana ang bunga. Mao kana ang makita mo sa kahoy aron masulti mo kung unsang klase sa kahoy kini. Kita n'yo?

⁸⁶ Mao kana ang ginapangita sa mga tawo sa inyo nga mga magwawali, ug sa inyo nga mga diyakono, ug sa inyo nga mga tinugyanan, ug sa inyo nga mga ebanghelista. Mahimo kamong magsulti'g ubang mga pinulongan dinhi niining dalan sa tibuok adlaw, pero dili gyud nila kamo toohan. Pero ikinabuhi ninyo ang ginasulti ninyo, nga inyong ginapakita ang katam-is, ug ang tanang mga gamut sa kapaitan wala kaninyo, nan maamgo sa mga tawo nga aduna gyu'y butang.

⁸⁷ “Pagsulti'g ubang mga pinulongan.” Karon, nagatoo ako niini, nga usahay, ang usa ka tawo nga puno-sa-Espiritu nga nagapailalum sa halaran sa Dios magsulti'g ubang mga pinulongan. Pero nakakita na ako og daghang nagsulti'g ubang mga pinulongan nga wala gyu'y unsa mang pagkaila sa Dios. Kita n'yo? Wala sila'y bisan unsa mang pagkaila mahitungod Kaniya, ug sa gihapon nanagsulti sila og ubang mga pinulongan. Ang bisan unsa man gud sa maong mga gasa mahimong sundogon. Kita n'yo?

⁸⁸ Pero ang bunga sa Espiritu nagapamatuod kung unsang Espiritu ang anaa sa sulod, ginapamatuod n'yo ang Kinabuhi ni Jesus Cristo. Tungod kay kung duga sa melokoton ang anaa sa mansanas nga punoan, mamunga kini og mga melokoton sa ingon ka sigurado nga adunay kalibutan. Husto kana. Kita n'yo, tungod kay mao man kini nga kinabuhi ang anaa sa sulod niini.

⁸⁹ Karon, ingon niana usab kini dinhi. Pero karon, aron mapaabot ko kini sa inyong tanan, para mahibaloan natong tanan ang mao rang butang. Nagatoo ako nga ang usa ka tawo nga puno-sa-Espiritu nga . . . Karon nagasulod siya kang Cristo pinaagi sa usa ka bautismo, ug . . . dili kana'y . . . Ang pagsulti'g ubang mga pinulongan dili ebidensya sa usa ka bautismo. Kita n'yo?

⁹⁰ Ang usa ka bautismo, mahimo kang bautismohan ngadto sa gahum sa yawa, ug makasulti'g ubang mga pinulongan tungod

sa bautismo sa malimbongong espiritu nga iya sa yawa. Kapila na nato kini nakita nga ginabuhat? Kapila na nako kini nakita nga ginabuhat?

⁹¹ Kabalo gani ko nga nagainum sila og dugo gikan sa bagolbagol sa tawo ug nanagsulti'g ubang mga pinulongan.

⁹² Nakita ko ang mga mananayaw-sa-bitin didto sa disyerto sa dihang gipalikos nila kining dakung bitin sa ilang lawas ug nanagsulti mismo. Mogawas kadtong salamangkero nga ingon niana, ug sila mosulti'g ubang mga pinulongan ug hubaron kini.

⁹³ Nakaadto na ako sa mga kampo sa mga barangan kon diin magpatindog sila og lapis nga ingon niana, ug magbutang og usa ka libro nga ingon niini, ug kadtong lapis magsaka-kanaug sa stovepipe, ug ginapatukar kadtong, "*Shave and a haircut, two bits,*" ug nagasulat sa dili hisabtang mga pinulongan, ug hubaron kini sa salamangkero ug eksaktong isulti kung unsa ang nahitabo. Ako—kabalo ko niana mismo. Kita n'yo? Busa ako . . . Kita n'yo, dili n'yo mahimong . . .

⁹⁴ Miingon si Pablo, "Kung aduna ma'y pagsulti'g mga dila, kini mangahunong. Kung aduna ma'y mga pagpropesiya, kini mapakyas. Diin man nga adunay mga gasa, kini igahiklin ra unya." (Atong hisgutan ang mismong pangutana pagkataudtaud.) "Apan kon ang hingpit moabot na, kadto nga bahin ra mahanaw." Kita n'yo? Busa gusto nato kadtong hingpit nga butang, mga igsoon. Kita n'yo? Daghan na kaayo ang atong nakita nga mini ug sayup nga interpretasyon ang ginahatag niini.

⁹⁵ Ug ayaw gyud atubanga ang usa ka tawo ug—ug motoo mo nga aduna sila'y Espiritu Santo tungod lang kay nanagsulti sila sa ubang mga pinulongan. Kita n'yo? Kondili toohan ninyo nga anaa sa ila ang Espiritu Santo tungod sa mga bunga nga ginapamunga nila, kay gisulti ni Jesus, "Pinaagi sa ilang mga bunga maila ninyo sila." Kita n'yo? Husto kana, "Pinaagi sa ilang bunga."

⁹⁶ Bueno, pero karon, ayaw pud pahanugoti nga mapahilayo ako niana karon, tungod kay dili ko gustong mapasipala ang usa ka halangdon nga gasa nga gihatag sa Dios. Kita n'yo? Ug nagatoo ako nga ang usa ka lalaki o babaye nga puno-sa-Espiritu, o usa ka bata, nga nagapuyo ilalum sa altar sa Dios, dili magdugay nga magpuyo dinha hangtud nga sila magsulti na sa ubang mga pinulongan. Kita n'yo? Nagatoo ako nga buhaton kini sa maong lalaki, o sa maong babaye.

⁹⁷ Karon, mahimo mong madawat ang Espiritu Santo ug tingali wala ka magsulti'g ubang mga pinulongan sa dihang nadawat mo Kini. Kita n'yo? Pero kung padayon kang nagahapa dinha sa atubangan sa Dios sa tanang panahon, nga nagadawat og sunodsunod nga bautismo, aduna gyu'y mahitabo. Kita n'yo? Moabot ang adlaw nga mapuno gyud ka nga dili ka na makasulti

pa; kita n'yo, ikaw—ikaw—maningkamot ka nga magsulti og usa ka butang, dayon dili mo na gyud kini masulti pa, ug dili mo na gyud kini masulti. Ug kasagaran pagmaamgo sa mga tawo nga ang Balaang Espiritu kana ipadayon nila kini ug ablihan nila mismo ang ilang kasingkasing ug tugotan ang Dios nga makigsulti kanila.

⁹⁸ Ang gisulti sa Biblia, “Sa nagabungabunga nga mga ngabil ug sa ubang mga pinulongan Ako mosulti niining katawohan.” Isaias 28, kita n'yo, 28:18. Karon, “Sa nagabungabunga nga mga ngabil ug sa ubang mga pinulongan mosulti Ako.”

⁹⁹ Unsa man ang “nagabungabunga”? Usa ka tawo nga dili makasulti og klaro, nga naga, “Huh, uh, uh, huh, uh, huh, uh, huh.” Ikaw...nagabungabunga ka, gapaningkamot nga, “Huh, uh, huh.” Kita n'yo, puno lang gyud sa Espiritu! Siya naningkamot sa pagsulti...Sama sa isulti ko unta, “Igsoong Ja-Jack-...Ja-...Ig'son Jack-...Igsoong Ja-Ja-Jack-Jack-Jackson.” Kita n'yo, mora'g ingon niana, aduna ka'y gipaningkamotan nga isulti, nga dili mo kini maisulti. Kita n'yo, kana, puno lang gyud sa Espiritu! Kini...

¹⁰⁰ Gusto kong mangutana sa inyo mga igsoon, nabati n'yo na ba nga giyugyug kamo sa Espiritu Santo sa hilabihan hangtud nga halos dili na mo makasulti og bisan unsa, mohilum na lang kamo usahay, molingkod na lang kamo dinha ug maghilak? Nabuhat n'yo na ba kana? Bueno, kana ang Espiritu Santo. Kung inyong... Ang hinungdan kasagaran kung nganong dili makasulti ang mga tawo sa ubang mga pinulongan, dili man gud sila kabalo kung unsaon pagtugyan sa ilang mga kaugalingon ngadto sa Espiritu ug ginapangita nila ang usa ka butang nga atua sa halayo sa dihang anaa ra mismo Kini sa ila. Kita n'yo? Kana ang hinungdan kung nganong dili nila...

¹⁰¹ Ug dayon ang ubang tawo basta na lang nagpaanod sa ilang kaugalingon sa emosyon ug nanagsulti'g ubang mga pulong nga wala gyu'y kahulogan, ug wala nila sa gihapon nadawat ang Espiritu Santo, ug ginapugos nilang isulti nga nadawat na kono nila tungod kay sila nanagsulti man og ubang mga pinulongan. “Pinaagi sa ilang mga bunga maila ninyo sila,” kita n'yo.

¹⁰² Karon, aduna ba'y pangutana? [Nagaingon si Igsoong Junior Jackson, “Igsoong Branham?”—Ed.] Sige, igsoon. [“Nalipay ko nga napangutana kana nga pangutana, kay dili man ikalimod basin mahunahuna sa uban kung unsay akong gitooan ug gitudlo sa dugay na nga panahon. Pero ginatoohan ko kini sama sa pagkatudlo mo niini.”] Salamat, Igsoong Jackson. [“Bisan nga kapila na ako magsulti'g ubang mga pinulongan, o bisan unsa, kung ang akong kinabuhi wala nagapamatuod sa kung unsa ang ginasulti sa Biblia nan wala ko'y kalainan sa mangil-ad nga iro nga nagalakaw diha sa dalan.”] Husto kana. [“Ug wala gyud ko magsulti og dili hisabtang pinulongan hangtud sa unom ka bulan

pagkahuman nako nadawat ang akong bautismo.”] Mora’g ingon niana pud, ako, Igsoong Jackson.

¹⁰³ Nadawat ko ang bautismo sa Espiritu Santo didto sa payag ko, kita n’yo. Ug paglabay sa mga usa ka tuig, o mora’g ingon niana, ako’y—ako’y. . . nagsulti na og ubang mga pinulongan.

¹⁰⁴ Ug mga usa ka tuig o duha human niadto, nagwali na usab ako sa usa ka simbahan, ug ako niadto—nagtindog ako niadto sa entablado nga sama niini, ug ako. . . Niadtong bata-bata pa ako ug dili pa gahi ang lihok ug tigulang na sama nako karon, mas medyo makalihok-lihok pa ako ug emosyonal kaayo ako sa pagwali. Nagatindog ako kaniadto nga nagwali ug basta na lang akong milukso sa usa ka lamesa. Sa usa ka simbahang Baptist kadto, didto sa simbahang Milltown Baptist, ug milakaw ngadto sa pasilyo, nga nagawali sa ingon ka makusganon kutob sa akong mahimo sa pagwali nga ingon niana. Ug dihadhiha nga mihunong ako sa pagwali, adunay Butang nga basta na lang nagpahinungdan para mawala ako sa akong kaugalingon ug nagsulti ako og pipila ka pulong, upat o lima, o unom ka pulong, diha sa dili hisabtang pinulongan. Ug sa dili pa nako naamgo kung unsa ang akong ginabuhar, nadungog ko ang akong kaugalingon nga nagapamulong og “Ang Bato sa yutang malaay, ang Dalangpanan sa panahon sa unos.” Kita n’yo?

¹⁰⁵ Ug dayon usa ka adlaw kaniadto sa dihang ginasubay ko ang riles sa tren, nagalakaw ako niadto sa riles sa tren, sa niining bahin sa Scottsburg, ginasubay ko kaniadto ang riles sa tren, nga nagapatrolya. Kusog nga nagahaguros ang hangin, oh, grabe, ug nagyelo na sa tibuok riles, ug mitabok ako para susihon kadtong trayntay-tres ka libong boltahe nga linya didto; kadtong saysenta’y-sais nga atua sa pikas dalan, medyo kalinya niadtong riles. Ug ginasubay nako kadtong riles, ug kalit na lang. . . nagalakaw ako sa daplin niadto, nga nagakanta. Hinoon kanunay man kong gakanta-kanta. Aduna ko’y lain-laing mga lugar nga akong ginaadtoan para mag-ampo. Ug nagalakaw ako didto, nga nagakanta, ug kalit na lang naamgo ko nga nagasulti na diay ako og ubang mga pinulongan, kita n’yo, wala ko kabantay kung unsa ang akong ginabuhar.

¹⁰⁶ Ang pagsulti’g ubang mga pinulongan kalit lang kini nagaabot nga halos dili na mahibaloan sa maong tawo ang ginabuhar nila, o, wala sila nahibalo kung unsa ang ginasulti nila. Ug ingon niana pud ang paghubad. Wala sila kabalo kung unsa’y igasulti nila. Wala silang ideya nga igasulti nila kini, tungod kay kini’y supernatural. Kita n’yo, hangtud nga ginaapil n’yo ang natural diha niini nan wala mo. . . ang inyong—inyong—inyong naabot mao’y sa natural lang, kita n’yo. Pero pag aduna na’y naggunit kanimo ug nagkontrol kanimo, ug ginabuhar na nimo kini. Kita n’yo?

¹⁰⁷ [Nagaingon si Igsoong Neville, “Igsoong Branham, mahimo

ba akong magsulti og usa ka butang dinhi mismo?”—Ed.] Oo, puede, Igsoong Neville. [“Karon, ginasulti mo kini sa ingon nianang paagi, dili mo intensyon nga isulti, bisan pa, nga—nga kinahanglan ba nga ang pagsulti og ubang mga pinulongan maanaa sa kahan-ayan sulod sa panerbisyo kung dili kini makontrol nianang tawo? Tungod kay siya . . . Ang usa ka tawo nga adunay gasa kinahanglan nga aduna siya’y pagkontrol niini.”] Mahimo niyang kontrolon ang kaugalingon niya. Oo. Sama ra . . . [“Kinahanglan nga aduna ka’y igong panimuot aron mahibaloan mo nga magsulti na siya sa ubang mga pinulongan”] oo, husto kana [“o wala siya sa kahan-ayan sa sugod pa lang.”] Husto kana, mabati niya kana. Kita n’yo? Karon, sama mismo sa gisulti sa Biblia, “Kung—kung adunay usa nga nagasulti’g ubang mga pinulongan ug walay tighubad, nan pahiluma siya.” Karon, siyempre.

¹⁰⁸ Ingon ta, pananglitan, nagatindog ako dinhi, and si kinsa man, sa dihang hapit ka nang mosinggit, ingon niana pud. Nabati na ba ninyo ang gahum sa Dios nga mikunsad kaninyo sa dihang andam na mong mosinggit? Pila man ang nakasinati niana? Bueno, kitang tanan. Kita n’yo? Nagalingkod ka lang dinha, dayon mabati mo nga nagaabot kini. Karon, adunay mga higayon nga mahimo mong pugngan kana, kita n’yo. Mahimo ninyo kining pugngan, kita n’yo, dili man gud husto.

¹⁰⁹ Unsa na lang kung nagatindog ka, nga kaistorya ang—ang Presidente sa Estados Unidos, o nagatindog ka dinhi nga kaistorya ang mayor sa siyudad, ug nagkaistorya mo mahitungod sa kung unsang butang, o dinhi mismo sa dalan, nga kaistorya ang usa ka pundok sa mga tawo, ug kalit na lang nga ang gibati mo nga mora’g gusto mong molukso-lukso, ug mosinggit ug mosiyagit “Himaya! Alleluyah!” ug pangsipaoon ang tanang butang ug modagan paadto nganhi sa dalan nga ingon niana. Moingon gyud sila nga nabuang ka na. Kita n’yo? Moingon gyud sila, “Buang kana nga tawo.” Kita n’yo?

¹¹⁰ Bueno, kita n’yo, nasayod gyud ka nga dili kana maayong buhaton. Pugngan mo, bisan nga nagabukal-bukal kini sa kinasuloran mo ug halos dili mo na kini mapugngan. Moingon ka, “Oo, sir. Oo, sir. Uh-huh. Uh-huh. Oo. Oo, sir. Uh-huh.” Grabe, ginautingkay gyud ka niini pero kabalo ka nga kinahanglan mong pugngan ang kaugalingon mo pag ingon niana. Kita n’yo?

¹¹¹ Sama sa usa ka korte dinhi dili pa lang dugay, aduna pipila ka mga Pentecostal didto nga gikasuhan tungod—tungod sa pagbuhat sa kung unsa man, nga nagasinggit og kusog kaayo o mga ingon niana, nga sila—sila lehitimo man kaayo, kita n’yo, nga husto man. Pero sa matag higayon nga sugdan sa maghuhukom nga mamulong o magsulti og usa ka butang ngadto kanila, sa gilayon magsulti sila’g ubang mga pinulongan. Kita

n'yo? Ang ingon sa maghuhukom, "Papahawaa ninyo sila nga mga tawong buangbuang gikan dinhi." Tan-awa?

¹¹² Karon, kung aduna pa unta'y paghubad niadtong ubang mga pinulongan ug gisultihan ang maghuhukom nga "MAO KINI ANG GINAINGON SA GINOO," *ingon niini-og-ingon niana* nga butang nga tinuod, "MAO KINI ANG GINAINGON SA GINOO! Maghuhukom, para sa unsa man ang ginatindog mo dinhi nga ginahukman ako sa dihang kagabii gikapuy-puyo mo ang usa ka babaye nga bigaon? Sally Jones ang ngalan niya, nagpuyo siya sa 44 *Ingon niini-ingon niana-ingon niining* lugar, mora'g ingon niana. Nganong ginahukman mo ako? Kana ang MAO KINI ANG GINAINGON SA GINOO! Karon ipanghimakak mo kana ug matumba ka na lang nga patay na." Karon, oh, igsoon! Lahi gyud nga butang kana.

¹¹³ Pero kung motindog ka lang ug magsulti, ug makaingon siya, "Para kono kanila luog kamo." Nakita n'yo na? Karon, angay nga kabalo mo kung kung kanus-a mo maghilum ug kung kanus-a ninyo dili buhaton kini. Kita n'yo? Karon, kana'y. . . Kita n'yo. Akong. . .Direkta n'yo akong sabta karon, kabalo na mo kung unsay buut kong ipasabot. Kita n'yo? Mao gyud kana. Siguradong. . .

¹¹⁴ Aduna kita og ingon niana gihapon nga pangutana unya. Ang hinungdan kung nganong hangtud lang ko niini, magkapareha lang man gud kini, "Angay ba sila nga maghilum?" Nakita n'yo? Kana ang hinungdan kung nganong wala ko na kini gitubag nga labaw pa sa gipangutana mo. Pero kini na ang higayon, nga tubagon kini karon, kita n'yo, karon na. Ug mahisgotan pud nato kana sa usa pa nga pangutana dinhi, ug medyo pahinungdan ko na lang kini. Nasabtan ba og ayo sa tanan kanang pangutana?

[Nagapangutana si Igsoong Fred, "**Igsoong Branham?**"—Ed.] Oo, Igsoong Fred. [**Ang—ang usa ka tawo ba nga nagasulti diha sa—sa Espiritu, nga nagapamulong (ingnon na lang nato nga usa siya ka taga-Inglaterra ug makasulti siya og Ingles) ug mohatag ba ang Espiritu og igsusulti?**]

¹¹⁵ Sigurado. Oo, sir. Kita n'yo, tungod kay nagasulti ang Balaang Espiritu sa tanang pinulongan. Kita n'yo? Niadtong Adlaw sa Pentecostes nag-uban ang matag pinulongan ilalum sa Langit, kita n'yo. Ang pagpamulong diha sa Ingles. . .Karon, nahibalo na ko niini kaniadto pa, Igsoong Freddie, ako mismo, nga ako. . .kung mowali man ako og usa ka sermon nga adunay unsa mang pagdihog niini, ang Espiritu kini nga nagahatag og pagpamulong, nakita n'yo. Kini ang. . .Kita n'yo? Busa mamahimo kanang dili hisabtang pinulongan alang sa usa ka tawo nga dili makasabot og Ingles. Pero bisan pa man. . .

116 Ug sama sa dili hisabtang pinulongan nga dili man gyud og usa ka “dili hisabtang” pinulongan, kini’y . . . adunay usa ka tawo didto . . . Sama niadtong Adlaw sa Pentecostes, ang sulti nila, kadtong mga makasasala, ang sulti nila, “Sa unsang hitaboa nga madungog man nato ang matag tawo sa kaugalingon natong pinulongan? Sa unsang hitaboa nga *madungog* man nato kining mga Galileanhon nga nagapamulong sa ato mismong pinulongan?” Wala man lang og “dili hisabtan” mahitungod niadto. Wala’y ingon nianang butang nga “dili hisabtan” nga pinulongan niadtong Pentecostes. Karon, kita n’yo, wala kana nahisubay sa Kasulatan man lang. Kita n’yo? Wala’y dili hisabtan . . . dili man kadto di-hisabtang pinulongan, usa mismo kadto ka pinulongan. “Sa unsang hitaboa nga madungog man sa matag usa kanato ang ato mismong pinulongan nga atong namat-an?” Wala gyud nga dili hisabtan mahitungod niadto. Kita n’yo? Nga . . . adunay pangutana ba mahitungod niana karon, mismo karon adisir nato kini biyaan? “Sa unsang hitaboa nga madungog man sa matag usa kanato ang ato mismong pinulongan?” Kita n’yo?

117 [Nagaingon ang usa ka igsoon, “Dinha—dinha niana nagkaaduna og gamay’ng pagkasayup tungod sa kahuyang sa tawo, ug sa diha nga ang mga tawo ayaw—ayaw nang modawat og bisan unsa, og ingnon lang, ‘dili gyud ko motoo niana, kadto lang ang nahisubay sa Buhat 2:4.’”—Ed.] Bueno, kung nadawat nila kadto sumala sa Mga Buhat 2:4 siguradong dili gyud sila magsulti sa dili hisabtang pinulongan. [“Dili, kondili sa usa ka pinulongan.”] Uh-huh. Siguradong magsulti sila sa—sa pinulongan nga nadungog ka sa mga tawo, kita n’yo, tungod kay “nadungog man kadto sa matag tawo diha sa iya mismong pinulongan.”

118 Karon, kung nadawat ko ang Espiritu Santo karon mismo, sumala sa . . . isulti ko . . . Nagatoo ko nga adunay usa ka igsoon dinhi nga nangandoy og Espiritu Santo, nga mao si—si—si Igsoong Wood. Husto ba kana, Igsoong Wood? Dili ko buut unta nga isulti ang imong ngalan, pero ang tanan . . . mga igsoon ra ta dinhi ug gusto lang natong isulti kini. Ug gipangandoy niya ang bautismo sa Espiritu Santo. Karon, kung nadawat ni Igsoong Banks ang Espiritu Santo dinha, sa hustong paagi, kung nadawat niya Kini subay sa Biblia, motindog siya dinha, ipamulong kini, ipamulong niya kini sa Ingles, ug mosulti, “Si Jesus Cristo nga Anak sa Dios nabanhaw,” ginasulti niya kini nga adunay nagdilaab nga pagpropesiya nga ingon niini ang ginasulti. “Kabalo ko nga Siya mao gayud, tungod kay bag-o lang Siya misulod sa akong kasingkasing. Siya ang Anak sa Dios! Nawala na ang akong mga sala, aduna gyu’y butang nga nahitabo kanako.” Kita n’yo? Mao kana. Kana mao’y pagsulti sa . . .

“Sa unsang hitaboa nga madungog man sa matag usa kanato

ang ato mismong pinulongan?”

¹¹⁹ Pananglitan, unsa kaha kung kitang mga taga-Indiana nagsulti'g ubang pinulongan kaysa sa mga taga-Kentucky, ug usa ka taga-Kentucky si Igsoong Banks? Ug nagsulti sila sa ubang pinulongan niadto, ug ania kita nga nasayod nga dili siya makasulti'g pinulongan sa Indiana. Ug dayon mitindog siya dinha nga nagasulti og—og pinulongan sa Indiana, ug nasayod kita nga dili man siya kabalo niini. Kita n'yo? Ug madungog nato siya diha sa Indiana nga pinulongan, nga sa hunahuna niya nagasulti gihapon siya sa Kentucky nga pinulongan. Nagapamatuod siya, “Dalaygon ang Dios! Si Jesus nabanhaw gikan sa mga patay. Alleluiah!” pero madungog nato siya sa Indiana nga pinulongan.

¹²⁰ Ingon niana ang nahitabo kaniadto sa Adlaw sa Pentecostes. Kita n'yo? “Sa unsang hitaboa nga madungog man sa matag usa kanato,” kita n'yo, “tan-awa n'yo, dili ba nga kini tanan nga nagasulti mga taga-Galilea man,” kita n'yo, mga taga-Kentucky? “Ug sa unsang hitaboa nga kita nga mga taga-Indiana, Ohio, ug Illinois, ug Maine, ug Massachusetts, ug mga taga-California, madungog man siya sa atong pinulongan nga atong namat-an?” Nakuha n'yo ang ideya? Kita n'yo, pagdihog kini. Kita n'yo, pagdihog kini nga nagpahinungdan kanila nga makadungog, pagdihog kini kanila.

¹²¹ Kita n'yo, ang mensahe . . . ang punto man gud niini, kini usa ka pagpamatuod sa pagkabanhaw ni Jesus Cristo. Kita n'yo, husto kana. Karon, kung wala kini gikinabuhi sa Dios diha sa sulod ninyo, bisan unsa pa ang pagpamatuod ninyo Niini, wala gyud ninyo Kini nadawat. Kita n'yo? Husto kana. Bisan pag unsa ka maayo n'yong . . .

¹²² Aduna pa ba'y ubang pangutana karon? [Nagaingon si Igsoong Roy Roberson, “Buena, Igsoong Branham, sa hunahuna ko nakita na nato kana nga nahitabo diha sa linya sa pagpaampo, niadtong Katsilang babaye.”—Ed.] Oo. Eksakto, Igsoong Roy. Didto kini kaniadto sa—sa mismong pagaadtoan ko karon, sa Beaumont—Beaumont. Sa Beaumont ba kadto? Oo, sir.

¹²³ Niadtong higayona, gihunong na ang linya sa pagpaampo. Adunay usa ka gamay nga Katsilang babaye nga misaka sa entablado. Buena, sa tinuod lang, sa pagtoo ko halos nawala na ako sa panimuot niadto, dili ba? Dalhon na unta ako pagawas ni Howard, ug—ug kining . . . Ako—ako—aduna ko'y nadungog nga nagahilak, usa kadto ka gamay nga Katsilang babaye didto, oh, mga kinse, dise-sais anyos ang panuigon, husto . . . bata pa lang. Ug—ug mitan-aw ako, ug siya na unta ang sunod nga prayer kard kung gipapadayon ko lang ang pagtawag. Aduna pa ako niadto og ubay-ubay nga nakalinya didto, og siya na kadtong sunod nga prayer kard. Miingon ko, “Dad-a ninyo siya ngari.” Busa gidala nila siya sa itaas sa entablado. Moadto na unta ako niadto sa usa

pa ka panagtigum, ug miingon na lang ko, “Sige dad-a ninyo siya dinhi.”

¹²⁴ Busa, nahibaloan ko, mora’g ingon niini ang gisulti ko sa iya, “Karon, motoo ka ba? Kung tabangan ako ni Jesus nga isulti sa imo kung unsay problema kanimo, motoo ka ba nga—nga ayohon ka Niya?” Ug nagpabilin lang siya nga nagduko. Naghunahuna ko nga basin bungol siya ug amang. Kita n’yo?

¹²⁵ Busa sa pagtan-aw nako pag-usab, ako miingon, “Dili, dili lang siya makasulti og Iningles.” Busa gipaadto nila didto ang usa ka tighubad, ug miingon ko, “Motoo ka ba?” Ug misinyas siya sa . . . Dayon nahisabtan na niya pinaagi sa tighubad, siyempre. Kita n’yo?

¹²⁶ Bueno, dayon miingon ko . . . Ug pagtan-aw nako ug nakita ko ang usa ka panan-awon. Ingon ko, “Nakita nako nga naglingkod ka duol sa usa ka karaan nga abohan ug adunay usa ka daku nga kaldero nga nagbitay, nga puno sa mga dalag nga mais. Imong o- . . .” Madumdoman mo pa ba kana, Igsoong Roy? Ang ingon ko, “Nasobrahan mo ang pagkaon niadtong mais. Ug sa pagkaon mo niadto, nagkasakit ka og grabe ug gipahigda ka sa imong mama sa higdaanan ug nagsugod ka nga sugmaton og epilepsy.” Ug ingon ko, “Nagkaaduna ka na og ingon niana sukad niadto.”

¹²⁷ Ug dayon milingi ang babaye sa tighubad ug miingon kaniya diha sa kaugalingong pinulongan sa babaye, “Abi nako dili siya makasulti’g Ingles . . . o makasulti’g Kinatsila!”

¹²⁸ Ug milingi kadtong tighubad sa ako ug miingon, “Wala man ka misulti og Kinatsila, di ba?”

¹²⁹ Ingon ko, “Wala.” Busa gisusi namo kadto nga bahin sa rekorder, gipahunong kadtong mga rekorder, puro gyud og Iningles kadto.

¹³⁰ Pero dayon ang ingon niadtong tighubad, “Isulti mo sa ako kung unsay gisulti niya kung ingon niana.” Kita n’yo, kinahanglan niyang makuha ang interpretasyon. Ingon pa niya, “Isulti mo sa ako kung unsay gisulti niya.” Ug gisulti niadtong babaye ang mao mismong mga pulong ngadto sa tighubad, ug gisulti kini utro sa tighubad.

¹³¹ Karon, nadungog ako sa babaye diha sa iya mismong pinulongan nga iyang namat-an, ug nga samtang nagasulti ako og Iningles. Pero nadungog kini sa babaye diha sa Kinatsila. “Sa unsang hitaboa nga madungog man sa matag usa kanato ang ato mismong pinulongan nga atong namat-an?” Ug naayo kadtong bata. Kita n’yo, mao kana, kini ang kahibulongang mga buhat sa Dios.

[Nagapangutana ang usa ka igsoon, “**Kung ingon niana ang sudlanan nga adunay sulod nga Balaang Espiritu maoy dili . . . mahimong usa ka sudlanan lamang, ug ang Usa nga**

nagapuno niini mahimo niini nga pun-on sa kung unsa ang Iyang . . . ?”—Ed.]

¹³² Kung unsa man ang ginatinguha sa Dios, mao na kana. Eksakto gayud. Ug dayon matikdi kung unsay gipuno niini, ayha mo mahibaloan kung nadawat mo ba gyud ang Espiritu Santo o wala, kung ingon-ana. Kita n’yo? Matikdan mo lang kung unsay gipuno niini. Kung ang—kung ang sudlanan ba’y gipuno og mga kahugawan, nan kini dili sudlanan nga iya sa Dios. Pero kung gipuno kini sa mga kaputli, nan sudlanan kini nga iya sa Dios. Nakita n’yo ba ang buut kong ipasabot? [Nagaingon ang igsoon, “Ug ang sudlanan, adunay mga panahon nga gamiton ang sudlanan ug dili kini mahibaloan, dili mahibaloan nianang higayona, nga gigamit na diay kini?”—Ed.] Oh, sigurado. [Nagapamatuod ang usa ka igsoon.] Uh-huh. Uh-huh. Eksakto gyud kana, sigurado. Oh, kitang tanan, makita man gud nato kana. Nakita ko na kana sa daghang higayon. Oo, sir. Oo, sir. Kitang tanan. . . Kabalo kita nga pamilyar na kita sa mga ingon nianang butang.

Nagatoo ko nga kana ang pang-upat: **Ang tanan ba nga mga tawong puno-sa-Espiritu-Santo magasulti’g ubang mga pinulongan sa dili magdugay? Nakita ko kung diin gisulti ni Pablo, “Nagsulti ako og daghang ubang mga pinulongan kaysa—kaysa sa ila tanan.”**

Bueno, sa hunahuna ko karon, para mahuman ang pangutana sa igsoon:

Si Pablo, nga nagsulti og daghang ubang mga pinulongan kaysa sa tanan.

¹³³ Si Pablo usa ka maalamon nga tawo, daghan siyang nahibal-an nga mga pinulongan, siya mismo. Kita n’yo, makapagsulti siya og . . . siya . . . Nadumdoman n’yo niadtong gibista siya, makapagsulti siya og ingon niini nga klase sa pinulongan o nianang klase sa pinulongan, o kung unsa man kadto. Ug dili kadto mahisabtan nga mga pinulongan para sa mga tawo, pero dili kadto tungod sa pagdihog. Pagsulti ra kadto og mga pinulongan, kita n’yo. Pero . . . ug . . .

¹³⁴ Pero nagatoo ako nga ang usa ka tawo nga puno-sa-Espiritu nga nagapuyo ilalum sa altar sa Dios, sa walay duda, sa dili madugay, magkaaduna gyud og kasinatian sa pagsulti’g ubang mga pinulongan, tungod kay mao kana ang usa sa pinakaubos ug pinakagamay nga butang nga aduna sumala sa paghulagway ni Pablo. Kung sunodsunod mong iplatar ang mga niini, kini ang pinakaulahing butang diha sa linya sa mga gasa, kita n’yo, ang pagsulti’g ubang mga pinulongan.

¹³⁵ Pero karon, una, nabautismohan kamo . . . Dinhi, ang matag usa kaninyo maoy mga gasa. Anaa ako sa gawas. Karon, “Pinaagi sa usa ra ka Pultahan, usa ra ka Espiritu,” usa ra ka pultahan pasulod *niini* nga lawak. Husto ba kana? Karon, dili

ako makasulod pinaagi *nianang* agianan, dili ako makasulod pinaagi *niini* nga agianan ug pinaagi *nianang* agianan. Kita n'yo? Unsaon nako pagsulod *dinhi*? Pinaagi ba ni Igsoong Roberson? Dili, sir. Pinaagi, bueno, ingnon nato, ni Igsoong Leo? Nga mahimong gasa siya sa pagsulti'g ubang mga pinulongan, kita n'yo, makasulod ba ako pinaagi ni Leo? Dili, sir. Huh-uh. Bueno, unsaon nako pagsulod? "Pinaagi sa usa ra ka Pultahan, pinaagi sa usa ra ka Espiritu." Ang Espiritu dili lang man og pagsulti'g ubang pinulongan. Dili. Kita n'yo? Kita n'yo, "Pinaagi sa usa ra ka Espiritu gibautismohan ako pasulod niini nga Lawas."

¹³⁶ Karon, *kini* ang Espiritu, *kamong* tanan ang mga gasa. Moingon mo, "Bueno, dalaygon ang Dios!" Moadto ko ug, ingnon nato, anaa—anaa man dinha si Igsoong Wood, siya'y mga milagro. Kita n'yo? "Oh, naghimo ako og milagro. Kabalo ko nga ania kanako ang Espiritu Santo tungod kay naghimo ako og milagro." Dili pinaagi sa usa ka "milagro" gibautismohan kitang tanan ngadto sa Lawas.

¹³⁷ Dayon moadto ka kang Igsoong Junie, siya'y kahibalo, "Bueno, bueno, aduna ako'y kahibalo sa Biblia! Grabe, isulti ko sa inyo, kabalo ko nga ania na sa ako ang Espiritu Santo tungod niana." Dili, dili kana sa gihapon mao ang paagi sa pagsulod.

¹³⁸ Sige. Dili pinaagi ni Igsoong Leo, dili pinaagi ni Igsoong Wood, dili—dili pinaagi ni Igsoong Junie. Kita n'yo? Dili. Kondili pinaagi sa usa nga unsa? [Nagaingon ang kongregasyon, "Espiritu!"—Ed.] Bueno. Gibautismohan ako ngadto niining Lawas, karon nakasulod na ako niini, karon asa kaha ako gamiton sa Amahan? Kita n'yo? Nahitabo nga si Leo naglingkod duol sa pultahan; walay duda kini ang usa sa mga unang butang nga mahitabo. Pero mahimong dili pud. Mahimong mas dato ako sa Espiritu, hangtud nga mahimo kong makaadto nga diretso kang Igsoong Wood, laktawan ang tanang uban pa niini. Dili n'yo na mahimong isulti kanako nga wala ako'y Espiritu Santo, tungod kay anaa na ako sa sulod niining Lawas pinaagi sa bautismo. Pero wala ako gipasulod sa Dios dinhi aron moingon, "Bueno, dalaygon ang Dios, siguro molingkod na lang ako, magrelaks 'relaks, paingon na man ko Langit." Huh! Nakita n'yo ba ang buut kong ipasabot?

¹³⁹ Pero mahimo akong mobalik gikan dinhi, dire-diretso didto. Nakita n'yo ba ang buut kong ipasabot? Mahimo akong moadto gikan sa usa nga pinakatumoy padulong sa pikas tumoy, o mahimo akong moadto sa tunga-tunga, o bisan asa. Pero adunay mahitabo, sigurado nga aduna gyu'y mahitabo. Ug unsa man kini? Pinaagi sa bautismo sa Espiritu ginapakita kanako nga ako anaa na sulod sa Lawas, "Pinaagi sa usa ka Espiritu." Nasabtan mo na ba, igsoon, dinhi? Sige! Mao ba gyud? Sige.

112. Sa unsang pagkahan-ay ba gamiton ang pagsulti og ubang mga pinulongan ug mga propesiya samtang adunay

panerbisyo (Kini kinahanglan nga dili gamiton sa bisan unsang paagi samtang ginapahigayon ang panerbisyo! Kita n'yo?) **aron sa paghimaya sa Dios** (Dili unsa mang paagi!), **ug sa paglig-on sa iglesia? Kabalo ko nga ginasulti sa mga tawo nga ang espiritu sa propeta—kabalo ko nga ang—ako—kabalo ko nga ang...** (p-... sa tan-aw ko... Dili, pasayloa ko, ang nahisulat diay “ang Biblia,” B-i-b-l-i-a. Ang una nakong basa p-e-p-l-e o mora'g ingon niana. Dili.) **ang—ang ginasulti sa Biblia, “Ang espiritu sa mga propeta napailalum ngadto sa propeta.”** (Eksakto.)

¹⁴⁰ Ang espirituhanon nga pagsulti'g ubang mga pinulongan ug pagpropesiya maoy paglig-on sa iglesia, pero kini adunay kaugalingon nga buluhaton. Kita n'yo? Dili kini angay'ng mosagbat samtang ang propeta sa iglesia mao'y...samtang ginapahigayon ang panerbisyo. Kita n'yo? Dili gyud kini angay'ng magsamok sa panagtigum.

¹⁴¹ Karon, kita n'yo, “ang mga espiritu sa mga propeta.” Kita—aduna kita'y usa pa ka pangutana karon, ipadaplin sa nato kana sa kadali. Kita n'yo, ang tinuod nga hustong paagi sa mga niini...sa pagpalihok niini nga mga gasa...Kini pagtubag mahitungod sa daghang mga gasa, nakita n'yo. Pagmoabot na kita nianang mga pangutana maingon nato nga natubag na nato kana dinhi sa niining una, sa niining tawo dinhi mahitungod niining usa. Kita n'yo? Panglima kana:

Kinahanglan bang gamiton ang pagsulti og ubang mga pinulongan ug mga propesiya samtang adunay panerbisyo aron sa paghimaya sa Dios?

¹⁴² Nakita n'yo, karon, ang ministro...kung ang ministro dinihogan sa Dios, ug napahimutang sa kahan-ayan ang iglesia, karon, ang hustong paagi...Daghan sa inyo ang nakahibalo kung giunsa ko—ko pagsulti sa inyo ang mahitungod sa “pagbutang niini diha sa kahan-ayan.” Kini nga mga gasa angay nga...Karon, ingon niini ang buhaton nato sa tabernakulo, kon itugot sa Ginoo. Karon, naga-observable ako, may nakita akong usa ka butang, ginabilin ko kang Igsoong Neville ug silang uban pang mga kaigsoonan dinhi sa kahan-ayan. Karon inyong...Ug diin daghan sa niining mga igsoong kalalaken-an nga mga batan-on pa.

¹⁴³ Karon, ako—usa na ako ka tigulang nga beterano sa—sa inyong tanan niining Dalan. Trayntay-uno na ko ka tuig sa Niini. Mga traynta ka tuig na ang milabay niadtong gipahimutang nako kanang bato dinha. Kinahanglan kong atubangon kaniadto ang tanang butang nga kinahanglan atubangon, ug siguradohon mong nahibalo gyud ka kung unsay imong ginasulti, usab, sa dihang moabot ka niini. Dili lang nga kinahanglan kang nahibalo niana, siguradohon mong anaa ang Dios dinha aron

paluyohan kana sa dihang imong—sa dihang imong maatubang kini.

¹⁴⁴ Karon, ang labing malampuson nga paagi sa—sa pagbuhat niini karon, mahimo kamong magkaaduna og espesyal nga panagtigum. Nagatoo ako nga ingon niana ang gibuhath nila dinha sa Unang Mga Taga-Corinto 14, “Kung adunay butang nga igapadayag ngadto niining usa nga nagalingkod sa tupad, maghilum kanang usa pa kung ingon niana.” Nagatoo ako nga kadto’y “usa ka espesyal nga panagtigum para sa mga gasa,” nga maayo kanang ingon niana. Kung gusto nila nga magkaaduna og espesyal nga panagtigum kon diin ang tanang mga tawo nga adunay gasa magkita-kita kausa sa usa ka semana, sila nga adunay mga gasa, ug magtipon-tipon sila sa simbahan, mas maayo kanang ingon niana. Tugotan sila nga magpahigayon og ingon niana nga panagtigum, walay . . . walay pagwali, para lang kini sa mga gasa sa Espiritu.

¹⁴⁵ Dili kana para sa mga taga-gawas ug sa mga dili-magtotoo. Mosulod sila, manglingkod, moingon. . . Dayon adunay motindog ug mag, “ah-ah,” magsulti’g ubang mga pinulongan; moingon pud kadtong usa, “wha-ah.” “Naunsa man na oy!” Mosulod kadtong mga bag-o ug moingon, “Asa na diay kadtong kantahan? Asa na kadtong uban pa niini?” Kita n’yo?

¹⁴⁶ Pero, karon, kini silang nanagsulti’g ubang mga pinulongan, daghan kanila (ug nanaghubad, ug uban pa) mga bata pa sa Ebanghelyo. Kita n’yo? Ayaw—ayaw ninyo himoang mapangdol sila, tugoti ninyo silang—tugoti sa ninyo silang motubo hangtud nga kanang gasa. . . Ang uban niini, makita ninyo kung sa unsang paagi nga gipaningkamotan ni Satanas nga sudlan ang pipila niini. Siyempre, ang mga dugay na, atong—atong—atong makita kana. Kita n’yo, masapon nato kanang ingon niana, ug bantayi ninyo kini.

¹⁴⁷ Dinhi dili pa lang dugay adunay usa ka ministro, nga nagalingkod dinhi karon mismo, ang miduol sa ako ug gisultihan ako ug gidala niya ako sa iyang balay, usa ka bililhon kaayo nga igsoon.

¹⁴⁸ Wala ko ginasulti kini tungod kay ania siya nagalingkod karon, pero *bililhon* kamong tanan nga mga igsoon. Kung dili ingon niana ang pagtan-aw ko, sultihan ko kamo, “Tugotan natong matul-id nato kining butanga tali kanato, una.” Kita n’yo? Husto kana. Kita n’yo? Gimahal ko kamong tanan, ug ania lamang ako sa espiritu sa pagkamatugtanon sa Biblia, nakita n’yo, aron sa—sa pagtabang. Kita n’yo?

¹⁴⁹ Gidala ako sa niining igsoon sa iyang balay. . . may usa ka babaye, ug sayup kadtong babaye. Ug kining. . . Wala pa nako makita ang maong babaye apan nadungog ko na kini sa teyp, ang iyang paghatag og interpretasyon sa mga pagsulti’g ubang

mga pinulongan, ug sa pagsulti niya sa usa ka butang. Dinha pa lang makita mo na.

¹⁵⁰ Usa niana ka adlaw, ngadto sa usa pa ka ministro, ako, ug ang mao gihapong lalaki, naglingkod kami diha sa usa ka troso, niadtong nangayam kami og squirrel, ug nahisgotan namo ang mahitungod niini. Ug ang duha ka ministro, nga ania karon, kabalo sila kung unsa ang nahitabo didto. Kita n'yo, basta, matikdi ninyo.

¹⁵¹ Sa diha nga kamong mga ministro ginatul-id ang usa ka tawo mahitungod sa usa ka gasa, sa dihang ginatul-id ninyo sila, Sumala sa Kasulatan nga pagtul-id kanila, ug dayon masilo sila, hinumdumi, dili kana ang Espiritu sa Dios, tungod kay ang Espiritu sa Dios dili mahimong masilo sa Iyang Pulong. Nagakunsad Siya sa Iyang Pulong. Kita n'yo, andam sa kanunay ang maong tawo nga modawat niini. Ang usa ka tinuod nga balaan sa Dios gusto niyang magmasinugtanon sa lagda. Oo, sir.

¹⁵² Gusto ko nga matul-id. Gusto ko nga itul-id ako sa Balaang Espiritu sa mga butang nga ginabuhat kong sayup. Ayaw ko sa bisan unsa man nga pangpuli lang. Ako—gusto nako kanang tinuod gyud o ayaw na lang, pasagdi na lang ko, ayaw—ayaw na lang ko hatagi og bisan unsa. Kita n'yo? Tungod kay mas gustohon kong buhaton ang ingon niana kaysa sa magdala og pagpakaulaw kang Cristo.

¹⁵³ Ug ayaw kong magtudlo og bisan unsa ug magsulti og bisan unsa gawas nga ang Kasulatan. . .

¹⁵⁴ Ug kung adunay igsoon, usa ka Cristohanong igsoon nga makakita kanako nga nagatudlo og usa ka butang nga sayup, ikalipay ko kung tawagon mo ako ngadto sa usa ka daplin pagkahuman sa panerbisyo, ug magsulti, “Igsoong Branham, gusto kong moadto sa imong kwarto ug makigsulti sa imo, nasayup man gud ka sa usa ka butang.” Kita n'yo? Akong—siguradong ikalipay ko kana, igsoon, tungod kay gusto kong matul-id. Gusto ko kana.

¹⁵⁵ Karon, gusto natong tanan nga matul-id, busa gusto natong—gusto natong isulti kining mga butanga. Ug kinahanglan nga nagasubay ang mga niini sa Kasulatan, nakita n'yo, nga nagakatakdo sa Kasulatan.

¹⁵⁶ Karon, ang pagsulti'g ubang mga pinulongan kinahanglan nga . . . Karon, taudtaud . . . Karon, ipadaplin ko uná kini karon, sa kadali. Kita n'yo, tambagan ko kamo nga pasagdan n'yo lang sá kini ug pasagdi kini. Sa inyo nga mga ministro karon, kamong mga pastor, pasagdi n'yo lang sá kini hangtud nga mohingkod pa og diyutay kining mga bata. Karon, tingali, sa dili madugay, kung ang kaaway kini nga naningkamot limbongan kanang tawhana, makita kini. Dili kaayo kita sigurado.

¹⁵⁷ Karon, pagkahuman niini, sa dili pa ninyo sugdan kini, kinahanglan magkaaduna kamo dinha og espiritu sa kaalam,

usa ka espirituhanong pag-ila mahitungod sa mga espiritu, kita n'yo, aron mahibal-an n'yo. Ang unang butang, mahibaloan n'yo, magsugod mo nga makamatikod nga adunay makakita og mora'g anaay gamay'ng butang nga dili husto, mao kana'y pag-ila. Dayon, ug atimanon n'yo lang kana sa diyutay'ng panahon. Kita n'yo? Dayon sa dihang makita n'yo nga nagakasayup na kana nga pag-ila, nan itul-id n'yo kana. Ug kung kana nga butang. . . kung kini iya sa Dios, magpatul-id siya sa Pulong. Kita n'yo?

¹⁵⁸ Ingnon ta, pananglitan, moingon ko nga nagsulti kami og ubang mga pinulongan, adunay usa, kita. . . kini mao'y usa—usa ka pundok sa mga tawong adunay gasa. Ug mitindog si Leo ug nagsulti og ubang mga pinulongan; dayon, ug ang usa ka igsoon dinhi, si Willard, naghatag og paghubad. Sige. Karon, gusto kong isulti nga sila ni Igsoong Neville ug Igsoong Junie ug Igsoong Willard Collins maoy mga tagapag-ila, kita n'yo. Karon, tungod kay nagsulti'g ubang mga pinulongan si Leo. . . Karon, ania lang kita sa mora'g usa ka panagtigum sa diyutay'ng mga balaan, usa ka panagtigum sa mga gasa, ug nagsulti'g ubang mga pinulongan si Leo ug naghatag pud og paghubad si Willard dinhi, ug ang ingon niya, “MAO KINI ANG GINAINGON SA GINOO! ‘Miyerkules sa gabii adunay moanhi nga usa ka babaye ug mamahimo siyang—mamahimo siyang bayolente. Isulti n'yo kang Igsoong Branham nga dili niya badlongon ang maong babaye, tungod kay buang ang babaye. Pero isulti ninyo sa iya nga dalhon ang babaye didto sa daplin, tungod kay didto kini sa usa ka daplin kon diin siya nagbuhat og dautang butang sa makausa ug adunay kung unsang butang nga nahitabo.” Kita n'yo? Mora'g nindot gyud kana, dili ba? Kita n'yo? Sige.

¹⁵⁹ Karon, pero ang unang butang, kabalo mo, diha sa Daang Kasulatan, bisan unsa pa ang gisulti sa propeta o kung unsa ang gisulti ni bisan kinsa, ginasusi kadto diha sa Urim Thummim, una. Kita n'yo, gipasusi kadto sa Pulong. Ug kung dili mokidlap ang mga suga niadto, ibaliwala nila kadto. Kita n'yo?

¹⁶⁰ Ug ang unang butang, karon, dad-on nato kini ngadto sa Pulong. Karon, *kining* lalaki nagsulti'g ubang mga pinulongan, husto man kung paminawon. Naghatag og paghubad *kining* usa, husto man kung paminawon. Pero ang sulti sa Pulong, “Kinahanglan nga hukman kana sa duha o tulo ka maghuhukom, una.” Ginadala kini ngadto sa Urim Thummim.

¹⁶¹ Karon, ang pinaka-una gyud, isulti ni Willard Collins, “Iya kadto sa Ginoo.” Isulti ni Junie, “Iya kadto sa Ginoo—Ginoo.” Duha na kana sa tulo. Sige, isulat kadto diha sa usa ka papel, isulti kini dinhi niining simbahan. Dayon kung ang mga tawo nga nakakita nga gibasa kini sa wala pa kini mahitabo, ug dayon makita kini nga mahitabo, isulti nila, “Igsoon, ang Dios kadto! Kita n'yo, ang Dios gyud kadto!”

¹⁶² Pero unsa kaha kung dili kini mahitabo, kung ingon niana unsa ma'y mahitabo? Kita n'yo? (Karon moadto kita sa usa pa ka butang nga mahimo kong lakbitan mismo dinhi, "Ang tanang propesiya ba hingpit . . . ang tanan bang mga paghubad ug mga mensahe propesiya?") Bueno, kadali lang. Karon, unsa kaha kung dili kini mahitabo? Kung ingon niana si Leo nagsulti'g ubang mga pinulongan diha sa bakak nga espiritu; naghatag pud *siya* ug bakak nga paghubad; ug naghatag pud mo og bakak nga paghukom. Nan isalikway ninyo kana nga butang gikan kaninyo. Dili ninyo gusto kana. Sayup kana. Likayi gyud kini. Ang yawa kana. Kita n'yo? [Blangko nga bahin sa teyp—Ed.] "Dili *ako* usa ka magwawali, kondili usa ako—usa ako ka maghuhubad. Kita n'yo, usa ako ka maghuhubad, Ginoo, ako—dili ako usa ka magwawali. Ako . . ." Isulti pud ni Igsoong *Leo*, "Ginoo, dili ako usa ka magwawali, pero ako—aduna ako'y gasa sa pagsulti og ubang mga pinulongan ug gilingla ako sa yawa mahitungod niana. Dios, tangtanga kana nga butang gikan kanako." Isulti *mo*, "Ginoo, gihatagan Mo ako og espiritu sa pag-ila, ug nakita ko mismo nga gibuhat Mo kini sa makadaghang higayon na, giunsa man pagkahitabo niini? Amahan, hinloi ako! Unsa ba'y nahitabo?" Nakita n'yo, kung ingon niana para kaninyo tinud-anay gyud kini.

¹⁶³ Kita n'yo, ingon niana ang usa ka regular nga panagtigum sa mga balaan. Sa tan-aw ko ingon niana kini sa Biblia, tungod kay gisulti ni Pablo, "Kung nagapropesiya ang usa ug adunay ginapropesiya, usa ka butang nga . . . ug adunay butang nga igapahayag ngadto sa usa nga nagalingkod; pahiluma siya hangtud nga magsulti una kining usa, ayha pa siyang magsulti. Ug kamong *tanan* mahimong magpropesiya nga tinagsa." Bueno, dili kana puede sa usa ka regular nga panagtigum, kabalo mo niana, dili man mahimong maghatag ang matag usa.

¹⁶⁴ Karon, para makasigurado nga iya gyud kini sa Dios, kita n'yo, tungod kay kung binuang man lang kini dili gyud kini iya sa Dios. Kung dili kini mahitabo, dili kini iya sa Dios. Kita n'yo? Kinahanglan gyud kini nga matuman. Ug—ug busa sa mga iglesia nato, nakita n'yo, igsoon, aduna kita'y lig-on nga iglesia kung ingon niana, kita n'yo, kon diin walay makasulti nga adunay unsa mang butang nga gisulti o gibuhat nga . . .

¹⁶⁵ Tan-awa ninyo kung asa ako niini ginabutang, sa dihang atua ako sa atubangan sa publiko. Tan-awa ninyo! Unsa kaha kung adunay usa ka pagkasayup niana? Kita n'yo? Tungod kay ako nagasalig Kaniya. Kita n'yo? Ako nagasalig Kaniya. Adunay usa nga magsulti, "Nahadlok ka ba nga masayup, Igsoong Branham?" Dili, dili, uh-huh, dili ako mahadlok nga masayup. Nagatoo ako Kaniya. Siya ang akong Panalipod. Giordena ako para buhaton kini busa magpabilin ako mismo dinha.

¹⁶⁶ Kung giordena ka sa Dios para buhaton ang usa ka butang, nan Siya ang imong Panalipod. Kita n'yo, panalipdan ka Niya.

Kung gipadala ka Niya, paluyohan Niya ang imong pulong. Ambasador ka Niya kung ingon niana. Ambasador *ka* nga adunay gasa sa pagsulti og ubang mga pinulongan; ambasador *ka* nga adunay gasa sa paghubad; ambasador *ka* nga adunay gasa sa pag-ila; kamong tulo. Nakita n'yo kung unsay buut kong ipasabot? Kung ingon niana unsay anaa sa inyo? Adunay kamo og lig-on nga iglesia. Dili kamo mahadlok. Nagatindog mismo, oo, dili kagahapon lang. . .

¹⁶⁷ Dinhi, anaa ako kaniadto sa usa ka panagtigum sa lugar dinhi. Usa ka gamay'ng batan-on pa nga lalaking Ingles nga gikan sa England ang mianhi dinhi, nga mingsulay kaniadto nga maghikog. Miabot didto si Igsoong Banks ug ang ingon, “Dugay na siyang atua didto upat o lima na ka adlaw.” Daghan unta ko'y buhaton nga mga butang niadtong tungora, pero ang ingon niya, “Magpakamatay na kadtong batan-on.” Gisugilon sa ako niadtong Waterview Hotel didto kadtong mahitungod sa kahintang sa maong batan-on.

¹⁶⁸ Ug misulod ako sa lawak aron iampo siya. Mibalik ako sa gawas ug ingon ko, “Karon, Igsoong Banks, wala ko pa nakita sukad kadtong lalaki o wala ko'y unsa man nga nahibaloan mahitungod kaniya, pero isulti ko sa imo kung unsay problema niya sa dili pa ako mag-adto didto.” Husto ba kana, Igsoong Banks? Ug sa pag-abot namo didto, mikanaug mismo ang Balaang Espiritu ug gisultihan siya kung unsay nagpahinungdan niadto ug tanan na mahitungod kaniya, ug kon diin siya naggikan ug tanan na mahitungod sa iyang kinabuhi. Basta na lang unta siya natumba, halos.

¹⁶⁹ “Nahadlok ka ba masayup, Igsoong Branham, nga sultihan ang usa ka tawo og butang nga ingon niana?” Unsa diay kanang ibabaw sa entablado, nga gisultihan ko ang usa ka lalaki nga nagkinabuhi siya nga dili matinud-anon sa iyang asawa, nagkaanak sa ubang babaye? Siguradong ipapriso gyud ka niya sa bilangoan. Busa siguraduhon mong husto ka! Kita n'yo? Kita n'yo? Ayaw gyud kahadlok, kung ang Dios kini. Pero kung wala ka nahadlok. . . Kung—kung wala ka kabalo nga ang Dios kini, kung ingon niana maghilum ka hangtud mahibal-an mo nga iya sa Dios kini. Husto ba kana? Siguradohon mo nga husto ka ug dayon padayon ka.

¹⁷⁰ Bueno, mabug-at nga pagtudlo kini, igsoon, pero mga igsoon ko kamo. Kamo'y—kamo'y—kamo'y mga batan-on pang ministro nga pahamtong pa lang, ug tigulang na ako, nga mobiya na usa sa niining mga adlaw. Kita n'yo? Ug busa siguradohon gyud ninyo nga—nga kini'y husto.

¹⁷¹ Paggawas ko niadto sa kwarto sa. . . Siguro ipadayon ko na lang kini unya dinhi. Usa pa ka batang lalaki. . . Bueno, bahin lang niini ang isulti ko karon. Kagahapon, si Igsoong Banks ug ako, okupado kaayo, nahimong (oh, grabe) okupadong-okupado

gayud, ug akong—isulti nako sa inyo kung unsay pagabuhaton ko sa niini nga panagtigum. Sila ni Leo ug Gene ug daghan kanamo nagplano nga moadto didto, ug mga igsoon, ug nagsabot-sabot nga mangayam kami og baboy, mangayam og baboy-ihalas. Nagkaaduna sila og lima ka adlaw nga pagpangayam sa baboy nga javelina, didto sa Arizona, pagkahuman sa panagtigum, pagkahuman ang among panagtigum. Moadto kami sa Phoenix para sa usa lang ka adlaw, ug kinahanglan pa namong maghulat og lima ka adlaw sa dili pa kami makapahigayon og usa pa, upat ka adlaw sa dili pa sila magkaaduna og usa pa ka panagtigum sa kung asang lugar. Kinahanglan nga atua na kami didto sa Arizona. Bueno, nahitabo pud nga bukas sa tanan niadtong panahona ang pagpangayam og baboy-ihalas nga javelina.

¹⁷² Busa gusto nako nga gamiton na kadtong gamay kong riple, aron tan-awon kung maayo pa ba kadto. Kauban ko si Banks niadto. Pagawas na unta kami sa pultahan, pagawas na niadtong pultahan. Ania ang usa ka lalaki nga basta na lang misulod, bisan pa niadtong karatula sa ibabaw (kita n’yo, nga ang ingon, “Palihog ayaw na ninyo hangyoa nga makigkita kang Igsoong Branham”).

¹⁷³ Kita n’yo, ang hinungdan kung nganong gibuhat nila ang ingon niana. . . dili man kadto para sa mga tawo nga may sakit. Grabe, ug sa balay, pangutan-on n’yo mismo si Banks, silingan ko man siya. Nagapangabot ang mga tawo, adlaw ug gabii ug tanan nang uban pa, nga adunay kaubang mga bata nga masakiton, tanan na. Wala gyud kami gibalibaran ni usa ka tawo. Pero. . .

¹⁷⁴ Ug gitawag nila ako, ni Leo ug sila, gikan didto sa may trailer sa gawas, ug sila ni Jim ug uban pa, “Adunay usa ka tawo didto nga adunay bata nga masakiton. Ug ania pud ang usa ka lalaki nga adunay kanser.” Ginapadaplin namo dayon ang tanan ug manglakaw para sa maong lalaki.

¹⁷⁵ Kagabii gipaadto ako ngadto sa usa ka lawak sa ospital kon diin didto ang tawong nagpatawag sa ako, ug dili man lang ko pasudlon niadtong lalaki pag-abot ko na didto. Kita n’yo, aduna lang diay og uban nga tawong nagpakabana. Pero okay ra, moadto gihapon ko bisan pa man. Kita n’yo? Tungod kay katungdanan kong adtoan kadto, kita n’yo, ug sa pagpaninguha nga makatabang kang bisan kinsa man.

¹⁷⁶ Bueno, dili para niadto ang kadtong ilhanan. Pero kining lalaki, sa dihang pasakay na kami sa sakyanan, ug kabalo si Igsoong Banks nga kinahanglan kong. . . Nahitabo gyud nga naghulat-hulat ako sa balay. Adunay tawo nga miabot didto kang Igsoong Banks nga nagpadugay kaniya. Ug wala magdugay pag-abot nako didto, nalangan hinoon ako. Dayon pagkakuha namo sa among riple ug pasakay na unta sa sakyanan, ania ang usa ka lalaki nga basta na lang mianha. Miduol siya didto.

177 Ug andam gyud kong sultihan siya nga moadto na ug tawagan na lang ang numero nga atua didto sa gawas (sa BUTler 2-1519) nga atua nakasulat sa karatula. [Gibag-o na ang maong numero sa telepono.—Ed.] Ingon ko, “Nagdali man gud kami.”

Ang ingon, “Sa tan-aw ko nagdali gyud mo, sir.”

Ingon ko, “Ang ngalan nako . . .”

178 Una miduol ako, miingon siya, “Kumusta ka?” Ug nakita nako nga wala siya kaila kung kinsa ako.

Miingon ko, “Branham ang ngalan ko.”

Ang ingon niya, “Ikaw ba si Igsoong Branham?”

Ingon ko, “Oo.”

179 Ug ingon niya, “Ako—ako’y . . . Nangandoy gyud ko nga makigkita sa imo, Igsoong Branham.” Ingon pa, “Nakita nako nga nakaandam na mo nga molakaw.”

Ingon ko, “Oo, sir, palakaw na ko.”

Ingon niya, “Kabalo ko nga nagdali gyud ka.”

Ingon ko, “Nagdali gyud ko karon, sir.”

180 Ug miingon siya, “Bueno, gusto lang nako nga makig-estorya unta sa imo sa pipila ka minuto.”

181 Ug sultihan ko na unta siya; ug miingon ang Balaang Espiritu, “Dad-a siya sa sulod, matabangan mo siya.” Karon, didto mismo, nausab ang tanan. Gipadaplin ko na lang sa kilid ang pusil, ug ang tanan nga ingon niana, una gyud ang buluhaton sa Dios. Kita n’yo? Ug miingon siya . . .

182 Ingon ko, “Sige, sundi ko.” Miingon ko, “Balik ra ko taudtaud, Igsoong Banks.”

Ingon niya, “Bahin kini sa akong kalag, Igsoong Branham.”

Ingon ko, “Sige, sulod ngari.”

Misulod kami sa balay, miingon si Meda, “Wala pa diay ka makagikan?”

183 Miingon ko, “Wala, wala, wala, aduna pa’y bisita.” Ingon ko, “Didto sa ang mga bata sa pikas lawak.” Gidala nako siya sa gamay’ng pribadong lawak, gipalingkod. Paglingkod pa lang . . .

184 Nakatambong sa simbahan ang maong lalaki kagabii. O mianhi ba siya, Banks? Imo bang . . . Oo, bueno, miingon siyang moanhi kagabii. Siya ra . . .

185 Unang butang mismo, gisugdan dayon sa Balaang Espiritu nga isulti kaniya kung kinsa siya, kung unsay gibuhad niya, kung unsay nahitabo sa tibuok niyang kinabuhi, ang tanan mahitungod niini, kita n’yo, basta sige lang, nga gisulti sa iya ang tanan. Saksi mismo si Banks. Wala gayud niya gibuka ang iyang baba ug nagsulti lang og mga duha ka pulong sa ako; ug atua Kini nga nagasulti sa iya, miingon, “Ikaw nahimong

usa ka libodsuroy, pero taga-Madison gyud ka. Gikan ka pa sa Evansville, Indiana. Midugay ka didto sa niining Bible school, nga usa ka sekta, nga nagpalibog hinoon kanimo. Bag-o ka lang miabot sa Louisville pipila ka minuto pa lang ang milabay. Adunay usa ka lalaki, ug gisulti kanimo sa usa ka lalaki (nga naglingkod ka ug kadungan mong mikaon), giingnan ka nga moanhi dinhi ug makigkita sa ako ug ‘tul-iron ka niya pagawas gikan sa kasamok.’” Ang ingon ko, “Kana ang MAO KINI ANG GINAINGON SA GINOO!”

186 Naglingkod lang kadtong tawo, nga nagapamilok ang mga mata, nagtan-aw sa ako, nga misulti, “Oo, sir!”

Miingon ko, “Natingala ka, dili ba?”

Ingon niya, “Natingala gyud.”

Miingon ko, “Nagatoo ka ba sa Balaang Espiritu?”

Ingon niya, “Gusto ko, sir.”

187 Ug miingon ko, “Gusto mo bang isulti ko sa imo kung unsa ang gihunahuna mo?”

188 Ingon niya, “Oo, sir.” Ug gisulti ko kaniya. Ang ingon niya, “Ug, igsoon, kana ang kamatuoran.”

Ug miingon ko, “Bag-ohon mo ang hunahuna mo.”

Ingon siya, “Sige, ginabag-o ko na.”

Miingon ko, “Ingon *niini* ang ginahunahuna mo.”

Ingon niya, “Husto kana! Husto kana!”

189 Miingon ko, “Karon, dili mo na kinahanglan ang usa ka panan-awon, kinahanglan lang nga matul-id ka.” Ug gisulti ko sa iya ang usa ka butang didto nga dili n’yo gustong isulti nako. Kung sa inyo kadto, ayaw gyud n’yo. Usa kadto ka dautang butang nga makalilisang, busa ayaw n’yo kining isulti ko kung mahitungod kini sa inyo. Ug dili nako isulti kung unsay ginapakita sa Ginoo kanako mahitungod sa mga tawo. Busa ang gisulti ko lang, “Sige, buhaton mo ba kini?”

Ingon niya, “Buhaton nako.”

Miingon ko, “Sige pag-adto na.”

190 Atua kami sa sulod sa mga dili molagpas og napulo ka minuto, dili ba, Igsoong Banks? Mga, tali sa pito ug napulo ka minuto. Migawas kami, pabalik sa dalan, ug mibiyahe na, siya ug ako ug si Banks ug ang anak kong lalaki, nga si Joe, siguro, magkauban na kami nga nagabiyaha niadto, ginabiyaha kadtong bungtod nga dalan. Milingi siya sa ako, ang ingon niya, “Mister, aduna ko’y gustong ipangutana kanimo.”

Miingon ko, “Sige.”

191 Ingon niya, “Medyo naglibog ako.” Ingon niya, “Sa unsa mang paagi nga nahibaloan mo kadtong tanan mahitungod kanako?” Kita n’yo? Nagalingkod didto si Banks.

192 Ug miingon ko, “Mister, nadungog mo na ba ang bahin sa mga panan-awon ko ug ministerio nako?”

193 Ingon niya, “Wala gyud ko kabalo sa imong ngalan hangtud niining mga usa ka oras lang ang milabay. Aduna lang nagsulti kanako, og gisulti kini kanako didto sa Louisville, giingnan ko nga mag-anhi dinhi, ug gitabok ko kadtong tulay.” Husto ba, Banks? Ingon niya, “Wala gani ko kabalo sa imong ngalan, wala ko kabalo kung kinsa ka.”

194 Miingon ko, “Sa pagministerio ko, usa kini ka gasa sa Dios nga gipadala Niya.”

195 Ingon niya, “Kung ingon niana nga—nga ingon niana kini,” ingon pa, “karon ako’y. . .” Ang ingon, “Basta para kanako ako’y. . . Okey na ako karon,” ingon niya, “natangtang na ang tanan.” Kita n’yo? Ingon niya, “Kung unsa man kadto, ang Dios kadto nga nagasulti sa ako pinaagi kanimo.”

Miingon ko, “Eksakto.”

196 Ingon niya, “Karon, nasabtan ko na sa Biblia nga. . . Usa ka higayon nabasa nako sa Biblia ug, ang ingon, nakigsulti si Jesus kaniadto sa Iyang mga tinun-an,” nga ang buut niyang ipasabot “sa mga tawo,” nakita n’yo. Ang ingon, “Nakigsulti Siya ngadto sa Iyang mga tinun-an ug gisulti Niya kanila ang mga butang nga gihunahuna nila.” Kita n’yo, “naila ang ilang mga hunahuna” kana ang iyang ginapunto. Ingon niya, “Ug gisulti ni Jesus nga ang Iyang Amahan ang nagapakigsulti pinaagi Kaniya.”

Miingon ko, “Husto kana.”

197 Ingon niya, “Karon, karon, gigamit ka sa Amahan kung ingon niana para magsulti sa ako pinaagi nimo, para isulti sa ako kining mga butanga, para mapatoo ako nga ang gisulti mo sa ako mao ang kamatuoran.”

Miingon ko, “Kamatuoran ba kadto?”

Ingon niya, “Oo.” Ingon ko, “Nan sigurado gyud nga ang Dios kadto.”

198 Ug miingon ko, “Igsoon, mas daghan ka nang nasayran mahitungod niini karon” (mao kadto’y nasulti ko ug ni Banks) “kaysa sa uban nga dugay nang nagatambong sa panagtigum sulod sa napulo ka tuig ug wala gihapon kabalo.” Kadto mismo nga—nga lalaki! Karon, ingon niana gyud kini. Kita n’yo?

Ug ang Espiritu (sa kahan-ayan) diha sa pagsulti og ubang mga pinulongan nga maoy propesiya pagagamiton ba sa panahon sa panerbisyo?

199 Dili. Kinahanglan nga gamiton *kini* sa ingon niini nga paagi, ug dayon *isulti* lang sa panahon sa panerbisyo. Pero sa karon, para sa kasamtangang panahon, gipasagdan sila nga magsulti. Karon, kung dili na kini makontrol, kung ingon-ana kini dili na mao, kinahanglan na ninyong bantayan kana. Karon, usahay

mahimo nga iya kini sa Dios. Ug kadtong luoy'ng mga tawo, sama sa usa ka gamay'ng bata nga naningkamot makalakaw, karon, kung matumba man siya ka upat o lima ka beses. . . Bueno, nakasaksi na ko niini sukad niadtong ania na ako sa simbahan, ug—ug, bueno, akong—pasagdan ko na lang kini nga ingon niana. Kita n'yo? Ug, pero, kita n'yo, pero unsaon na lang kini, kung ingon-ana moingon mo, "Igsoong Branham, nganong wala mo kini gitul-id?" Wala, wala.

²⁰⁰ Kaniadtong si Billy Paul unang nagsugod maglakaw-lakaw, siya'y motindog ug matumba, ug mas kanunay siyang matumba kaysa makatindog. Pero dili pa siya kabalo kung unsaon paglakaw. Pero nagtoo ako nga aduna siya'y gasa sa paglakaw. Kita n'yo? Gipasagdan ko siyang maglakaw og diyutay pa. Ug dayon sa dihang nasagipot ang dagku niyang tiil, gisulti ko na kaniya ang mahitungod niini. Nakita n'yo ba ang buut kong ipasabot? Kita n'yo? Molakaw-lakaw siya nga nagatan-aw sa uban pang butang ug masagipot sa kung unsa na lang, moingon ko, "Itikang lang imong mga tiil, anak. Asa man ka?" Kita n'yo? Bueno, kana ang—kana ang kalainan, nakita n'yo.

²⁰¹ Karon, pasagdan n'yo silang—pasagdan n'yo silang madagma ug pasagdan sila nga makababag sa hamubong panahon. Karon, kung kinahanglan n'yo na silang tul-iron, kung mangasuko sila niini nan mahibaloan n'yo nga dili kana iya sa Dios. Tungod kay ang Espiritu sa Dios nagapailalum. Sama sa medyo nasulti na kaninyo dinhi, "Ang espiritu sa pagproposiya nagapailalum ngadto sa propeta." Kita n'yo? Husto kana.

[Nagaingon si Igsoong Stricker, "**Igsoong Branham, gusto ko og pipila ka pagtul-id.**"—Ed.] Sige, igsoon. [**"Daghang mga higayon nga nagatambong ako sa mga panerbisyo ug makadungog ako og mga pagsulti'g ubang mga pinulongan ug mga paghubad, ug kasagaran ang mabati ko bahin niini dili gyud maayo. Ug mopauli ako ug daw sa magbasol gyud ako. Tungod ba sa gibati nako nga dili kini iya sa Dios, o tungod ba sa wala kini sa kahan-ayan?"**]

²⁰² Puedeng ingon niana, igsoon, puedeng bisan asa niana. Kita n'yo? Masulti nako. . . Karon, kini—si William Branham ra kini, kita n'yo; gawas kung miabot ako sa Kasulatan, aba, akoa ra kini, nakita n'yo. Karon, kini ang masulti nako, Igsoong Stricker, nga mahimong asa ra nianang duha. Puede nga kini tungod nga wala kini sa kahan-ayan; puedeng adunay butang nga sayup kanimo; puedeng adunay butang nga sayup niadtong tawo; adunay sayup sa mensahe; o unsa mang butang nga magpa-dili maayo sa *gibati* mo.

²⁰³ Karon, karon, tugoting tabangan ta ka og diyutay, Igsoong Stricker, ania. Kita n'yo? Sa kanunay. . . Ayaw gayud hukmi ang unsa mang butang tungod sa mga pagbati, nakita n'yo. Hukmi

kini tungod sa mga kinaiyahan niini, kita n'yo; kung unsa man ang ginapamunga niini, nakita nimo. Tungod usahay . . .

204 Siyempre, nasayod kita nga adunay mga butang nga imong mabati, kanang pagbati nga dili ka mapahimutang. Ako mismo nagakaaduna pud niini, ug, aba, ako dayon kining—kining isalikway, kabalo na mo. Pero wala ko'y ginasulti nga unsa man. Ginapasagdan ko lang kini tungod kay wala ko kabalo kung unsa kaha kini, kita n'yo, hangtud nga *nahibaloan* ko kung unsa gyud kini.

205 Karon, sama sa ginasulti sa daghang mga tawo, “Whew! Igsoon, kabalo ko nga nadawat ko na ang Espiritu Santo! Alleluyah! Dalaygon ang Dios!” Ug wala gihapon nila nadawat ang Espiritu Santo. Makasulti man sila'g ubang mga pinulongan, ug tanang uban pa, ug mosinggit ug mosayaw diha sa Espiritu, ug sa gihapon walay Espiritu Santo. Tungod kay ang ulan nagakahulog man sa mga matarung ug sa mga dili-matarung. Dili kini pinaagi sa mga pagbati, pinaagi kini sa ilang *bunga*.

206 Sama na lang nga adunay usa ka . . . Nadumdoman ba ninyo kadtong panan-awon ko mahitungod niana? Kung unsa nga ang . . . Mga Hebreohanon 6, nakita n'yo, “Ang ulan nga kanunay nagakahulog ibabaw sa yuta mao'y para sa pagbisbis niini, nga ginatikad, pero ang mga sampinit ug mga kudyapa nga haduol na ngadto sa pagkasalikway nga ang katapusan niini mao ang pagkasunog.”

207 Pasayloa ko, pasudlon ko lang ang diyutay'ng hangin, kabalo ko nga katulgon na kamong tanan ug gikapoy na. Busa karon, kadali lang, kinahanglan ko na kining dalion sa ingon ka mas paspas o dili ko na kini mahisgotan pa. Kini adunay . . . Duol na kita sa basehan sa—sa tanan niini, sa mismong pipila dinhi. Pero ilang . . . Kita n'yo, ang . . .

208 Ania ang usa ka—usa ka uma nga puno sa trigo. Ug napugasan kana nga uma og sagbot nga jimson, og mga bunglayon, o kung unsa pa, nga mga sagbot. Bueno, pag-adunay hulaw. Karon, dili ba pagauhawon man pud ang sagbot nga jimson ug ang bunglayon sama pud sa trigo? Ug unsa nga klase sa ulan ang . . . lahi ba nga ulan ang nagakahulog ngadto sa trigo ug lahi pud nga ulan ang nagakahulog sa bunglayon? Husto ba kana? Dili, mao ra nga ulan ang nagakahulog niini. Husto ba kana? Ang mao ra nga Espiritu nga nagakahulog ngadto sa tigpakaaron-ingnon ang nagakahulog pud sa Cristohanon, usa ra ka butang. Pero pinaagi sa ilang “bunga”! Mituhop ba kini, mga igsoon?

209 Ang ebidensya sa Espiritu Santo mao ang bunga Niini, ang bunga sa Espiritu. Bueno, kini . . . Bueno, karon, moingon mo, “Ako usa ka lindog, ako usa ka bunglayon. Usa ako ka lindog sama niadtong trigo nga usa ka lindog.” Pero unsang klase ba nga kinabuhi ang anaa sa sulod mo? Ang kinabuhi nga anaa niini

nagapamunga og mga tunokon, kanunay nakiglalis ug manaway, ug, “maninggit,” dautan ug walay maayong buut, ug tanan na. Nakita n’yo ba ang buut kong ipasabot? Mapahitas-on, kita n’yo, dili ingon niana ang bunga sa Espiritu. Ang bunga sa Espiritu mao ang pagkamalulot, pailub, kaaghop, kita n’yo, tanang ingon niana. Kita n’yo?

²¹⁰ Mahimong moingon siya “Bueno, makasinggit man pud ko sa ingon ka kusog nga mahimo mo. Dalaygon ang Dios, mikunsad kanako ang Espiritu Santo!” Mahimong ang matag tipik niana tinuod, pero ang kinabuhi nga ginakinabuhi niya wala nagakatukma sa ginasulti niya. Kita n’yo? Usa man gud siya ka sagbot, usa siya ka sagbot sa sugod pa lang.

²¹¹ Karon, miabot na kita sa usa ka dakung pangutana, kita n’yo, mahitungod sa *pagpili*, nakita n’yo. Busa kana’y... Kinahanglan nga mahimo kamong ingon niana. Nasabtan n’yo kana.

²¹² Bunglayon na *sila* sa sugod pa lang; trigo pud *siya* sa sugod pa lang. Busa nagpadayon niadto ang hulaw; dayon nahulog ang ulan sa matarung ug dili-matarung. Okey, nakuha n’yo ba?

[Nagapangutana ang usa ka igsoon, “**Unsa man pud ang mga bunga sa usa ka magwawali, kana ba’y . . . kana ba ang pagwali sa Pulong?**”—Ed.]

²¹³ Kanang, magwawali, mahitabo sa gihapon, bisan motindog pa siya didto ug iwali ang Pulong nga sama sa usa ka Arkanghel, kita n’yo, nga nasabtan ang mga tinago sa Biblia, ug usa mismo ka maayo kaayong pastor, nagaadto ug nagaduaw sa mga tawo ug mga butang nga sama niana, mamahimo gihapon siyang malaglag. Kita n’yo? Ang iyang bunga ang magasulti niini sa kanunay, igsoon. Kita n’yo? Siya, bisan unsa pa siya ka buutan o kung unsa pa siya, kinahanglan nga anaa kaniya ang Balaang Espiritu sa iyang kinabuhi. Kita n’yo?

²¹⁴ Karon, dili ba nagsulti si Jesus, “Daghan ang magaduol Kanako nianang adlaw ug magaingon, ‘Ginoo, dili ba nagpropesiya man ako (nagwali) sa Imong Ngalan, ug nagbuhat ako og mga milagro sa Imong Ngalan?’” Nagsulti siya sa ubang mga pinulongan, nagbuhat siya og mga milagro, naghatag og paghubad, sa mga butang nga tinago sa Dios, ug tanan na nianang mga butang didto; ang ingon Niya, “Pahalayo kamo Kanako, kamong mga mamumuhat sa kadautan, wala gani Ako makaila kaninyo.” Nakita n’yo ba ang buut kong ipasabot?

[Nagapangutana si Igsoong Taylor, “**Unsa man pud ang tawo nga nagadala og—og sayup nga mensahe? Buut kong ipasabot, ang iyang—iyang paghunahuna husto siya pero sayup ang ginawali niya.**”—Ed.]

²¹⁵ Bueno, nagatoo ako nga sinsero kanang tawhana, sama sa igsoon nga nagalingkod dinhi nga gustong balikan ang iyang . . . balikan kining mga butanga nga sama niana. Kung pinili sa Dios

ang maong lalaki, ug maipresentar kaniya ang Kamatuoran, iyang—iyang maila gyud Kini. Kita n'yo, “Ang Akong mga karnero nakaila sa Akong Tingog.” Inyo bang nasab- . . . Nakita mo ba ang buut kong ipasabot, Igsoong Taylor? Mahitungod ba niana ang ginasulti mo? Kita n'yo?

²¹⁶ Karon, pananglitan, ingnon na lang nato nga si Igsoong Crase—Crase—Crase, ingnon nato nga siya usa ka magwawaling Baptist ug wala gyud siya'y nahibaloan mahitungod sa bautismo sa Espiritu Santo, wala pud siya nahibalo sa bisan unsa niining mga butang, ang mga gasa sa Espiritu, ug siya usa ka maayo, matinud-anon nga magwawaling Baptist. Kita n'yo? Pero kalit na lang, maipresentar Kini sa atubangan niya. Ug nagatoo ako nga ang matag anak sa Dios mamahimong. . . taktakan kini og pukot sa matag kapanahonan hangtud nga makuha Niya siya. Dili mahimong moabot ang Ginghamian hangtud nga matuman ang Kabubut-on sa Dios. Husto kana. Ug wala ni usa ang mamahanaw, nakita n'yo. Karon, kita n'yo, ingon niana ang paagi.

²¹⁷ Ug ang Ginghamian sa Langit sama sa usa ka tawo nga nagtaktak og pukot ngadto sa dagat ug gihaw-as kini. Sa diha nga gihaw-as niya, nakakuha siya og tanang klase. Gikuha niya lang kadtong isda, ug kadtong mga pawikan ug mga terrapin gibalik niya sa tubig. Gitaktak niya kini pag-usab, nakapukot pa og dugang, mahimong usa ra ka isda ang napukot niadto. Pero gipadayon niya ang pagpamukot hangtud nga hurot niyang napukot ang tanan. Nakita n'yo ba ang buut kong ipasabot karon?

²¹⁸ Pero kanang isdaa usa na ka isda sa sinugdanan pa lang. Gibutang lang kini para magamit sa Ginoo, kana lang, gibutang siya sa ubang lim-aw kon diin kini didto mas maayo, mas tin-aw. Pero namukot gihapon Siya sa nianang lim-aw hangtud nga nahaw-as Niya tanan ang mga isdang bas gikan niini. Nakita n'yo na ba ang buut kong ipasabot? Sabton mo ang buut kong ipasabot, Igsoong Taylor. Kinahanglan nga kabalo ka tungod niadtong sa imoha didto.

Bueno, karon:

113. Siya ba nga . . . Siya ba'y adunay kontrol sa tanang panahon sa Espiritu kung kanus-a ug kung unsaon paglihok?

²¹⁹ Oo, sir. Oo, sir, ang Balaang Espiritu ang nagakontrol. Oo, sir. Kini adunay kontrol kanimo ug aduna ka'y kontrol Niini, ug dili gyud Kini magpabuhat kanimo og unsa man nga supak sa Kasulatan. Magpabuhat Kini. . . “Ang Espiritu wala gyud nagagawi og kalaw-ayan.” Husto kana. Bueno.

²²⁰ “Gikan sa usa ka nagmahal sa imo. . .” Oo, kana—kana nga kauban na niini. Bueno, karon molaktaw kita sa usa pa dinhi ug tan-awon kung asa na kita.

221 Karon, sa tan-aw ko aduna na kana'y basihanan. Karon—karon, kung gitawag ko ang mga niini karon, kung adunay pangutana . . . Aduna pa ba'y pangutana bahin niini? Nasabtan na ba natong tanan kini? Nasabtan na ba nato kung unsa nga nagatoo kita Niini?

222 [Nagaingon ang usa ka igsoon, “Aduna ko'y usa ka pangutana.”—Ed.] Sige ipadayon. Mahitungod pa ba Niini? Okay ra. [“Oo, mahitungod pa gihapon niana. Medyo nagpanuko ako, pero . . .”] Ayaw pagpanuko, kini—kini ang . . . [“Nahisgotan mo ang mahitungod niadtong lalaki nga nagawali, ug kung wala niya ginawali ang Mensahe nga gipahayag ni Cristo, ug bisan unsa pa ang nagakahitabo sa iyang pagministerio. Pagmatagbo niya ang Kamatuoran ug iyang gisalikway Kini, unsa man ang mahitabo pagkahuman niana?”] Malaglag siya. Pasayloa ko kadali lang . . . [“Gipahinungdan ko kining predestinasyon o ang pagkagitagana-nang-daan sa wala pa ang pagkatukod sa kalibutan.”] Husto kana. Husto kana. Kita n'yo? [“Kung ingon niana, kaniadto pa, dili gyud diay siya ingon niana?”] Dili na daan siya ingon niana sa sinugdan pa lang, kita n'yo. “Nanghawa sila gikan kanato tungod kay dili man sila ato.”

223 Pananglitan, sama niini, pareho gihapon kini sa Mga Hebreohanon 6. Kita n'yo? Nasayup gyud pagsabot ang mga tawo sa niana nga Kasulatan, sa hunahuna nila nga kini'y “imposibli.” Ingon niya, “Imposibli na para niadtong mga nalamdagan na unta sa makausa ug nahimong mga umalambit sa Espiritu Santo, ug unya mahulog sila.” Kita n'yo, wala gyud nila Kini nasabtan. Ingon niya, “Imposibli na para niadtong mga nalamdagan na unta sa makausa ug nahimong mga umalambit sa Espiritu Santo, samtang nga mahulog sila dili na mahimo ang pagpabag-o kanila pag-usab sa paghinulsol, samtang nga gilansang nila pag-usab ngadto sa ilang kaugalingon ang Anak sa Dios ug ilang gipakaulawan Siya sa dayag; nga gipakawalay bili ang Dugo sa pagkigsaad nga pinaagi niini Siya nalansang sa krus uban ang usa ka ‘dili balaan nga butang,’ nakapanamastamas sa mga buhat sa grasya.”

224 Bueno, para kanako, kini usa ka kapadayagan. Sigurado. Pareho kini mismo sa Mga Buhat 2:38, ug Mga Buhat . . . ug Mateo 28:19. Kinahanglan gyud nga masabtan mo Kini, nakita n'yo.

225 Karon tan-awa n'yo, ania, ang parehong butang. Bueno, karon, siya nga nagapakigsulti ngadto sa mga Hebreohanon. Kita n'yo? Karon ipadayon n'yo pa ang pagbasa sa kapitulo, hangtud ang mga niini padayon nga nagaingon, “Kay kini usa ka makalilisang nga butang ang mahulog sa—ang mahulog sa mga kamot sa Dios nga buhi.” Karon, ania ang usa ka tawo nga sama nianang magtotoo nga hangtud-utlanan lang. Ania, ania ang usa . . . Ania, ingon niana pud dinhi, hingpit nga panig-ingnan ang makita nako sa akong hunahuna.

226 Gitawag sa Dios ang Israel pagawas sa Egipto. Nanagpanggula ang tanan niining mga tawo, naluwas ang matag usa kanila, mitabok sa Dagat nga Mapula padulong ngadto sa kamingawan. Husto ba kana? Ang Dagat nga Mapula . . . Sa dihang andam na sila, naminaw sa mensahe ni Moises, nagsugod sila sa pagmartsa, (pagpamatarung) ningliko sila, og miadto na.

227 Miabot sila sa Dagat nga Mapula, (ang Dugo), ug mitabok lahus sa Dagat nga Mapula, ug ang tanang mga tinugyanan sa buhat nga nagsunod kanila nanagbuy-od didto, nga patay na. Mga tulo ka adlaw na lang ug makaabot na sila sa yutang saad. Kita n'yo? Ingon niadto na lang gyud ang gilay-on nila, wala pa'y kwarenta ka milya, kita n'yo. Busa atua na sila didto, duha ka adlaw na lang maabot na unta nila kadto.

228 Mao kana ang akong tumong nga iwali didto sa Phoenix pipila ka adlaw gikan karon, didto sa panagtigum sa mga Business Men, *Ang pagpabilin sa niining Bukid*. Pero gipabilin Niya sila didto mismo sulod sa kwarenta ka tuig tungod kay ilang . . . Uh-huh! Kita n'yo?

229 Busa nakaabot sila ngadto niini ug milingi sila, (nga mga gibalaan na), “Oh, allelujah! Dalaygon ang Dios! Himaya sa Dios. Alleluyah! Nagabuy-od na didto ang kanhing nagpaproblema kanako, nga patay na. Ang kanhing sigarilyo nga ginayupyup nako kaniadto wala na. Ang kanhing ilimnong-makahubog nga ginatungga nako kaniadto atua na tanan sa dagat nga mapula sa Dugo ni Jesus Cristo. Oh himaya sa Dios! Alleluyah!”

230 Ang matag usa kanila nakaabot na didto, atua na sa atubangan nila ang Canaan, nakatabok na sila sa Jordan. Bueno, nagkuha siya'g representante gikan sa matag tribo. Husto ba kana? Ug gipaadto niya sila didto. Bueno, ang uban kanila miingon, “Ah, ah, ah, dili gyud nato mahimo kini. Dili, kini—kini . . . Grabe, mora lang kita og mga dulon kung itapad kanila!” Kita n'yo?

231 “Karon, unsa na lang nga matang sa iglesia ang pagawalihan ko kung itudlo ko ang mahitungod nianang Espiritu Santo ug ang tanang butang nga ingon niana? Aba, mabakante ang mga lingkoranan nako. Siguradong manggawas ang mga Methodist ang mga miyembro, ang mga Baptist nakong miyembro, ang mga Presbyterian kong miyembro.” Pasagdi sila nga manggawas. Mga kanding na sila sa sugod pa lang! Karnero ang tinguhaon mo, kita n'yo. Kita n'yo? Magpastor ka dili sa mga kanding. Mga karnero ang paga-pastoran mo! Unsay pulos kung magpastor ka og mga kanding samtang . . . ? . . . ug aduna ma'y mga karnero para pastoran? Kita n'yo? Ug ania—ania mo dinhi, kita n'yo. Kanunay kong ginasulti nga mas gusto ko pang magwali sa upat ka poste ug Kamatuoran ang iwali, sa Iglesia. Oo, sir, dinhi mo.

232 Apan nakita n'yo na, unsay gibuhath niya? Nibalik sila, ug si Joshua ug Caleb, duha ka porsyento, o husto ba kana nga matang sa porsyento . . . duha gikan sa . . . duha sa dose kanila, duha sa dose. Bueno, dose sila, kana'y duha gikan sa dose, duha lang sa dose kanila ang mitoo Niini. Mipadayon sila pagsulod didto sa yutang saad, miingon, "Grabe, pagkaanindot gyud niining lugara nga puy-an." Si Joshua ug Caleb, aba, nagsalig gyud sila sa Pulong; gihatag kini sa Dios kanila, ang ingon "inyoha kana." Miadto sila didto, gisanggi nila ang usa ka daku nga pungpong sa ubas, ug ania na sila nga pas-an pas-an kini pauli nga ingon *niini*. "Anhi mo, mga kauban! Nindot kaayo ni nga lugar! Mag-angkab mo," kita n'yo, mga ubas nga ingon gyud *niana* ka dagku.

233 Ug, oh, grabe, nasaksihan gyud nila kadto, pero ang sulti, "Ah, dili man nato mahimo." Sa pagbalik na nila, nanagsulti sila, "Pandamay, igsoon, gidala lang kita niining Moises dinhi sa kamingawan," niining Espiritu Santo, nakita ninyo, nga iyang girepresentar, "gipangdala hinoon kita dinhi sa kamingawan. Ug nangaunsa man ta ani, nadaut na ang ministerio nato, ug dili na nato mahimong buhaton ang ingon niana nga butang."

234 "Mamalik ta," kita n'yo, "sila nga nalamdagan na unta sa makausa, gimatarung tungod sa pagtoo, gibalaan." Kita n'yo, nakatabok na sila sa ikaduhang altar ug nalantaw na ang yutang saad. "Kita nga nalamdagan na unta sa makausa ug nahimong . . . nga nakatitaw na sa Langitnong mga gasa." Kita n'yo, "nakatitaw" na Niini. Gidala nila mismo kini pabalik. "Nakita nato nga husto gyud Kini. Nakita gyud mismo nato Kini." "Nakatitaw sa mismong Langitnong mga gasa, nahimong mga umalambit sa niini nga Butang, nakita n'yo, sa niining Balaang Espiritu, nakaambit mismo Niini."

235 "Maayo kana, tinuod man, tan-awa ninyo kanang—kanang lalaki. Grabe, kabalo ko nga buta siya kaniadto, karon makakita na siya. Tan-awa ninyo kanang tigulang. . . Grabe, unsay nahitabo nianang lalaki? Kinsa ba'y magdahum nga ang maong bata kaniadto nga wala'y edukasyon. . . atua siya nga Ginapadilaab ang kalibotan." Nakita n'yo? Kita n'yo? Kita n'yo?

236 Ug unya mahulog, kita n'yo, ug nahimong . . . nga bag-ohon sila, pabalik pag-usab ngadto sa paghinulsol, mobalik para iwali ang paghinulsol imbes nga kadto na untang gisulti Niya sa una, ang pagpahimutang sa . . . atong. . . Kabalo mo, kanang mahitungod sa pagpahimutang pag-usab sa patukoranan sa patay nga mga buhat sa paghinulsol, ug uban pa. Buhaton nato kini, kung itugot sa Dios, nakita n'yo. Kita n'yo, buhaton nato kana. Balikan nato ug ipahimutang kining patukoranan pag-usab, pero pabalik ngadto sa paghinulsol mismo, aron hinulsolan kining pag-adto didto. "Pasayloa ko nga nakaadto ako didto," ug giisip ang Dugo sa pakigsaad nga nagbalaan kaniya nga mora ba Kini og usa ka "butang nga walay-bili," ug nakapanamastamas

sa mga buhat sa grasya. Impas na siya, igsoon! Kana lang. Tapos na siya. Kita n'yo?

²³⁷ Bueno, karon, kita n'yo, imposible alang sa usa ka piniling anak nga buhaton kana. Dili gyud niya kana buhaton. “Ang Akong mga karnero nakaila sa Akong Tingog.” Kung kini pagtawag man paingon sa Canaan o asa man kini, moadto gyud sila. Kita n'yo? “Ang Akong mga karnero nakaila sa Akong Tingog.”

[Nagapangutana ang usa ka igsoon, “**Ug kinahanglan nilang toohan ang Mga Buhat 2:38, usab, dili ba?**”—Ed.]

²³⁸ Kinahanglan gyud kana, matag tipik sa Kasulatan, kinahanglan Kini nga dawaton tanan. Husto kana, igsoon.

114. Aduna ba’y duha, aduna—aduna ba’y duha ka managlahi nga matang sa pagsulti’g ubang mga pinulongan diha sa Biblia? Aduna ba’y kalainan sa mga pinulongan nga gisulti diha sa pribadong pag-ampo, ug diha sa iglesia kon diin gikinahanglan ang paghubad? Niadtong Adlaw sa Pentecostes ang pagsulti og ubang mga pinulongan nasabtan sa mga tawo sa nagkalainlaing mga nasud; pero sa diha sa Unang Mga Taga-Corinto 14:2, adunay dili hisabtang mga pinulongan nga gisulti sa Dios, dili ngadto sa tawo. Ginapakita sa Unang Taga-Corinto 13:1 nga adunay iya sa tawo . . . (C-o-r, nagatoo ko nga sa Mga Taga-Corinto 13 kana, kung unsay . . .) . . . nga iya sa tawo ug ang uban iya sa mga manulonda.

²³⁹ Oh, oo. Kita n'yo? Bueno, kini . . . Karon, igsoon, kung kinsa ka man, imong—gitubag mo na ang imong kaugalingon dinhi. Kita n'yo? Kita n'yo:

Aduna ba’y duha ka managlahi nga mga pagsulti’g ubang pinulongan? (Adunay daghang managlahi nga mga pagsulti’g ubang pinulongan. Kita n'yo?) **Aduna ba’y duha ka managlahi nga mga pagsulti’g ubang pinulongan diha sa Biblia, duha ka managlahi nga mga pagsulti’g ubang pinulongan?**

²⁴⁰ Niadtong Adlaw sa Pentecostes ang matag nasud ilalum sa Langit atua niadtong mga pagsulti’g ubang pinulongan. Kita n'yo? Sige.

Ug aduna ba’y kalainan tali sa mga pinulongan nga gisulti diha sa pribadong pag-ampo ug gisulti diha sa mga iglesia kon diin gikinahanglan ang paghubad? Oo.

²⁴¹ Nagsulti pud si Pablo dinhi sa Mga Taga-Corinto kon diin mo gipangutana dinhi, ug ang ingon niya, “Adunay mga pinulongan sa mga manulonda ug adunay mga pinulongan sa tawo.” Karon, mga pinulongan kini sa mga manulonda sa dihang ang usa ka tawo nagaampo nga siya—nga siya ug ang Dios, lamang. Pero pagnagasulti siya og usa—usa ka pinulongan,

kinahanglan kining hubaron diha sa iglesia, para sa pagpalig-on sa iglesia. “Ang nagapanulti sa usa ka dili hisabtang pinulongan nagapalig-on sa iyang kaugalingon lamang; pero ang nagapanulti’g . . . ang nagahimo’g propesiya nagapalig-on sa iglesia.” Busa ang ingon niya, “Mas palabihon ko nga magsulti og lima ka pulong nga masabtan kaysa sa napulo ka libong dili hisabtan nga pinulongan, gawas na lang, kung adunay paghubad.” Kung ingon niana kini—kini gisulti diha sa propesiya nga nagapalig-on. Nakita n’yo ang buut kong ipasabot?

²⁴² Karon, ang . . . Karon, adunay duha ka managlahi nga mga pinulongan, iya sa mga tawo ug iya sa mga manulonda. Kita n’yo? Ug ang sulti ni Pablo, “Bisan kung ako magasulti og mga pinulongan nga iya sa mga tawo ug sa mga manulonda,” kita n’yo, parehong iya sa mga tawo ug iya sa mga manulonda, sa maong duha ka mga pinulongan, ang usa nga dili mahimong . . .

²⁴³ Karon, dinha kon diin ang mga Pentecostal, mga tawong nagasulti nga ang pagsulti kono og ubang mga pinulongan maoy ebidensya, ang sulti nila kanako, ang ingon niya, “Bueno, Igsoong Branham, nalibog ka lang.”

²⁴⁴ Miingon, ingon ko “Bueno, kung nadawat mo kini sumala sa Mga Buhat 2:4, kung ingon niana nadungog ka sa tanan nga nagsulti sa pinulongan nga ilang namat-an.”

“Oh!” ingon niya. Ug “Dili! Dili!” ingon niya.

Ingon ko, “Sigurado. Oo, sir.”

²⁴⁵ Miingon, “Bueno, Igsoong Branham, nalibog ka lang.” Miingon, “Ang ginasulti mo mahitungod man sa . . .” ingon pa, “Aduna man gud mga pinulongan sa ‘mga manulonda.’ Kana ang Balaang Espiritu nga manulonda nga nanaug ug namulong pinaagi kanimo.”

²⁴⁶ Bueno, mora’g maanindot paminawon, kita n’yo, kung paminawon mora ba kini og daghang kamatuoran, pero dili kini ang tibuok Kamatuoran. Niadtong gisulti ni Satanas kang Eva, “dili gayud kamo mamatay,” kadto maoy usa ka . . . nagsulti siya kaniya og daghang kamatuoran, pero dili kadto ang Kamatuoran. Kita n’yo?

²⁴⁷ Karon, miingon, “‘Mga tawo ug mga manulonda,’ ug ang manulonda nga ginahisgotan niya maoy . . .”

²⁴⁸ Karon, tan-awon nato kung unsa nga dili kini mo-swak sa Kasulatan. Kita n’yo? Karon, dili kini “mouyon,” ang buut kong isulti. Pasayloa ko, wala nako tuyoa nga isulting “mo-swak” sa mga Kasulatan. Ang buut kong ipasabot “mouyon” sa mga Kasulatan, o “mosubay, motakdo” sa mga Kasulatan mao kana ang pinakamaayo nga pulong.

²⁴⁹ “Karon, ang tawo nga nagsulti’g ubang mga pinulongan nga iya sa mga manulonda,” ingon niya, “pinulongan kana sa

Espiritu Santo nga” ingon niya, “karon, sa dihang inyong, atong, ilarang nadawat ang Espiritu Santo.”

Ingon ko, “Gibuhat . . . Kanus-a, diin mo Kini nadawat?”

²⁵⁰ Bueno, gisulti niya sa ako ang mismong lugar, ang minuto ug ang oras. Wala gyud ko magduhaduha nga nadawat niya. Kita n’yo? Wala ako’y . . . Dili ako ang maghukom sa iya. Kita n’yo? Ingon niya, “Didto nako kini nasulti.” Kabalo gyud siya sa mismong lugar. Ang ingon, “Aduna gyu’y nahitabo kanako.”

²⁵¹ Ingon ko, “Nagtoo ko niini. Kita n’yo? Pero sa gihapon dili kana ang ebidensya sa Espiritu Santo sa imo, dong.”

“Oh, oo!” Miingon, “Kadto, mao na kadto!”

Ug, “Dili.”

Ingon niya, “Karon, tan-awa gani, naa ko’y gustong isulti sa imo, igsoon.”

²⁵² Miingon ko, “Ang mga tawo ba didto nga nanambong, kadtong simbahan sa Indianapolis kon diin gisulti mo nga nadawat mo Kini, nadungog ka ba niadtong mga tawo nga nagsulti ka sa Ingles sa dihang nagsulti kanila mahitungod sa pagkabanhaw ug gahum sa Dios ug tanan na?”

Ingon niya, “Aba, dili! Nagsulti man ako sa—sa dili hisabtang mga pinulongan.”

²⁵³ Miingon ko, “Wala mo kini nabuhat sumala sa Mga Buhat 2:4, tungod kay ang matag . . .wala man ni usa ka pulong kaniadto nga wala mahibaloi. ‘Nadungog namo ang matag tawo sa kaugalingon namo nga pinulongan.’”

²⁵⁴ “Oh,” ingon niya, “Igsoong Branham, nakita ko na kung asa ka nalibog.” Ingon niya, “Nakita mo,” ingon niya, “aduna man gu’y mga pinulongan nga mga pinulongan sa mga manulonda, pagmadawat mo ang Espiritu Santo,” miingon, “kung ingon niana nagasulti ka og ubang mga pinulongan ug wala na’y tawo nga kinahanglan pang maghubad niana, kana—kana ang Espiritu Santo mismo nga nagasulti. Kita n’yo? Pero anaa pud kanang aduna ka’y gasa sa pagsulti og ubang mga pinulongan, ug kana ang adunay paghubad.”

²⁵⁵ Miingon ko, “Kung ingon niana ginabutang mo ang karomata sa unahan sa kabayo. Niadtong Adlaw diay sa Pentecostes gibutang nila ang karomata sa unahan sa kabayo. Sa wala pa nila nadawat ng Espiritu Santo, kadtong dili hisabtang ubang mga pinulongan, nagsulti sila og ubang mga pinulongan nga masabtan.” Kita n’yo? Busa kini sa tinuod . . .

²⁵⁶ Adunay duha ka managlahi nga mga pinulongan. Mga pinulongan nga iya sa mga manulonda, kana ang tawo nga anaa sa pribadong pag-ampo diha sa usa ka dapit nga nagapakigsulti sa Dios, nagapakigsulti sa Dios diha sa mga pinulongang manulonda. Puede akong maghatag og usa ka panig-ingnan

karon mismo, pero wala na ko'y oras. Nadumdoman ninyo sa dihang miabot kadtong babaye didto sa awditoryum, sa lugar kon diin taga-didto si Doctor Alexander Dowie, sa Zion. Nadumdoman n'yo ba ako didto? Ug gisundan ako ni Billy didto para paadtoon ako sa panagtigum, ug miingon ko, "Billy, balik ka na lang." Ug ako. . .

Ingon niya, "Unsa ang imong gihilakan? Aduna ba'y mianhi?"

²⁵⁷ Miingon ko, "Wala, anak. Balik ka na lang, sultihan mo si Igsoong Baxter nga siya ang magwali unyang gabii."

²⁵⁸ Ug miluhod ako sa salog ug miingon ko, "Ginoo, unsa ma'y nahitabo sa ako?"

²⁵⁹ Ug sa kalit lang Aduna ko'y nadungog didto sa pultahan, nga nagasulti og ubang mga pinulongan. Sa hunahuna ko. . . German kadto. Sa hunahuna ko, "Bueno, mianhi siguro kana nga tawo para makakuha siya og usa ka. . ." Mihunong ako, kabalo mo, sa pag-ampo, gipaminawan ko siya samtang nagtindog didto nga ingon niini. Ug sa hunahuna ko, "Bueno, unsaon kaha sa maong lalaki pagsabot niana?" Tungod kay kaila ko ang tawo nga nagdumala niadtong motel, mga lima ka milya gikan sa siyudad, kabalo na mo. Kinahanglan kong moadto didto (daghan kaayong tawo didto), bisan usa ra ka gamay nga lungsod. Miingon ko, "Bueno, katingad-an kana. Uh." Ug miingon ko, "Didto. . . Bueno, aba, nakadungog ka na ba og usa ka. . . unsa. . . Kana nga lalaki dili gani siya makaginhawa na, halos." Kita n'yo, ingon niana ang gihunahuna ko, tungod sa kapasas sa pagsulti niya! Bueno, miingon ko, "Bueno, niana, aba, ako man diay kadto!" Busa nagpuyo lang gihapon ko, kita n'yo, naghilum lang ko. . . nagpuyo lang sa gihapon. Pagkataudtaod nahuman na Siya sa pagsulti, ug, sa dihang nahuman na Kini, mibati ko nga mora ba'g mahimo kong latason ang usa ka panon sa kasundalohan ug ambakon ang bongbong.

²⁶⁰ Ug migawas ako ug pagawas na si Billy sa gate ug gisinggitan ko siya, "Kadali lang!"

²⁶¹ Mibalik siya, nag-inom siya og soda pop. Ug ingon niya, "Daddy, unsa ma'y nahitabo?"

²⁶² Miingon ko, "Kadali lang, kadali lang gyud, mouban ko nimo."

²⁶³ Dalidali kong naghugas sa akong nawong. Ingon niya, "Unsa ma'y nahitabo?" Kabalo gyud siya nga kinahanglan dili niya ko istoryahon, sa pag-adto sa panagtigum. Pero ingon niya, "Unsa ma'y nahitabo?"

²⁶⁴ Miingon ko, "Wala, wala, wala, wala lang. Basta moadto na lang ta sa panagtigum."

²⁶⁵ Miadto mi sa panagtigum, naglingkod na didto si Igsoong Baxter kamulo nga nagapatukar og, "*Nothing between my soul*

and the Saviour.” Misulod siya, ingon niya, “Whew! Abi nako di ka moabot!”

Miingon ko, “Sh.” Misaka na ko ug misugod sa pagwali.

²⁶⁶ Sa dihang nahuman na ko, niadtong papahuman na ako sa pagwali, bueno, aba, adunay mora ba’g kasaba sa likod sa bilding, didto niadtong likod sa dakung awditoryum. Nagpadugang sila og kable sa mikropono padulong didto sa likod, ug adunay usa ka babaye didto nga nagalakaw paadto-nganhi sa pasilyo, nagasinggit sa makusog kutob sa iyang mahimo.

²⁶⁷ Nadiskobrehan, nga aduna diay siya og TB, ug kinahanglan niyang mobiyahe gikan sa Twin Cities, sa Saint Paul, ayaw siyang isakay sa ambulansya tungod kay nahadlok sila nga basin mobuto na ang iyang baga. Ang sulti man gud sa doktor, “Ang kondisyon, sa iyang baga mora na’g balay sa putyokan,” ang sulti pa, “kung ugaling mobuto kini siguradong mamatay siya. Mao gyud na ang mahitabo.” Ug adunay pipila ka mga balaan ang mikuha og karaang sakyanang ’38 Chevrolet, ug gitangtang nila ang lingkuranan niini sa likod ug giplastar kini og ayo, og gipahimutang siya didto ug gibiyahe na siya sa dalan. Ug kalit na lang nga naligsan nila ang gamay’ng bugdo o mora’g ingon niana didto sa dalan, ug nagsugod siya sa pagdugo sa sulod, ug misuka mismo og dugo, ug siya . . . miagi pud kini sa iyang ilong ug uban pa nga ingon niana. Paluya nga paluya na siya, ug hangtud nga . . . Dili niya gusto nga mamatay sulod sa maong sakyanan, gisultihan niya sila nga mohunong ug gipahimutang nila siya diha sa kasagbotan.

²⁶⁸ Gisakwat nila siya. Ug nagtindog silang tanan palibot niya, nga nanag-ampo, ug kalit na lang misulti kadtong babaye nga daw sa may kung unsa nga miabot kaniya ug mitindog siya. Ug milakaw siya, nga nagasinggit didto sa dalan, sa ingon ka kusog nga mahimo niya. Atua siya sa simbahan, nga nagalakaw-lakaw paadto-nganhi niadtong pasilyo.

²⁶⁹ Miingon ko, “Igoong babaye, unsang oras ba kadto nahitabo?” Eksakto mismo niadtong oras nga nagsulti ang Balaang Espiritu pinaagi kanako. Unsa man kadto? Mga gasa.

²⁷⁰ Para man diay sa unsa nga—nga naghigda didto ang tigulang na nga opossum sa mismong pultahan para iampo? Usa ka burong nga mananap, ni wala man lang og kalag, walay alamag kung unsa ang husto ug sayup; kita n’yo, walay kalag, (adunay espiritu), pero walay kalag niini.

²⁷¹ Unsa man kadto? Ang Balaang Espiritu kadto nga nagapangaliya. Nagpadala ang Dios og usa ka gasa sa yuta, ug dili na makahulat pa ang Balaang Espiritu busa nanaug na lang Siya og misulod kanako ug nagsugod Siya Mismo sa pagsulti nga ingon niana, sa Iyang Kaugalingon, Siya Mismo nga nagapangaliya. Ug sa dihang gisusi namo ang oras, sa mao

mismong minuto nga siya'y...nga gibutang nila siya didto sa yuta nga ingon niana, gusto nilang makita...Tungod kay kabalo sila nga himalatyon na siya, kinahanglan nga masulti nila kung unsang orasa siya mamatay. Mao kadto mismo ang minuto nga miabot kanako ang Balaang Espiritu ug nagsugod sa pagpangaliya, nga ginapalitok kanako, ang maong mga pulong, nga dili ko masabtan, kita n'yo, nga ingon niana, nga ginapasulti ako. Ang Balaang Espiritu kadto nga nagasulti.

²⁷² Dili ko kadto kinahanglan mahibaloan. Kita n'yo, dili ko kinahanglan. Kadto ang iyang...tingali ang manulonda niya. Mopadulong kita niana sa pipila ka mga minuto, kita n'yo, kung kinsa ang miadto didto ug mihatag sa mensahe, nakita n'yo.

²⁷³ Karon—karon, kana'y—kana'y husto. Adunay duha ka managlahi nga pagsulti og ubang mga pinulongan, ang usa niini mao na... .

²⁷⁴ Aduna ba'y pangutana? Sige, ang pagpaningkamot nga mahibaloan kung unsa ang ginasulti sa Dios, nakita n'yo. Karon, ang akong—akong masulti, Igsoong Stricker, sa niana, mahitungod niana, paningkamotan mo na lang dili na hunahunaon ang mahitungod niana, kita n'yo. Basta tugotan lang ang Espiritu nga mohimo sa maong pagsulti Mismo. Ayaw nang paninguha nga sabton kini, kita n'yo, basta itugyan mo lang ang kaugalingon mo nga mas halawon pa diha sa Espiritu. Kita n'yo? tungod gapaningkamot pa man gud mo nga—nga—nga magsulti'g, “Hoy, unsa man kanang imong ginasulti?” Kita n'yo? “Hoy, nagapakigsulti ka ba nako? Huh?” Nakita n'yo, siya'y... .kita n'yo, mangutana pa man gud siya.

115. Karon. Okey lang ba para sa usa ka tawo nga magsulti'g ubang mga pinulongan sa dihang nagaampo siya para sa uban palibot sa altar [Blangko nga bahin sa teyp—Ed.] nga walay paghubad? [Blangko nga bahin sa tape.]

²⁷⁵ Sige tan-awon ko lang kung unsa ang nasulat ko mahitungod niana, kinahanglan kong tan-awon. Kung walay maghuhubad, pahiluma sila. Sa Unang Mga Taga-Corinto, sa ika-1 nga kapitulo... .ang ika-14 nga kapitulo ug sa ika-28 nga bersekulo. Kinsa ang adunay Biblia? [Ginabasa sa usa ka igsoon ang Unang Mga Taga-Corinto 14:28—Ed.]

[...kung walay maghuhubad, humilum siya sa iglesia;...]

²⁷⁶ Sige. Karon, kung walay maghuhubad, bisan unsang orasa sulod sa simbahan, bisan asa sa simbahan, pahiluma kung walay maghuhubad.

²⁷⁷ Dinha sa altar, ang butang lang nga mahimo sa usa ka tawo...Kasagaran madungog ninyo ang mga tawo nga nanagpangadto sa altar. Nadungog ko ang usa ka bililhong igsoon bag-o lang dinha sa altar, mianha siya ug giuyog-uyog niya ang usa ka tawo sa likod niini, ug dayon nagsulti sila mismo

og ubang mga pinulongan, ginabuhat kini nga daw sa ginapakita nila ngadto sa uban pa kung unsay buhaton. Kita n'yo, usa kana ka matang sa artipisyal nga pagpaanha sa Balaang Espiritu (nankingamot) ngadto sa mga tawo. Ayaw ninyo kana buhata. Kita n'yo? Ang butang nga angay buhaton pasagdan n'yo lang kana nga tawo. Pasagdi silang ipataas ang ilang mga kamot hangtud nga mokunsad ang Balaang Espiritu, nakita n'yo. Kita n'yo? Busa kini—kini—kini usa ka sayup. Dili, kinahanglan sila nga maghilum sa iglesia, kita n'yo.

²⁷⁸ [Nagapangutana ang usa ka igsoon, “Igsoong Branham?”—Ed.] Oo, igsoon. [“Pananglitan ang usa ka tawo nga anaa sa panerbisyo ug—ug sa pagtapos sa panerbisyo, kasagaran pag-adunay mosulod nga mensahe, ang tawo nga adunay gasa, masulti nila, o masulti ba nila ang kalainan tali sa—sa iya sa manulonda. . . ang pinulongan nga iya sa manulonda o sa mensahe nga nagaabot pinaagi niini?”]

²⁷⁹ Bueno, tan-awon nato. Karon. . . [Blangko nga bahin sa teyp—Ed.] . . . basta nga mosulod sila ug gisulat na nila kini, dayon ibutang nila kini sa pulpito. Kita n'yo? Ug basahon ko kini mismo nga ingon niini. Pero pagnakasulod na ako nianang lawak dinha, igsoon, wala na'y ingon niana. Kita n'yo?

²⁸⁰ Ug sa dili pa sila mosulod dinhi, mohulat sá sila dinhi ug maghilum ang tanan kutob sa ilang mahimo. Ug kinahanglan anaa na dinha ang igsoong babaye, si Igsoong Irene, dinha sa—sa altar, nga nagatukar na dinha, nagapatukar ug *Down at the Cross*. Dili nato. . . Ang mga usher nato maglakaw-lakaw dinha sa atubangan ug likod. Pagnakakita sila og si kinsa man nga nagtabi, ingnon nila, “Sh, sh, sh.” Kita n'yo? Ug kung ang mga bata. . . Palingkuron sila og tarung ug ingnan nila, “Balay kini sa Ginoo, mga palangga. Dili gyud kamo magbanha. Kinahanglan nga magbinuotan kamo sulod sa balay sa Ginoo.”

²⁸¹ Ug ang lalaki ug ang asawa niini, ug silang tanan, ilang ginapasab-it ang ilang mga amerikana ug ingon nianang mga butang. Adunay usa ka igsoon nga anaa na dinha daan sa pultahan para abiabihon sila sa higayon nga ablihan na ang pultahan. Ang. . . ug ang tanan andam na para sa pagsugod, kabalo na mo, nga ginapahimutang sa kahan-ayan ang iglesia. Napalingkod na ang matag usa ug nasigurado na nga nakalingkod na sila.

²⁸² Ug anaa ako sulod sa lawak, nagaampo, dinha na ako tingali sa mga alas dos o alas tres sa hapon. Walay makadisturbo kanako. Mosulod ako dinha nga dala ang akong message.

²⁸³ Ug dayon pag-oras na para magsugod, sugdan na sa song leader ang usa ka kanta, “Ablihan nato ang himno sa numero *ingon niini-ug-ingon niana*,” sama sa, *Down at the Cross where my Saviour died*, nga ingon niana, kabalo na mo, ug magpadayon nga ingon niana. Dayon pag-nakapakanta na kamo og mga

duha ka espesyal. . . Wala man gud kita nagahatag og dakung oras sa kantahan; ang Pulong ang mas gahinan. Kung aduna sila’y kantahan-sa-himno, para niana kanang mga regular nga kantahan-sa-himno. Atong—atong. . . Ang Pulong ang pinakanahaunang butang nga gianhian sa mga tawo, kini ang balay sa pagpanul-id.

²⁸⁴ Ug dayon tingali ang kaabag-sa-buluhaton, sama ni Igsoong George, Igsoong George DeArk, motindog ug mag-ampo. Ug dayon magkaaduna kita og usa ka espesyal, sama sa solo o butang nga ingon niana. Ug dayon pag oras ko na, adunay usa nga magpahibalo kanako nga oras na para mogawas. Kung oras na, nan, mogawas ako dinha nga puno og pagdihog. Kita n’yo?

²⁸⁵ Bueno, tingali nianang semanaha nagpahigayon sila og tigum sa kung asa man dinhi sa simbahan, nagkaaduna sila og kaugalingon nilang tigum. Tingali sa dili pa magbukas ang panerbisyo nianang gabhiona, nagpahigayon sila og usa ka tigum. Ug ania kini’y. . . Ania na kini sa ako, ug moingon ko, “Nasulat dinhi niining papel nga adunay bagyo nga umaabot sa niining probinsya sa sunod nga semana,” o kung unsa, nga, kabalo na mo, butang nga ingon niana nga mamahitabo. “Nasulat kini, gisulti’g ubang mga pinulongan, ug gihubad sa duha ka balaan dinhi sa iglesia, nila ni Igsoong *Ingon niini-ug-ingon niana* ug ni Igsoong *Ingon niini-ug-ingon niana*. Duha ka saksi niini ang naghatag og pagpamatuod niini, nakapirma ang ilang mga ngalan dinhi, nga kini sinulat nga ‘kini iya sa Dios,’ kini *ingon niini-ug-ingon niana* ug *ingon niini-ug-ingon niana*.” Kana ang akong unang bahin.

²⁸⁶ Dayon moingon ko, “Sige, mangandam gyud kita para niini, mag-ampo ang tanan. Kita n’yo? Karon aduna ba’y espesyal nga hangyo, ang si kinsa man?” Kabalo na mo. “Mag-ampo kita.” Manindog ug mag-ampo. Dayon diretso na sa Pulong, sa Pulong na mismo.

²⁸⁷ Pagkahuman dayon sa panerbisyo, himoon na ang pagtawag sa altar. Kita n’yo? Ginahatagan nato og dakung importansya ang pagtawag sa altar, ang pagtawag sa altar, ginapaadto ang mga tawo sa altar. Ug pagkahuman dayon sa pagtawag sa altar, siguro mag-ampo na ako para sa mga masakiton, kita n’yo, o butang nga ingon niana.

²⁸⁸ Nagmalampuson ang panerbisyo tungod kay ang espiritu sa mga propeta napailalum ngadto sa propeta.

²⁸⁹ Kana ang nahunahuna nako. . . Nadumdoman pa ba ninyo kadtong gabii sa dihang nakakita ko og panan-awon niadtong miduol sa ako ang manulonda? Naglingkod ako didto sa lawak, namalandong. Mga, oh, halawum na niadto ang gabii, nagasulti, “‘Ang espiritu sa mga propeta mao. . .’ Unsaon kaha niana?” Gitan-aw ko kadtong Kahayag nga nagapangidlap, ug ania Siya nga nagalakaw padulong didto sa kung asa ako niadto. Kita

n'yo? Niadtong higayona gisugo Niya ako didto mismo, kita n'yo, sa niining mga panagtigum.

²⁹⁰ Karon, dili, kini ang—ang tawo nga nagahatag og mensahe. Kana, kung unsa ang imong pangutana, sa pagtoo ko, “Ang tawo nga nagahatag sa maong mensahe, siya ba . . . ang—ang tawo ba nga maoy nagahatag sa mensahe, mahibaloan ba niya kung kini ang manulonda sa Ginoo o dili?”

²⁹¹ [Nagaingon ang usa ka igsoon, “Karon, ang pangutana kaganina, ginaingon mo nga adunay mga pinulongan nga iya sa mga manulonda . . .” Blangko nga bahin sa teyp—Ed.] Sa tanaw ko dili niya mahibaloan. Karon, kini angay'ng sa paagi sa pagpahigayon nato niini karon. Pero, kita n'yo, sa pagpahigayon nato niini sa paagi nga angay lang, kon diin regular sila nga nagatigum para niana, tugotang . . .

²⁹² Kita n'yo, ang matag usa niini usa ka ministerio. Pananglitan, nagasulti *ka* sa ubang mga pinulongan, *siya* ang nagahubad, ug nagasulti *siya* sa ubang mga pinulongan, *siya* pud ang nagapropesiya; mga yanong miyembro lang man mo dinhi, sa iglesia, pero aduna kamo'y ministerio ug adunay kung unsang butang sa inyo. Nagapaninguha kamo nga makatabang sa Gingharian sa Dios, nagabuhat og usa ka butang para niini, kita n'yo, ug busa kamong mga igsoon nagakatigum. Kana ang hinungdan kung ngano ang mga pastor, sama niini, nanagkatigum pud kita, aduna kita'y butang nga magkapareho. Kamong mga igsoon nanagkatigum, nagatuon sa mga Kasulatan, ug nagasulti'g ubang mga pinulongan ug nagahubad, ug nagahatag og mga mensahe, nakita n'yo.

²⁹³ Pero, karon, kung kini nga tawo, pagkahuman, kung maamgo niya . . . Nakatambong na siya sa panagtigum, aduna siya'y gasa sa pagsulti og ubang mga pinulongan. Bueno, mitambong siya sa panagtigum, nagsulti siya og ubang mga pinulongan pero wala'y gihatag nga paghubad, wala kini nasabtan sa tighubad.

[Nagapangutana ang usa ka igsoon, “**Masulti mo ba kung ingon niana na kanang mga tawo nakapalig-on sa Lawas, pero ang mga opisyaes ba sama sa mga pastor, mga magtutudlo, ug mga ingon niana, makapagpahingpit ba sila sa Lawas?**”—Ed.]

²⁹⁴ Oo, para niana ang katuyoan niini, ang paghingpit. Kita n'yo? Gihatag ang mga niini para sa paghingpit, nakita n'yo. Nagatoo ko, nga ang—ang—ang mga Espiritu gihatag aron sa paghingpit, para sa paghingpit sa iglesia.

²⁹⁵ Karon, sila, kining mga tawo nga nagapamulong, puno sila sa Espiritu, og dili gyud ikalimod kana. Karon, ania ang usa ka lalaki, tingali nagasulti siya dinhi sa panahon sa panagtigum, ug nagahatag siya og . . . Karon, anaa siya sa atubangan mismo sa mga tighubad, kita n'yo, ug bisan pa niana wala'y nakakuha

kung unsa ang hubad, siguradong aduna gyu'y sayup. Dili kana matabangan sa tighubad, kita n'yo. Siya—kinahanglan siyang maghubad pinaagi'g inspirasyon nga sama niadtong nagsulti niana. Ug tingali aduna siya'y tinuod nga gasa sa pagsulti'g ubang mga pinulongan, pero wala siya'y gasa sa ubang mga pinulongan, usa ka lingguwahe. Kita n'yo, siya . . .

²⁹⁶ Ug kung ingon niana ang angay niyang buhaton, sa dihang gamiton niya kini nga pagsulti og ubang pinulongan, nan makita niya . . . Karon, ang butang nga iyang—dili niya angay'ng . . . Kung ang tinguha niya'y ipasundayag ang kaugalingon niya, usa ka siya ka hambog. Dili siya . . . Siya—sayup na siya sa sugod pa lang, nakita n'yo, wala gyud siya'y mapaingnan. Kita n'yo, sa pagdahum n'yo, “Bueno, dalaygon ang Dios, ayaw lang hubaron nianang lalaki kadtong akong pagsulti og ubang mga pinulongan. Mao gyud kana.” Karon, kita n'yo, sayup na siya sa sugod pa lang. Dinha mismo aduna na siya'y—aduna na siya'y sayup nga motibo, sayup nga katuyoan. Kita n'yo?

²⁹⁷ Pero kung siya malulot ug mapainubsanon, nga nagasulti, “Bueno, tingali dili gusto sa Ginoo nga gamiton ako sa panerbisyo Niya. Pero bisan pa niana ako . . . Gipanalanginan lang Niya ang akong kalag. Gusto Niyang lig-onon ako, nga mahibaloan nga ako duol Kaniya sa dihang nagasulti ako'g ubang mga pinulongan. Busa moadto na lang ko didto sa tanaman sa mga mansanas, ‘Oh Dios!’ Ug ang gahum nagasugod sa pagkunsad kanako ug nagasugod ako sa pagsulti'g ubang mga pinulongan. Mosulod ako nga dasig gyud, nakita n'yo.” “Oh, nakita Mo, nakigsulti Ka sa ako, Ginoo, ginapapadayon Mo lamang ako nga nakalinya pinaagi sa pagsulti'g ubang mga pinulongan.” Kita n'yo? “Ug, Ginoo, gikaistorya ko unta kanang lalaki karong adlaw. Pasayloa ako tungod niini, Ginoo. Akong—akong—akong gipalagpas ang usa ka butang nga dili ko angay ginapalagpas. Amahan, kung mahimo pasayloa ako.” Ug, direktang, nagsugod na siya sa pagsulti'g ubang mga pinulongan. “Ah, whew, mas maayo na karon ang pagbati ko mahitungod niini!”

²⁹⁸ Nakita n'yo, okey lang kana. Kita n'yo, ang imong—ang imong gasa dili angay gamiton sa iglesia, kondili para lang kini nga lig-onon ka. “Siya nga nagasulti'g dili hisabtan (wala maila) nga pinulongan ginapalig-on niya ang iyang kaugalingon.” Kita n'yo? Karon, kung walay tighubad, nan . . . Nakita n'yo ang buut kong ipasabot? Kita n'yo, mao gyud kana. Busa dili niya mismo mahibaloan. Iya lamang . . . Pero mahibaloan niya pagnakauban siya.

Karon, karon pasagdan n'yo lang kini nga makauban, nakita n'yo, kana ra ang bugtong butang nga mahimo n'yo hangtud nga mahibulag kini. Kana ang hinungdan kung nganong sa tan-aw ko kini'y . . .

116. Pakisaysay ang Unang Mga Taga-Corinto 14:5.

²⁹⁹ Kinsa kaha ang paspas nga makaabli niini? Aduna ba’y usa sa inyo ang nakaabli na niini? [Blangko nga bahin sa teyp. Ginabasa sa usa ka igsoon ang Unang Mga Taga-Corinto 14:5—Ed.]

[. . . *tanang managsulti sa ubang mga pinulongan, apan labi pa gayud kung kamo managpanagna: ug labi pang daku ang nagapanagna kaysa sa nagasulti’g ubang mga pinulongan, gawas kung siya nagahubad, aron ang iglesia makadawat og pagpalig-on.*]

³⁰⁰ Sige. “Mas gustohon nako. . . Buut ko unta nga managsulti kamong tanan sa ubang mga pinulongan.” Ang gipaningkamotang isulti ni Pablo. . . Sama sa iglesia, kamo—kamo nga akong iglesia. Ang uban sa mga iglesia ni Pablo kaniadto dili ingon kadaghan ang mga miyembro nga aduna ako dinhi. Husto kana, usahay man gani napulo o dose ra. Kita n’yo? Kita n’yo? Karon, karon ang sulti niya, “Buut ko unta nga managsulti kamong tanan sa ubang mga pinulongan.” Natingala ba kamo niini?

³⁰¹ Kita n’yo, sa dihang ang—ang—ang iglesia nga. . . diha sa Mga Buhat 19, sa pagtoo ko adunay mga usa ka dosena ang mga miyembro niini kaniadto. Kita n’yo? Gamay ra kaayo, mga pagmisyon, nakita n’yo. Busa kaniadto pa anaa na kini sa minority, kita n’yo. Ug sa hunahuna ko ang sulti niini nga adunay mga ingon niana ra ka daghan, usa ka dosenang kalalaken—an ug babayen-an, kita n’yo, nga anaa niini.

³⁰² Karon, kung inyong—inyong makita dinhi, ang sulti niya, “Buut ko unta nga managsulti kamong tanan sa ubang mga pinulongan. Ako—nanghinaut ko nga unta managsulti kamong tanan, kamong tanan managsulti sa ubang mga pinulongan, nga mapuno gayud sa Espiritu Santo nga makasulti kamo’g ubang mga pinulongan. Pero” ang sulti “Mas gustohon nako nga managpanagna kamo; gawas nga aduna kini og paghubad, magkaadunay paghubad.”

³⁰³ Giunsa kini pagbasa dinha? Kinsa. . . Naablihan n’yo ba dinha, sige. . . ? . . . Basahon nato kini pag-usab. Karon paminaw:

³⁰⁴ [Ginabasa sa usa ka igsoon ang Unang Mga Taga-Corinto 14:5—Ed.]

[*Buut ko unta nga managsulti kamong tanan sa ubang mga pinulongan, . . .*]

Karon kadali lang, “Buut ko unta nga managsulti kamong tanan sa ubang mga pinulongan.”

[. . . *apan labi pa gayud kung kamo managpanagna: . . .*]

“Mas gustohon kong managpanagna kamong tanan.”

[. . . *ug labi pang daku nga siya nagapanagna kaysa kaniya nga nagasulti'g ubang mga pinulongan, . . .*]

Karon kadali lang.

³⁰⁵ Karon, unsa ang, “Siya nga nagapanagna labi pang daku”? Dinha n’yo ba ako gustong mohunong una? [Nagaingon ang igsoon, “Ang ginaingon ko lang, ‘Lahi man gud kadto . . . ? . . .’”—Ed.] Oo. Tan-awa? Oo. Kita n’yo? Karon, ania kon diin . . .

³⁰⁶ Karon, ingnon n’yo pananglitan, karon, aduna kita’y duha ka tawong walay alamag sa taliwala nato karong gabhiona. Wala sila’y alamag mahitungod niini, ug misulod ako ug kamong tanan . . . misugod na kita sa panagtigum dinhi, ug—ug basta na lamang kamo misugod sa pagsulti diha sa ubang mga pinulongan, ang matag usa sa inyo nga nagasulti og ubang mga pinulongan, nagasulti diha sa ubang mga pinulongan, ug magasulti diha sa ubang mga pinulongan, ug magasulti diha sa ubang mga pinulongan. Ug, bueno, unsa man kini? Kita n’yo, isulti gyud niadtong walay alamag nga tawo, “Uh! Buangbuang silang tanan!” Kita n’yo? Pero kung ang usa nagapanagna, kita n’yo, dayon nagasulti siya sa usa ka butang nga masabtan niya.

³⁰⁷ Karon, ipadayon mo ug basaha ang uban pa niini karon. [Ginapadayon sa igsoon—Ed.]

[. . . *gawas nga kung siya’y maghubad, . . .*]

Tan-awa. Karon, “gawas na lang kung,” kita n’yo. Ako—akong . . . Kadtong mga—kadtong mga nagapropesiya mao’y labi pang daku kaysa kaniya nga nagasulti’g ubang mga pinulongan *gawas nga kung* maghatag kini og paghubad. Bueno, ipadayon pa, kita n’yo.

[. . . *aron ang iglesia makadawat og pagpalig-on.*]

Tan-awa, kita n’yo, gilig-on ang iglesia.

³⁰⁸ Karon, sa laing pagkasulti, grabe, ang iglesia, kini nga lalaki. Ania—ania ang *ingon niini* ka daghan nga mga walay alamag, nagalingkod mismo kamo karong gabhiona kauban namo; samtang nga ginapahigayon namo kini nga panagtigum. Ania kitang tanan nga ginapangita ang atong . . . nagatinguha nga mahibaloan ang mahitungod sa Ginoo, dayon kamong tanan basta na lang misugod sa pagsulti’g ubang mga pinulongan. Walay uban nga gisulti, kondili nagsugod lang nga magsulti’g ubang mga pinulongan. “Buuat ko nga kamo . . . Akong . . . Maayo man unta kana,” Ang sulti ni Pablo. “Managsulti kamong tanan sa ubang mga pinulongan, maayo man kana.” Pero unsa kaha kung ang uban kaninyo managpropesiya, nga motindog ug moingon, “MAO KINI ANG GINAINGON SA GINOO, ‘Adunay usa ka lalaki nga nagalingkod dinhi ug siya usa ka estranghero sa atong taliwala. Ang ngalan niya mao si *John Doe*. Taga-didto siya sa *ingon niini-ingon niana* nga lugar. Gibilin niya ang iyang

asawa ug upat ka mga anak didto. Ania siya karong gabhiona tungod kay nangayo siya og tabang. Nagpakonsulta siya sa usa ka doktor karong adlaw didto sa Memphis, Tennessee. Ug ang ingon niya. . . Gisultihan siya sa doktor nga aduna kono siya’y kanser sa бага. Mamatay na siya”?

³⁰⁹ Ingon ni Pablo, “Kung tanan kamo magsulti’g ubang mga pinulongan ug adunay mga walay alamag sa inyong taliwala, ingnon niya. . .kung ingon-ana makaingon siya, ‘Wala ba kamong tanan nanagdeliryo o nangabuang?’ Pero kung ang usa sa inyo nagapropesiya ug nagabutyag sa tinago sa kasingkasing, kung ingon-ana manggihapa sila, og moingon, ‘Tinuod gyud nga ang Diyos nagauban kaninyo!’” Nakita ninyo?

³¹⁰ Bueno, karon, ania. Karon nagasulti kamo’g ubang mga pinulongan, pero ang usa nagahatag og paghubad, nga nagasulti, “MAO KINI ANG GINAINGON SA GINOO,” ilalum sa paghubad, “‘Adunay lalaki nga nagalingkod sa taliwala nato, nga gibilin niya ang iyang asawa, nga atua sa Nashville karon,’” o Memphis, o sa kung asa man kini, “‘ug aduna siya’y kanser sa бага. Mianhi siya dinhi, ug ang iyang ngalan mao si *John Doe*,’” *Ingon niini-ug-ingon niana* nga sama niini. Kita n’yo?

³¹¹ “Gawas nga kung kini mahatagan og paghubad,” o, kita n’yo, kung ingon-ana kini nagahatag og pagpalig-on. Kita n’yo? Kung ingon-ana moingon sila. . .Dayon mogawas kadtong lalaki, og moingon, “Sultihan ko kamo og usa ka butang, ayaw ko sultihing nga wala nag-uban kanila nga mga tawo ang Dios sa lugar didto. Tinuod gyud nga kauban nila! Silang mga tawo wala gani makaila kanako.” Kita n’yo?

³¹² Busa tinguhaon nato ang mga gasa sa pagpropesiya *dugang* na lang ang mga gasa sa pagsulti’g ubang mga pinulongan. Pero, sa pagsulti’g ubang mga pinulongan, kita n’yo, kinahanglan gyud nga adunay paghubad. Ug dayon, sa dihang nahatagan na kini og paghubad, propesiya na kini. Kita n’yo? Propesiya na kini. Karon, moadto ako sa ingon niana nga pangutana dinhi pagkataudtaud, busa akong—akong lakbitan kana sa ingon ka paspas nga mahimo ko. [Blangko nga bahin sa teyp—Ed.]

117. Mateo 18:10.

[Ginabasa sa usa ka igsoon ang Mateo 18:10—Ed.]

[. . .nga dili kamo magtamay sa usa niining mga gagmay; kay nagaingon ako kaninyo, Nga didto sa langit ang ilang mga manulonda—manulonda kanunay nga nagatan-aw sa nawong sa akong Amahan nga atua sa langit.]

³¹³ Sige. Karon, igsoon, kung kinsa ka man, wala man gud nga ngalan, gamay lang nga papel, nakita n’yo, ang nagsulti niini. Sigurado akong. . .

314 Karon, mahimo mo kining tan-awon sa duha ka paagi niini, nakita n'yo. Pero sa tan-aw ko ang interpretasyon, kung ako ang pangutan-on mo, "Isaysay kini," ang pag-interpretar ko niini mao'y ingon niini.

315 Karon, ablihan n'yo diha sa Ikaduhang Mga Taga-Corinto, bisan kinsa, sa 5:1, kini ang ginasulti niini, "Kung kining yutan-ong tabernakulo matun-as. . ." Kabalo na mo kung unsa kini, kita n'yo. "Kung kining yutan-ong tabernakulo matun-as, aduna na kita'y usa," kabalo mo, "nga nagahulat." Sige.

316 Bueno, karon Iyang . . . Kung namatikdan n'yo, diha sa Mateo 18:10, nagsulti Siya mahitungod sa pagdala sa gagmay'ng "mga bata." Sila mga gagmay pang mga bata, gagmay'ng mga bata, tulo o upat ka tuig ang panuigon, gialsa Niya sila. "Gipanagdala nila ngadto Kaniya ang mga bata, bata." Ang *mga bata* naggikan sa ngalan nga "bata." Ang bata usa ka gagmay—gagmay pa nga bata, dili usa ka masuso kondili nataliwad-an lang sa masuso ug sa kabatan-onan nga edad. Kita n'yo? Dili pa kini responsable sa kaugalingon niini.

317 Karon, ang ingon Niya, "Magbantay nga dili mo *pagtamayon*." Kung susihon gyud ninyo ang interpretasyon sa nianang pulong, mao'y "pagsmaltrato." Kita n'yo, "Ang pagsmaltrato sa usa sa mga niana." Pagsmaltrato sa usa ka bata, dili ninyo kana angay buhaton. Mga bata lang sila, wala pa sila'y kahibalo. Kita n'yo?

318 Ug karon matikdi, ang ingon, "Tungod kay sila . . . ang ilang mga manulonda kanunay'ng nagasud-ong sa nawong sa Akong Amahan nga anaa sa Langit," nakita n'yo. Sa ubang pagkasulti, "Ang ilang mga manulonda, ang ilang—ilang mga mensahero, ang ilang mga lawas, langitnong mga lawas nga pagaadtoan nila kung sila mamatay, kanunay'ng anaa sa atubangan sa nawong sa Akong Amahan sa Langit." Kita n'yo?

319 Karon, "Kung kining yutan-ong tabernakulo matun-as, aduna na kita'y usa nga nagahulat." Husto ba kana? Usa kana ka lawas.

320 Tan-awa dinhi. Kung aduna lang unta ako og oras para hisgotan ang mga niini! Siyempre, kabalo ko nga ako—dili ako magkaaduna og taas nga oras. Pero, dinhi, tugoti n'yong ipahayag ko lamang kini sa inyo para marekord kini sa teyp, ug makuha ninyo kini sa gihapon.

321 Tan-awa n'yo, usa niana ka gabii atua si Pedro sa bilangoan. Dayon aduna ang mga tinun-an og usa ka panagtigum para sa pag-ampo didto sa balay ni Juan Marcos, kita n'yo. Ug dayon misulod ang Manulonda sa Ginoo, kanang Haligi nga Kalayo, usa ka Kahayag nga nanaug, ug abi ni Pedro nga nagadamgo lang siya sa dihang nakita niya kini nga Kahayag nga miduol ngadto kaniya. Ang sulti sa Biblia, "Usa kadto ka Kahayag." Kita n'yo? Ug nagatoo ako nga ang Mao rang Kahayag kauban nato karon,

kita n'yo, nanaug Siya. Ug pagmagkaaduna kita og parehong problema, tingali ingon niana pud nga butang ang mahitabo. Kita n'yo? Ug misulod didto, ug busa miingon kadtong Kahayag, "Umari ka, pag-uban Nako."

³²² Busa nahunahuna ni Pedro, "Nagadamgo ako, busa tanawon ko kung unsa gyud ang buut ipasabot niining damgo." Busa miagi siya didto duol sa mga guwardiya, ug nahunahuna niya, "Uh-huh. Karon magpadayon lang kita, ang pultahan basta na lamang naabli sa iyaha ra." Miagi siya sa sunod nga pultahan, naabli sa iyaha ra. Miagi sa mga ganghaan sa siyudad, ug naabli pud kini sa iyaha ra. Ug nahunahuna pa gihapon niya nga nagadamgo lang siya. Busa sa dihang atua na siya sa gawas, ug miingon, "Bueno, gawasnon na ako, busa moadto ako sa balay ni Juan Marcos ug makig-fellowship."

³²³ Atua sila didto, "Oh Ginoo, ipadala ang Imong Manulonda ug luwasa si Pedro."

³²⁴ Ug niadtong higayona adunay nahitabong [Nagapanuktok si Igsoong Branham—Ed.]. Ang gamay'ng dalaga miadto sa pultahan ug miingon, "Kinsa man kana?" Gipataas ang gamay'ng silipanan, miingon, "Aba, si Peter man diay!" Busa mibalik siya, miingon, "Hoy, kamo—puede na kamong mohunong sa pag-ampo, anaa na si Pedro."

Ang ingon niya, "Oh, grabe! Sige na," ingon pa, "ikaw—ikaw—ikaw. . ." Kita n'yo?

³²⁵ [Nagapanuktok si Igsoong Branham pag-usab—Ed.] Ang ingon, "Ablihi n'yo! Mosulod ko." Kita n'yo? Ug busa ang ingon niya. . .

Busa mibalik siya, miingon, "Dili, si—si Pedro kini nga ania sa pultahan."

³²⁶ "Oh," ang sulti nila, "gipunggotan na nila siya og ulo, anghel na niya kana dinha sa pultahan. Kita n'yo, ang iya kanang Langitnong tabernakulo, nadawat na niya kini, og natun-as na ang yutan-on niyang lawas, tungod kay nagpaabot na kini sa Langit para adtoan niya."

³²⁷ Ingon niana ang nakita ko sa miaging adlaw sa pananawon, kabalo na mo, sa paglabang. "Kung kining yutan-ong tabernakulo matun-as, aduna na kita'y usa."

³²⁸ Ug kini nga mga gagmay'ng bata nga wala pa makahimo'g sala, nakita n'yo. . . Kita n'yo?

³²⁹ Sa diha nga ang usa ka masuso—ang usa ka masuso nagakaporma na sa tagoangkan sa usa ka inahan, sa diha nga kini ginaumol na didto. . . Kita n'yo? Kita n'yo? Pero ang una niini usa ka espiritu. Ug sa dihang kana nga espiritu nagasugod na nga magkaunod, usa ka gamay'ng binhi sa kinabuhi nga nagasugod na nga magkaaduna og lawas, ug sa diha nga maigawas kini gikan sa iyang. . . Karon, sa tagoangkan, usa

kini ka gamay, nagkurog, naglugpot-lugpot nga mga kaunuran. Kabalo kita niana. Mga selula kana. Sama sa kung mokuha ka og buhok sa usa ka kabayo ug ibutang kini sa tubig, kini'y molugpot ug molihok kini, ug kung hikapon mo kini ug molugpot gyud kini. Ingon niana pud ang sa usa ka masuso.

³³⁰ Pero sa dihadiha nga maipanganak kini sa niining kalibutan ug moginhawa sa iyang unang gininhawa, nahimo kining usa na ka buhi nga kalag. Kita n'yo? Tungod kay sa diha nga maipanganak ang yutan-on nga lawas dinhi sa kalibutan, adunay langitnong lawas, o usa ka espirituhanong lawas, nga nagakupot niini. Ug sa diha usab nga matun-as kining natural nga lawas, aduna na'y Langitnong tabernakulo nga naghulat niini. "Kung kining yutan-ong tabernakulo matun-as, aduna na'y usa ka Langitnong tabernakulo nga nagahulat para niini." Sa dihadiha nga—nga maipanganak ang bata sa unod nganhing yuta, adunay usa ka espirituhanong lawas nga nagahulat para modawat niini. Ug sa diha nga ang espirituhanong lawas . . . pag ang natural nga lawas matun-as adunay usa ka espirituhanong lawas nga nagahulat na didto. Kita n'yo? Usa ka "theophany" ang tawag nato niini, kita n'yo, usa ka theophany.

[Nagapangutana ang usa ka igsoon, "**Bueno, karon, kini nga lawas mao kanang . . . temporaryo lang ba kana, samtang naghulat sa pagkabanhaw sa niini nga lawas?**"—Ed.] Oo. Kita n'yo? Oo. Oh, oo. [**"Kana ba ang kahintang nga atong puy-an hangtud sa—sa pagkabanhaw?"**] Husto kana. Kita n'yo? Kita n'yo?

³³¹ Wala pa kini naipadayag sa mga anak sa tawo. Nagatoo ko . . . Ako—kabalo ko nga nakita ko na kini. Kita n'yo? Pero wala ko kabalo kung unsang matang sa lawas kini, pero mabati nako sila nga pareho pud sa mabati ko ang inyong mga kamot o unsang uban pa. Siyempre, ginatayp kini ug mahimo n'yo kining ipadungog sa daghang mga tuig pagkahuman nga wala na ako. Nakita n'yo? Pero . . . Ug niadto, kung usa man kadto, kita n'yo, akong—akong nagunitan kadtong mga tawo ug nahikap sila, ug ingon gyud ka tinuod kadto sama sa—sa kung unsa kamo ka tinuod, pero bisan pa niana dili . . . Wala sila nagakaon ni nagainom man. Walay kagahapon ni ugma man didto. Kita n'yo, Eternidad kadto.

³³² Ug karon sa diha nga kanang tabernakulo . . . mibiya sila didto sa nianang lawas, dayon mibalik sila sa yuta, ug sa nianang matang sa lawas nahimo silang wala na'y kamatayon. Ang—ang abog sa yuta natapok ngadto nianang theophany sa kung unsang paagi ug nahimong tawo sila pag-usab, nga kinahanglan nang mokaon sama kaniadtong atua sila sa tanaman sa Eden. Kita n'yo? "Pero kung kining yutan-ong tabernakulo matun-as, aduna na kita'y usa nga nagahulat."

³³³ Busa kining gagmay'ng mga bata nga walay sala, kita

n'yo, wala pa'y sala, ang ilang *mga anghel*, ang ilang “mga lawas” (kadtong gibalikan ni Pedro. . .) kita n'yo, nagahulat na. “Nagatan-aw sa nawong sa Amahan, didto sa Langit,” atua kini sa atubangan Niya sa kanunay; “nasayran nila kini.” Tan-awa.

³³⁴ [Nagaingon ang usa ka igsoon, “Pero medyo malisud kini labi na sa bahin kon diin gisulti ni Jesus, sa unang bahin sa Iyang pagkabanhaw, ang ingon Niya, ‘Ayaw Ako paghikapa,’ niadtong wala pa Siya mikayab. Ug dayon niadtong misulod Siya sa lawak kon diin atua na didto si Tomas, ang ingon Niya, ‘Dumuol ka dinhi ug isulod mo ang imong kamot sa Akong kilid; ibutang mo ang imong tudlo.’”—Ed.] Husto kana, sa wala pa Siya mikayab. [“Ug ang—ang kalainan sa duha, diin una Iyang—gisultihan Niya sila nga dili Siya hikapon, ug didto pud gisultihan Niya si Tomas nga magduol og hikapon Siya.”] Wala pa man gud Siya mikayab niadtong tungora, nakita n'yo. Siya. . . [“Kay wala pa Ako makasaka sa Akong Amahan.”]

³³⁵ Husto kana, kita n'yo, dili pa Siya puedeng hikapon hangtud nga Siya. . . pagkahuman sa Iyang pagkabanhaw. Migula na Siya gikan sa yuta, nakita n'yo. Nabanhaw Siya gikan sa yuta ug nagalakaw na sa taliwala sa mga tawo, pero wala pa Siya mikayab. Ang ingon Niya. . . ang gisulti Niya kang Maria, ingon Niya, “Ayaw Ako paghikapa.”

Miingon si Maria, “Rabboni.”

³³⁶ Ingon Niya, “Paghikap. . . Ayaw Ako paghikapa, kay wala pa Ako makasaka ngadto sa Amahan. Pero mosaka Ako ngadto sa Akong Dios nga inyong Dios, ngadto sa Akong Amahan ug inyong Amahan.”

³³⁷ Ug dayon niadtong gabhiona, pagkahuman Niya nga nakasaka na sa atubangan sa Dios, ug nabanhaw na gikan sa mga patay, nakasaka na ngadto sa atubangan sa Dios. Sa pagbalik, gidapit Niya si Tomas nga moduol og hikapon ang Iyang kilid. Kita n'yo, nakasaka na Siya ngadto sa atubangan sa Dios. Husto kana. Sige.

118. Karon. Sa Unang Mga Taga-Corinto 14, “Sundon—sundon ninyo ang gugma, ug paninguhaa ninyo pag-ayo ang mga gasa nga espirituhanon, apan labi na gayud nga managpropesiya kamo.” Ang ingon sa, Webster, “pagpropesiya: mao ang pagpanagna mahitungod sa umaabot nga mga panghitabo, ilabina pinaagi sa balaanong dihog.” Ang usa ka mensahe ba. . . Karon ilang. . . kana—mao kana ang gisulti ni Webster ug kung unsa ang—ang gipangutana sa igsoong lalaki. Ang usa ka mensahe ba mahimong matawag nga “propesiya” nga wala magpanagna mahitungod sa umaabot nga mga panghitabo?

Dili, sir. Ang *pagpropesiya* mao'y “pagpanagna.” Kita n'yo? Sige.

119. Karon. Unang Mga Taga-Corinto 14:27, nagatoo ako nga ang tanan nga mga mensahe kinahanglan nga mahubad ug nga dili molagpas sa tulo ka mga mensahe ang kinahanglan maihatag sa maong pagsulti og ubang mga pinulongan diha sa bisan unsang panerbisyo.

³³⁸ Mao kana ang Kasulatan. Naisulat ko kana dinhi. Siyempre, dili kita . . . Pamilyar na kita niana ug kabalo na kita niana, nakita n'yo. Kana'y . . . Oo, sir, kini'y . . . kinahanglan nga tulo ka sunod-sunod lamang. Anaa kana sa Unang Mga Taga-Corinto 14, usab. Kita n'yo? Husto kana, “tulo ka sunod-sunod.” Karon matikdi ninyo kana diha sa inyong mga panagtigum, mga igsoon. Karon, inyong—inyong makita kini mismo nga nagakahitabo, makita n'yo na lang nga daghang mga tawo ang madasig. Ug ayaw pagsulti nga wala sa ila ang Espiritu Santo, karon. Pero, nakita n'yo, miadto didto si Pablo para ihan-ay ang iglesia sa Corinto. Kabalo kitang tanan niana, dili ba? Kinahanglan niya nga ibutang kini sa kahan-ayan. Ug ang ingon niya, “Buhata ninyo ang tanang butang sa katarung ug sa kahusay.”

³³⁹ Karon, kung namatikdan ninyo, si Pablo, sa pag-adto niya didto, kanunay siyang adunay problema sa iglesia didto sa Corinto. Dili ninyo siya makit-an nga ingon niana sa . . . Wala siya'y bisan unsa man nga gisulti mahitungod niini ngadto sa iglesia sa Efeso, mahimo niya silang tudloan mahitungod sa Eternal nga kasiguradohan. Wala gyu'y bisan unsa mahitungod sa Eternal nga kasiguradohan didto sa—sa iglesia sa Corinto. Kanunay silang mga masuso, naningkamot nga, “Ang usa magsulti gyud og ubang pinulongan, ang usa aduna gyu'y salmo.” Husto ba diay kana? Kita n'yo? Ug kung pasagdan mo ang imong kongregasyon nga magsugod sa ingon niana . . .

³⁴⁰ Sama ni Martin Luther, napuno siya pag-ayo sa Espiritu hangtud nga misugod siya pagsulti'g ubang mga pinulongan. Ang ingon niya, diha sa iyang tala-adlawan, ingon niya, “Nagsulti ako'g ubang mga pinulongan,” ingon niya, “pero kung itudlo nako sa mga tawo ko ang ingon niana” ang ingon “pangitaon nila ang gasa imbes nga ang Maghahatag.” Husto kana, kita n'yo, pangitaon nila ang gasa imbes nga ang Maghahatag.

³⁴¹ Ug kana ang makuha sa mga tawo, ug dayon nangalibog sila ug nagmapasigarbohon sa dihang gipasagdan nila sila nga magsulti'g ubang mga pinulongan o butang nga ingon niana. Ug kung kini dili sa Dios, nan dili gyud kini. . . mahimong walay kapuslanan. Pero kita . . .

³⁴² Karon, ginabalewala sa modernong mga simbahan ang maong tibuok butang, pero kita dili. Nagatoo kita nga kini mao'y gasa sa Dios ug mahimong gibutang kini dinha sa Espiritu sa Dios. Nakita mo, Igsoong Roy? Husto kana. Oo, sir. Gibutang

diha sa iglesia! Para kini sa iglesia. Ang gasa sa pagsulti'g ubang mga pinulongan mao'y para dinha, kita n'yo, sa Iglesia sa Dios.

³⁴³ Karon, tan-awon nato karon kung unsa gyud ang eksaktong pangutana niya dinhi. Gisulti, nga:

Nagatoo ako nga ang tanan nga mga mensahe...(husto kana)...**kinahanglan nga mahubad, ug kinahanglan nga tulo ka sunod-sunod lamang.**

³⁴⁴ Husto kana, kita n'yo, tungod kay kung pasagdan ninyo ang...Karon ingnon ta, pananglitan, sama dihang nagkatigum mo ug naglingkod mo dinhi ug—ug...Karon, unsa ma'y kapuslanan nga tugotan *siya* nga magsulti'g ubang mga pinulongan, *siya* pud magsulti'g ubang mga pinulongan, *siya* pud magsulti'g ubang mga pinulongan, *siya* pud? Aba, maglibog na kitang tanan nga wala na gani kita kabalo kung unsa na'y ginabuhat nato. Kita n'yo? Tulo ka sunod-sunod, pasagdan nga...pananglitan, si Hollin, mosulti siya'g ubang mga pinulongan, kung mosulti siya'g ubang mga pinulongan...

³⁴⁵ Ug kinahanglan nga aduna pu'y tighubad. Karon, mahimo nga magkaaduna og usa ka tighubad gawas kung ikaw mismo ang maghatag niini og hubad sa kaugalingon mong ginasulti nga ubang pinulongan. Karon, inyong...“Ang nagasulti'g dili hisabtang mga pinulongan angay nga mag-ampo usab nga siya makahatag og interpretasyon niini.” Mahimo niyang hubaron ang kaugalingon niyang pagsulti og ubang mga pinulongan nga ingon—ingon ka tukma pud kung giunsa sa usa ka maghuhubad. Pero kinahanglan aduna gyu'y usa ka maghuhubad sa dili pa mahimo nga ang pagsulti og ubang mga pinulongan...Kung aduna mo'y pundok sa mga tawo nga nagasulti'g ubang mga pinulongan ug walay maghuhubad, kung ingon-ana ikaw mismo mag-ampo nga mahubad mo kung unsa ang imong—kung unsa ang ginapagsulti mo.

³⁴⁶ Karon, ayaw kini buhata para ipasigarbo ang imong kaugalingon, tungod kay ginapalig-on mo lang ang imong kaugalingon kung ingon-ana, nakita n'yo. Ayaw n'yo buhata kana. Kondili managsulti kamo'g ubang mga pinulongan aron mapahimuot n'yo ang Dios, mapalig-on n'yo ang iglesia. Nakita n'yo, kining tanan para sa usa ka dakung katuyoan, igsoon. Kini nga mga gasa maoy aron mapahimuot ang Dios, para lig-onon ang iglesia, para mag-agak og ang mga tawo ngadto sa Dios, para ipahibalo kanila nga kauban nato ang Dios. Nga dili Siya usa ka patay nga Dios, Siya usa ka buhi nga Dios nga nagapamuhat sa taliwala nato. Kita n'yo?

³⁴⁷ Ug kinahanglan lang natong bantayan kana og ayo tungod kay, aba, gikaligutgutan gyud kana og ayo sa yawa, nakita n'yo, ang makita ang matuod og tinuod nga mga gasa. Tungod kay mahuyang ang mga gasa, ug mahimo mismong hilabtan sa yawa kana nga mga gasa. Grabe, oh, grabe, mahimo gyud

niyang masundog ang matag usa sa mga niana. Busa kana ang hinungdan. . .

³⁴⁸ Karon, tan-awa ninyo, ang kalainan tali sa gasa sa pagpropesiya ug sa usa ka propeta, adunay usa ka milyong minilya ang kalainan. Sa wala pa ang usa ka propesiya. . . Ang usa ka tawo nga adunay gasa sa pagpropesiya mahimo pa gani nga susihon sa dili pa isulti atubangan sa iglesia, kinahanglan adunay duha o tulo ang mosusi niana ug mosulti “tinuod kana.” Husto kana. Pero dili sa usa ka propeta. Kita n’yo? Ang propeta usa ka katungdanan. Ang gasa sa pagpropesiya usa ra ka gasa. Ang propeta gipanganak nga usa na ka propeta, adunay MAO KINI ANG GINAINGON SA GINOO, igsoon, nga kanunay siyang adunay ingon niini. Walay bisan unsa pa niana, nakita ninyo. Ingon niana ang usa ka propeta. Pero ang gasa sa propesiya, usa ra kana ka gasa, nakita n’yo. Ang usa maoy katungdanan nga naggikan sa Dios, ang usa pud usa ka gasa nga naggikan sa Dios. Kita n’yo? Ug ingon niana ang kalainan.

³⁴⁹ Karon, ang mga pagmensahe, ingnon ta, karon, pananglitan, mamahimong ingon niini kini. Karon, ingnon ta, sama ni Igsoong Junie, karong gabhiona, siya ang naghatag og interpretasyon. Kabalo kita nga usa siya ka tighatag og interpretasyon. Si Igsoong Neville usa ka tighatag og interpretasyon, kita n’yo, nagahubad sa mga pagsulti’g ubang mga pinulongan. Kabalo kita niana. Karon, unsa kaha kung nagalingkod kita dinhi karong gabhiona, oh, dayon ang Espiritu sa Dios miabot para mamulong. Grabe, gyud! Ug dili kita. . . kinahanglan natong. . . kinahanglan nato. . . Maghulat sá, sa dihang magsugod na ang panimbahon sa pipila na lang ka minuto. Kita n’yo, kita—magtigum una kita sa dili pa mismo ang panimbahon. Ginapahimutang ko kini diha sa kahan-ayan sama ginabuhat nato dinhi.

³⁵⁰ Bueno, dayon, mahibaloan mo na lang, motindog si Igsoong Ruddell ug magsulti’g ubang mga pinulongan. Maghulat sila sa kadali. Kita n’yo? Dayon motindog si Junie, “MAO KINI ANG GINAINGON SA GINOO, ‘Usa ka *ingon niini-ingon niana* nga butang.’” Sige, adunay usa dinhi, nga magsusulat nga ginasulat kana dinhi dapit, kita n’yo, kung unsa man ang gisulti; uh-huh, paspason mismo ang pagsulat, tungod kay kini. . . para presko kini nga makuha, kung unsa mismo ang gisulti niya. Bueno, ilang. . . Kung—kung dili kini puede dawaton, nan inyong—mas maayo nga inyo kining pasagdan na lang, kita n’yo, gision kini. Pero kung puede kining dawaton, gidawat sa duha ka tawo, nan isulat kini dinhi, pirmahan nila kini sa ilang ngalan. Kita n’yo? Nga—nga—nga kana para sa inyong iglesia. Kana’y. . . Ginasulti ko kini kaninyong tanan para sa inyong kaayohan, kita n’yo, wala ko kabalo kung ginabuhat ba nila kana sa sugod pa o wala.

³⁵¹ Ug mahibaloan mo na lang, motindog si Hollin, magsulti’g ubang mga pinulongan. Bueno, mahimong hubaron kini sa

maghuhubad diha sa mao ra gihapong mensahe, kita n'yo, mahimong pareho ra, nga usa ka butang ang mahitabo, usa ka propesiya; kita n'yo, usa ka butang nga hapit nang mahitabo, o usa ka butang nga kinahanglan n'yong buhaton. Dayon motindog pud, si Igsoong Roberson, magsulti'g ubang mga pinulongan. Bueno. Mahimong mao ra gihapon kini nga mensahe, gihatag ang mao ra nga interpretasyon, kita n'yo, o mahimong tulo ka pagmensahe.

³⁵² Karon, dili maghatag og singkuwenta ka mensahe ang Dios sa usa ra ka gabii. Kabalo kita niana, tungod kay inyong—dili na ninyo kana makuha. Nakita n'yo? Pero kung unsa man ang nagpabug-at sa iglesia, sama sa...o usa ka butang nga ginabuhat niini, para kini sa pagpalig-on sa iglesia. Kita n'yo? Dayon ako—ako—dili na nako tugotan kung duna pa'y dugang niana, kita n'yo, tungod kay ang gisulti Niini, "Tugoti nga tulo ka sunod-sunod." Kita n'yo?

³⁵³ Tulo ra ka sunod-sunod, dayon—dayon moingon ko "Sige isulat n'yo ang mga niini, ug ibutang ninyo kini didto sa pulpito." Kita n'yo? Dayon ugma sa gabii magkita-kita kita pag-usab. Kita n'yo? Ug kung adunay butang nga gikatak dang magakahitabo tali karon ug ugma sa gabii, Isulti gyud kini sa Dios diha sa usa sa niadtong mga mensahe. Nakita n'yo ba ang buut kong ipasabot? Kinahanglan nga tulo ka sunod-sunod. Ug sa hunahuna nako karon, ang ingon ni Webster, ang propesiya mamahimong...

Mahimo bang panguta-...matawag nga propesiya ang usa ka mensahe nga wala magpanagna mahitungod sa umaabot?

³⁵⁴ Dili. Kung propesiya kini, kinahanglan nagapropesiya kini, nagapanagna sa kung unsang butang nga mamahitabo. Tinuod gyud, kana.

³⁵⁵ Sige, ug ang sa hunahuna nako...Karon, kini na ang katapusan dayon moadto na kita sa niining mga pangutana dinhi.

120. Igsoong Branham, mahimo—mahimo ba nga ang unsa man sa mga niini... Igsoong Branham, asa man sa mga niini nga mga pangutana...Gisulat kini sa makinilya ug halos mapanas na kini. Mahimo ba nga hain man niining mga panguta-...Igsoong Branham, hain man niining mga pangutana nga wala ka gipangunahan nga tubagon o obligadong... o magkomento (oo), magkomento, ipadaplin lang, dili gyud ako maguol. Unsa ba ang tibuok katungdanan sa usa ka diyakono sumala sa Kasulatan?

³⁵⁶ Bueno, ako—nagatoo ko nga aduna na sila niana. Kung kini...Kabalo ko nga usa kini sa mga diakono sa atong iglesia. Busa nagatoo ko aduna na sila'y nakasulat mahitungod niana dinha. Siguro kinahanglan nga magpakopya kita og dugang

pa nga mga kopya niana ug ipanghatag ngadto sa matag usa sa atong mga diyakono kung wala pa nato napanghatag. Makapakopya kaha kita niana, Gene, usa . . . o, ikaw o si Igsoong Leo, o ang uban kanila, mga . . . mokuha siguro og mga unom o walo niini ug ipanghatag kini sa atong mga diyakono. Nakasulat dinha ang mga katungdanan, sumala sa Kasulatan, kung unsa ang angay buhaton sa usa ka diyakono.

121. Kung ugaling magkaaduna kami og usa ka propesiya o usa ka mensahe pinaagi sa pagsulti og ubang mga pinulongan nga wala sa kahan-ayan, sa unsa bang paagi namo kini tuliron?

³⁵⁷ Bueno, maayo nga kaso kana sa wa-damha nga panghitabo, kita n'yo. Kita n'yo? Karon, panalanginan ka, diyakono nga naghisgot niini, tungod kay maanindot kini nga butang. Gusto mong atubangon kini nga adunay gamit nga gomang guwantes. Karon, kung maghatag ka og usa . . . Kung adunay motambong sa kongregasyon nato dinhi ug maghatag og usa ka mensahe o usa ka propesiya nga wala sa kahan-ayan, wala ka na'y halos mabuhat bahin niini kung atua na sila nanagsulti. Kita n'yo? Inyo na lamang . . . Kabalo sila nga wala sila sa kahan-ayan ug kini'y—kini'y . . . mahimo kining moguba sa panerbisyo. Kita n'yo? Pero, kung mahitabo man kana, ang labing maayong butang nga buhaton, sa mga diyakono, mao ang paghilum na lang. Kita n'yo? Tungod kay ang propeta sa entablado mao sa pagkatinuod . . . Kamo—kamo ang iyang proteksyon, kamo ang iyang mga pulis, kita n'yo, kamo ang mga guwardiya sa among palibot. Kita n'yo?

³⁵⁸ Karon, kung usa kini sa atong kongre- . . . Kung gawas kini sa atong kongregasyon, wala natudloan ang maong tawo, kita n'yo, wala sila natudloan. Mao kana kung unsay atong gipaninguha nga maiklaro dinhi, kita n'yo, nga kita—kita nasayod na kung unsay buhaton. Kabalo gyud kita kung giunsa nato pagtudlo ang atong mga miyembro. Pero kung kini'y—kung kini gawas sa atong kongregasyon, bueno, wala kita kabalo kung sa unsang paagi natudloan kanang luoy'ng igsoon.

³⁵⁹ Pananglitan, sama na lang . . . Madumdoman kini ni Billy, didto kini sa Costa Mesa, California. Sa matag higayon nga andam na ako nga maghimo og usa ka pagtawag sa altar aduna dayon og usa ka babaye nga motindog, ug magdagan-dagan sa pasilyo, nga nagasulti og ubang mga pinulongan, ug ginaguba niya ang maong pagtawag sa altar. Ug mogawas na lang gyud ko. Makita mo mismo ang Espiritu nga—nga nasubo gayud, nakita n'yo. Dili gyud mapasubo ang Espiritu sa Dios kung kini anaa lang sa kahan-ayan. Kita n'yo? [Blangko nga bahin sa teyp—Ed.] . . . sa dili pa siya magsugod, atua siya nga ginaandam na ang iyang kaugalingon, tungod ginabantayan ko siya. Buhaton kana ni kinsa man nga ministro pagmay makita siya og unsa man nga wala sa kahan-ayan. Dayon atua sa

likod ang maong babaye ug gisulti niya kang Billy, ug gisulti pud sa ako ni Billy sa pagsulod nako niadtong gabhiona, ang ingon, “Daddy, nadumdoman mo ba kadtong babayeng miguba niadtong mga—mga pagtawag sa altar, duha na ka gabii?”

“Oo.”

³⁶⁰ Ang ingon, “Naglingkod siya didto,” miingon, “ang ingon sa babaye, ‘Dalaygon ang Dios, Billy, aduna ko’y usa pa ka mensahe karong gabhiona!’”

³⁶¹ Bueno, karon, nakita n’yo, gibantayan ko siya didto taliwala sa mga mananambong. Linibo ka mga tawo ang atua didto; mao kadtong panahona nga gisulat sa *Reader’s Digest* kadtong mahitungod sa pagkaayo ni Donny Morton, kabalo na mo, *The Miracle of Donny Morton*. Busa gibantayan nako ang maong babaye, ug niadtong oras na nga magsugod na akong mohimo’g pagtawag sa altar, siya. . . Karon, wala gyud siya natudloan; walay duda, usa siya ka buotan nga babaye. Pero naglantaw-lantaw siya sa palibot, gisugdan niya paghapsay ang iyang buhok. Pinutlan ang iyang buhok, kita n’yo. Busa, nakita n’yo, miyembro siya sa Assemblies o pipila kanila nga mga simbahan nga—nga nagatugot niana. Gihapsay niya ang iyang buhok. Giabot niya ug gibira pataas ang iyang stockings, nangandam na nga sama niana. Ug niadtong oras mismo nga magsugod nako og himo’g pagtawag sa altar. . . Miingon ko, “Karon, pila ang ania karon. . . pila ba ang ania karon nga gustong moanhi sa atubangan ug—ug itugyan ang ilang mga kasingkasing kang Ginoong Jesus?”

³⁶² Mitindog siya. Miingon ko, “Paglingkod ka.” Mosugod na unta siya. Miingon ko, “Paglingkod!” Kita n’yo? Ug, grabe, ang tanan. . . Nihunong na lang ko. Naglihok siya nga mora ba’g wala niya ako madungog, ug gisinggit ko kadto pag-usab. Nadungog niya ako niadtong higayona, tungod kay mora ba’g natay-og nako ang bilding pinaagi niadtong dakung mikropono nga atua didto. Ug milingkod na siya.

³⁶³ Miingon ko, “Karon, sama sa ako nang gisulti, pila ba ang gustong moanhi sa altar ug itugyan ang ilang mga kasingkasing sa Dios?” Ug gipadayon ko na ang panagtigum, kita n’yo.

³⁶⁴ Ug niadtong gabhiona sa dihang mipadulong na ko sa trak, gipalibotan ako. Ug atua kadtong pundok sa mga kababayen-an nga nagatindog didto nga mora’g grupo sa mga manok, kabalo na mo, “Gipasipalaan mo ang Espiritu Santo.”

³⁶⁵ Miingon ko, “Gipasipalaan nako?” Miingon ko, “Giunsa man nako pagpasipala sa Espiritu Santo nga gisunod ko ra man ang su- . . . ang pahayag sa mga Kasulatan?” Kita n’yo?

³⁶⁶ Ug misulti ang maong babaye, “Aduna unta ko’y mensahe kaganina gikan mismo sa Dios.”

367 Miingon ko, “Pero ginahatag mo kadto sa sayup nga panahon, igsoon.” Miingon ko, “Dili ko . . .”

“Ginasulti mo ba nga dili—nga dili kadto gikan sa Dios?”

368 Miingon ko, “Dili ko masulti sa imo, babaye.” Miingon ko, “Ako—ako—nagatoo ko nga ingon gyud niana, kita n’yo.” Miingon ko, “Isulti ko kini para sa kaayohan mo, nga, ‘Ginasulti kong nagatoo ako nga ingon niana gyud.’ Ug nagatoo ako nga buotan ka nga babaye, pero wala ka sa kahan-ayan.”

369 Ug atua didto nagatindog ang iyang pastor. Kabalo ko nga siya ang iyang pastor, kita n’yo. Ug miingon ko . . . ako—miingon ko, “Usa lang ka butang nga akong masulti, nga ikaw unodnon pa o aduna ka’y pastor nga nagtudlo sa imo nga wala gyu’y hibangkaagan mahitungod sa mga Kasulatan.” Miingon ko, “Angay siyang moanhi ug makigsulti kanamo bisan sa gamay rang panahon mahitungod sa mga Kasulatan. Tungod sayup kadto, wala ka sa kahan-ayan. Ikaw ang hinungdan nga daghang mga kalag ang nangalaglag, niadtong miaging gabii, ug daghan usab kagabii, ug ingon niana pud unta karong gabhiona.”

370 Ug ang sulti niining lalaki, “Igsoong Branham,” ang ingon, “Pasayloa ko.”

Miingon ko, “Unsay buut mong ipasabot?”

371 Ang ingon, “Aduna siya’y katungod nga ihatag kadtong mensahe, nahuman ka na.”

372 Miingon ko, “Atua pa ako sa entablado, ug ang espiritu sa mga propeta napailalum ngadto sa propeta. Anaa pa ako sa entablado.”

Ug ang ingon niya, “Bueno . . .”

373 Miingon ko, “Aduna pa ko’y Mensahe. Nagpahigayon pa ako og pagtawag sa altar, nga makaagak pa unta. Giitsa ko ang akong pukot, ginabira ko na kini niadtong panahona. Busa dili ka maglabay didto og alambre o kung unsa man para pakgangon kadto, kita n’yo.” Miingon ko, “Ginabira ko pa niadto ang akong pukot.” Ug—ug miingon ko, “Gipakgang niya ang—ang maong pag-agak sa mga kalag. Ang . . . Unsa ma’y kapuslanan sa pagwali o bisan unsa pa kung dili mo tawagon ug paduolon ang mga makasasala? Kita n’yo?”

374 Ug ang ingon niya, “Bueno, ang mensahe sa maong babaye anaa na sa katapusang bahin niadtong sa imoha. Ug kadtong sa iya anaa man sa gawas niadtong entablado . . . Gikan mismo sa Dios ang iyang mensahe.”

375 Miingon ko, “‘Kung adunay maghunahuna nga siya espirituhanon o usa ka propeta pailha siya nga ang akong ginasulti mao’y mga Sugo sa Ginoo. Pero kung siya ignorante, magpabilin siyang ignorante. Wala kami og ingon nianang kinaiya, ni ang Iglesia man sa Dios,’” gikutlo ko ang gisulti ni Pablo, kabalo na mo. Miingon ko, “Dili, sir, walay bag-o!

Siya . . . Ang gisulti ni Jesus, ‘Ang matag pulong sa tawo bakak ug sa Ako mao’y Tinuod.’ Ang sulti ni Pablo, ‘Bisan pa nga usa ka Manulonda ang moabot gikan sa Langit nga adunay dala nga lahi kaysa kung unsay anaa Niini, ipatunglo siya.’” Miingon ko, “Mister, hingpit ka nga nahisalaag.” Miingon ko, “Unsa kaha nga klaseng iglesia ang aduna ka? Sigurado ako nga usa ka pundok kini sa kagubot. Kita n’yo? Kung pasagdan mo silang mga tawo nga buhaton kana unsaon pa nimo paghimo og pagtawag sa altar? Aduna ang maong babaye og ministerio, tanan sila adunay ministerio, pero aduna kamo’y inyohang panahon para sa pagministerio, kita mo, nga gikahatag.”

³⁷⁶ Busa husto kana. Dili, ug karon kung mahitabo man kana sa *atong* iglesia nga ingon niana, sama niini, sa pipila sa atong mga igsoong lalaki o mga igsoong babaye dinhi sa simbahan nga nagasulti og ubang mga pinulongan, karon, ang mga diyakono pagkahuman sa panimbahon, ang hunta sa hunahuna ko kinahanglan makigkita sa ila, ug sultihan, “Tugoti ako nga ipadungog kanimo ang teyp, sulod sa pila lang ka minuto, nakita n’yo.” Kita n’yo, inyo gayu’y . . . O—o, ang pastor, sultihan, “Akong—sigurado kong gusto kang maistorya sa pastor. Puede ka ba namong maistorya dinhi sa lawak tun-anan kadali lang, kita mo, igsoon.” Dayon, mosulod mo didto ug istoryahon siya sa maayo lang nga paagi. Kita n’yo? Ug sultihan . . .

³⁷⁷ Pero, karon, kung wala na gyud sila sa kahan-ayan ug ginadisturbo na ang inyong pastor, kita n’yo, kung—kung ginadisturbo na nila ang inyong pastor, kung ingon—ana kamong mga anciano kinahanglan nga duolon siya ug sultihan, “Kadali lang.” Ug kung sinyasan kamo sa pastor para pahunongon ang mga niini, kung ingon—ana nasakpan niya kana nga espiritu dinha, nga kini’y . . . nga ginadisturbo nila ang espiritu sa panagtigum, nakita n’yo.

³⁷⁸ Busa kung mohunong ang pastor ug matinahuron nga ginaduko ang iyang ulo, nan ayaw na pagsulti og bisan unsa. Kita n’yo? Ayaw pagsulti’g bisan unsa; tugoti ang pastor. Pero pagtan-aw sa inyong pastor. Kung mosinyas siya sa inyo og ingon niana, nga kinahanglan ninyo kining pahunongon, nan pagduol didto uban sa Cristohanong gugma, ingna, “Akong igsoong lalaki, igsoong babaye,” bisa’g unsa man kini, “Nagatoo ako nga wala ka sa kahan-ayan, tungod kay ginadisturbo mo ang propeta, nakita mo. Aduna siya’y mensahe gikan sa Dios. Pagmahuman na siya sa iyang mensahe, ayha nato tan-awon ang mahitungod niini unya.” Kita n’yo, kung nakadisturbo kini kaniya.

³⁷⁹ Pero kung kini usa ka tawo nga taga-gawas, ug ang pastor nga may pagtahod mohunong usá ug maghulat kadali, dayon siya . . . tingali ipadayon ra niya pagkahuman, kita n’yo. Busa . . . Ug kung namatikdan ninyo, nubenta porsyento sa mga higayon nga ingon niana, ang mga paghubad, sa kanunay nagakutlo

ra kini og pipila ka Kasulatan o butang nga ingon niana, nga malagmit pareho kining karnal. Kabalo na mo kung unsay buut kong ipasabot sa ingon niana. Kita n'yo? Sige.

122. Ginapahanugotan ba ang sobra sa usa nga pagsulti og mensahe diha sa pagsulti og ubang mga pinulongan nga walay paghubad?

³⁸⁰ Dili. Kinahanglan nga tagsa-tagsa lang sila. Kita n'yo? Ang usa maghatag. . . Ang usa magsulti, ug ayha dayon ihatag ang hubad. Kita n'yo? Ug dayon kung magsulti ang usa pa, ayha pa ang hubad; tungod kay kung dili man, dili na mahibaloan sa tighubad kung unsa na ang iyang ginabuhat tungod kay aduna ma'y duha o tulo ka mga mensahe nga nagsapaw-sapaw kaniya, nakita n'yo, ug magpalibog kana kaniya. Ug ang Dios dili tigpasiugda og kalibog, nakita n'yo. Busa pasultiha ang usa, ug maghubad ang sunod. Kita n'yo? Ug dayon. . . Maghatag og tulo ka mensahe, pero angay nga mahubad ang matag mensahe.

³⁸¹ Dayon magkaaduna kita. . . Sama nga kung magsulti si Igsoong Ruddell ug maghatag pud og paghubad si Igsoong Neville, Maghilum lang uná si Igsoong Fred. Kita n'yo, kinahanglan mapahayag uná ang paghubad. Una, pagdesisyonan usá kini, para tan-awon kung iya ba kini sa Dios o dili, sa una pa lang. Kita n'yo? Ug bueno. Karon, kung magsulti si Igsoong Ruddell, magsulti si Igsoong Beeler, magsulti pud si Igsoong Neville, ang luoy'ng maghuhubad adunay tulo ka mensahe nga nagdungan-dungan; unsa—unsa, unsaon niya pagkahibalo kung unsay buhaton? Kita n'yo? Hatagan n'yo siya og panahon. Ihatag n'yo usá ang mensahe ug dayon maghilum mo, maghulat. Kung adunay gipadayag ngadto sa sunod nga naglingkod tupad niya; maghilum uná siya, basta magpabilin lang sa paglingkod. Kita n'yo? Ug dayon hulata ang paghubad.

³⁸² Dayon, kung nabuhat n'yo, isulat n'yo kini kung ingon-ana, tan-awa ninyo kung unsa ang ginasulti sa mga magsususi. Kita n'yo? Kung moingon sila, “Bueno, kini'y—kini'y iya sa Dios.” Maayo, aduna gyu'y mensahe, kita n'yo, isulat ninyo kini. Dayon maghulat kadali. Ug mahibaloan n'yo na lang, bueno, dayon sa pagpanglihok sa Espiritu diha kaniya, magsulti siya. Dayon ang maghuhubad maghulat kadali, tan-awon kung unsay isulti sa Balaang Espiritu. Dayon ania na Siya para sa nianang mensahe, nakita n'yo. Ug ayha niya isulat kana, kita n'yo. Ug kinahanglan nga tulo ka sunod-sunod kini.

123. Igsoong Branham, kabalo kami nga ikaw mao ang mensaherong gipadala gikan sa Dios para sa niining kapanahonan sa iglesia. Ang mismong mga ilhanan nga nagauban kang Jesus kaniadto nakita namo nga nagauban pud sa imo, ug kami. . . nasabtan namo kung nganong nahunahuna sa uban nga nakaila sa imo nga ikaw ang

Mesias. Mahimo mo bang isaysay ang kalainan sa relasyon mo ngadto sa Dios ug kadtong kang Cristo?

³⁸³ Bueno, kabalo ko, mga igsoon, tinuod kana. Kita n'yo, pero maghulat kita, duna ko'y bahin niana dinhi, sa kadali lang. Kita n'yo, daghang mga higayon nga sayup ang pagkasabot niini. Kita n'yo? Pero, karon, sa tawo usahay... Ug gusto ko ang uban sa inyo ubanan akong moabli ngadto sa Lucas, sa ika-3 nga kapitulo ug sa ika-15 nga bersekulo. Samtang ginabuhat ninyo kana, mahimong isulti ko sa inyo... Sa dihang nakaabli na kamo niini, sa Lucas 3 kini, kini'y... basin... anaa kini sa... Tugoti lang ko... Dili nako saradohan ang pultahan, tungod kay wala ma'y tawo didto. Tugoti—tugoti lang ko nga maipaabot ko kini sa inyo, mga igsoon. Nadungog na ninyo kini, mikaylap na kini. Pero tugoti ninyo ako nga isulti sa inyo, kita n'yo, kinahanglan man gud kini nga moabot sa ingon nianang paagiha. Kinahanglan gyud kini nga moabot sa ingon niana nga paagi. Kung dili man sa ingon niana nga paagi angay kong hinulsolan ang akong mensahe.

³⁸⁴ Paminaw, mga igsoon, ginamandoan ko kamo atubangan ni Cristo nga kamo—kamo—kamo magpabilin ra nga hilum bahin niini, pero kung espirituhanon kamo makasabot gyud kamo. Kita n'yo? Wala ba mo kabalo kung unsa ang pinakauna Niyang gisulti didto sa suba? Wala n'yo ba nadumdoman ang gisulti Niya? “Maingon kaniadto nga si Juan Bautista gipadala aron sa pag-andam sa unang pag-abot ni Cristo, ang imong Mensahe...” Kini ang Mensahe nga maoy magauna sa Ikaduhang Pag-abot ni Cristo. Mao kana ang gisulti sa Manulonda sa Ginoo.

³⁸⁵ Bueno, matikdi ninyo karon. Karon, “Maingon kaniadto nga si Juan Bautista...” Karon, nadungog ninyong tanan kadto. Nabasa ninyo kini sa mga libro, ug nadungog na ang mga tawong atua didto nga nakadungog Niini, ug tanan nang uban pa, sa dihang gisulti sa Manulonda Mismo kadto nga mensahe, “Maingon kaniadto nga si Juan Bautista gipadala aron sa pag-andam sa unang pag-abot ni Cristo, ikaw pud gipadala uban niini nga Mensahe, nga mao'y magauna sa Ikaduhang Pag-abot ni Cristo.” Karon, “ang Mensahe.”

³⁸⁶ Karon, kung mamatikdan ninyo, ug ako... Si gamay'ng Willie ang nagbutang sa akong ngalan sa ilalum nianang bituon dinha, ug ang hinungdan kon nganong gipalagpas ko kadto, nakita n'yo, tungod kay ako—sa hunahuna ko... Karon, magmatinud-anon lang ako kutob sa mahimo ko, Sa hunahuna ko wala ko'y kalabotan nianang mensahero, kita n'yo. Husto kana. Nagatoo ko nga tingali gipadala ako para sa usa ka bahin sa Iyang Iglesia, aron motabang sa pagtukod nianang Mensahe nga moabot kini sa punto kon diin pagmoabot na ang maong mag-uuna, nga moabot man gyud siya.

387 Pero nagatoo ako, ako ingon nga kung unsa ako, ako maoy. . .nagatoo ako nga anaa kanako ang Mensahe para sa karong panahon. Nagatoo ako nga kini mao ang Kahayag para niining adlaw, ug nagatoo ako nga nagatudlo kini nianang panahon nga umalabot, nakita n'yo, nagatoo ako nga ang Mensahe nga gisulti niya didto, “ang Mensahe nga anaa sa imo.” Karon, kung namatikdan ninyo nga ang Bitoon nga nagpakita didto, mao’y usa ka. . .

388 Tugoti n’yong buhaton ko kini. . .Kabalo ko nga akong—ginadaginat ko ang oras ko dinhi, ug aduna ko’y uban pa dinhi, ingon ka maanindot nga mga pangutana. Dili ko gustong. . . Lagpas—lagpas na og alas diyes karon, busa, ug kabalo ko nga gusto n’yo nang mopauli. Kita n’yo? Pero paminaw dinhi. Tugoti ako nga ipakita sa inyo ang usa ka butang. Puede bang hatagan sa ninyo ako og—og dugang nga pipila ka gutlo? Sige, sige.

389 Tan-awa ninyo karon, karon tugoti ninyo nga isulti ko ang usa ka butang. Karon, kamong mga igsoon tipigi kini sa inyohang kaugalingon. Kita n’yo? Karon, tipigi ninyo kini sa inyohang kaugalingon. Kinahanglan kong iklaro kini kaninyo tungod kay kamo’y akong magbalantay. . .kamo’y akong mga pastor ug mga ingon niana, nakita ninyo, ug ako—kinahanglan kong buhaton kini. Ug mga igsoon ko kamo nga nagapamuhat uban kanako sa niini nga Mensahe. Kita n’yo?

390 Karon, sa akong kaugalingon lang, isip usa ka tawo, sama lang ako sa inyo ug mas grabe pa kay sa inyo kung hunahunaon. Ako—ako—ako. . .Daghan sa inyo ang gikan sa Cristohanong mga pamilya ug ingon nianang mga butang. “Ako ang nag-una sa mga makasasala,” sama sa gisulti kaniadto, “sa taliwala ninyo.” Ang pinakaubos nga kinabuhi, siguro, nga mahimong ikinabuhi, ingon nga usa ka dili-magtototoo ug maduhaduhaon, ingon niana ako kaniadto.

391 Pero sukad sa bata pa ako kabalo na ko kaniadto pa nga adunay Dios, ug kabalo ko nga adunay kung unsang nahitabo sa akong kinabuhi. Ug kana’y—kana’y walay duda, igsoon ko. Kita n’yo? Pero tugoti ninyong isulti ko kini, nga adunay moabot—adunay moabot nga usa ka Mensahe, ug adunay moabot nga usa ka mensahero. Nagatoo ako nga kung kini usa ka tawo kini’y—kini’y usa ka tawo nga nagsunod kanako. Kita n’yo? Kini mahimong. . .Pero kini nga Mensahe nga akong ginawali mao ang tinuod nga Mensahe para niining adlaw, ug kini na ang katapusang Mensahe. Nakita n’yo na ang ginabuhat ko, mga igsoon? Ginabutang ko kamong tanan sa parehong puwesto nga nahimutangan ko, tungod kay kabahin kamo niini sama kanako. Mga mensahero kamo niining mao rang Mensahe.

392 Tan-awa ninyo dinhi, aduna ko’y ilustrasyon. Ako—sa hunahuna ko mas mapatin-aw ko kini pinaagi sa usa ka ilustrasyon. Tugoti ninyo nga isira ko lang og diyutay kini nga

pultahan sa kadali. *Kini* mao si Jesus, ug *kana* mao si Jesus; bueno, ibutang ko *kini* dinhi, sa Getsemani, ug *kini dinhi* ug *didto*. Karon, dili mo . . . wala ko gani *kini* gisulti sa atubangan sa iglesia *didto* sa gawas. Karon, hinumdumi ninyo, unsa nga matang sa kahayag (usa ka bitoon) ang nagtultol sa tawo nga nangita og kaalam, “*aron motultol kanamo ngadto sa Imong hingpit nga Kahayag*”?

³⁹³ Karon iklaro nako dinhi sa kadali lang ug isulti sa inyo ang usa ka butang. Tangtangon nato kanang . . . kanang gibutang ni Willie dinha sa itaas, ug ginasulti niya nga husto kini. Ingnon ta na lang nga husto kini. Dili ko masulti kana, mga igsoon. Pagpagarbo man gud kana. Kana, dili ako . . . Bisan kung gitooan ko kini, dili ko gyud *kini* isulti. Kita n’yo? Kung adunay uban nga nagsulti niini, sila kana.

³⁹⁴ Pero, dinhi, sama sa gihangyo mismo sa ako, sa pipila ka kalalaken-an, kung mahimo kono silang magpamatuod mahitungod sa pipila ka butang nga nahitabo. Dili ko gustong moanha sa pulpito ug magpamatuod sa usa ka butang nga nahitabo sa panagtigum. Pasagdan ko ang tigdumala o ang uban pa nga maoy mobuhat niana, o si kinsang uban pa nga gustong magpamatuod. Dili ko gustong buhaton kana.

³⁹⁵ [Nagaingon ang usa ka igsoon, “Bisan sila kaniadto giadtoan si Juan ug miingon, ‘Ikaw ba ang Cristo?’”—Ed.] Oo, ingon gyud niana, *kini* ang gipaningkamotan kong ipunto. [“Ikaw na ba kana nga Propeta?”] Gilimod niya *kini*. [“Wala niya gisulti ang unsa man, ang giingon niya, ‘Ako ang usa lamang nga nagasinggit sa kamingawan.’”] “Ang tingog sa usa nga nagasinggit sa kamingawan.” Gibutang niya sa hustong posisyon ang iyang kaugalingon.

³⁹⁶ [Nagaingon ang usa pa ka igsoon, “Gipangutana nila siya kaniadto kung siya ba kadtong Propeta, ang ingon niya ‘Dili ako.’”—Ed.] Oo. Karon . . . Kay ang Propetang gihisgotan nila mao Kadtong gisulti ni Moises. Kita n’yo, kana ang Propetang gihisgotan nila, kita n’yo. Kita n’yo? Pero kabalo siya kung kinsa siya, kita n’yo. Pero gisulti niya, mismo, nga . . . Gisulti pud niya sa ila, kita n’yo, ug ang ingon niya, “Ako mao ang tingog sa usa . . .” Mao kana kung unsa siya. Iyang—gisulti niya kung unsa siya. Kita n’yo? Pero siya’y usa ka . . .

³⁹⁷ Sige. [Nagaingon ang usa ka igsoon, “Sa dihang miabot na si Cristo, nga nagsunod kang Juan, giadtoan nila Siya, ang ingon nila, ‘Sa una pa gitudloan na kami nga toohan nga moabot una si Elias sa dili pa ang Mesias.’ Miingon kaniadto si Jesus, ‘Kung mahimo ninyong dawaton kini.’”—Ed.] Nga siya kadto. Husto kana. Husto kana. Ug padayon nga ginasulti ni Juan, “Wala gyud ko! Wala gyud ko! Dili gani ako takus bisan sa pagtangtang sa Iyang sandalyas!”

³⁹⁸ Pero unsa man kadtong gisulti ni Jesus mahitungod kaniya? Ingon Niya, “Kinsa ang inyong giadto aron makita?” Oo. Oo. “Miadto ba kamo aron makita ang usa ka bagakay nga ginakusokuso sa hangin? O unsa ang giadto ninyo aron makita, usa ba ka tawo nga adunay matahum nga bisti ug kaluho ug ingon-anang mga butang?” Miingon, “Ang mga ingon niana anaa sa palasyo sa hari. Pero miadto ba kamo aron makita ang usa ka propeta? Ginasulti Ko nga oo, ug labaw pa sa usa ka propeta.” Siya labaw pa gayud sa usa ka propeta, usa siya ka mensahero sa pakigsaad. Ingon niana gayud siya. Siya labaw pa gayud sa usa ka propeta. Ingon Niya, “Wala pa gayu’y usa ka tawo nga gipanganak sa usa ka babaye nga ingon ka halangdon niya hangtud karon.” Tan-awa?

³⁹⁹ Ingon niana gyud kini, kita n’yo, usa siya ka mensahero sa pakigsaad. Siya ang nagpaila ug miingon, “Mao kini Siya.” Ang tanang uban pang mga propeta naghisgot ra *mahitungod* Kaniya, pero gisulti ni Juan “*Mao* kini Siya.” Kita n’yo?

⁴⁰⁰ Karon bantayi. Karon matikdi ninyo. Gisundan kaniadto sa mga lalaking manggialamon ang usa ka bitoon. Balikan ko kini sa medyo ubos nga paagi, kita n’yo. Gisundan sa mga lalaking manggialamon ang usa ka bitoon, nga nagapangutana, “Hain na Siya ang natawo nga Hari sa mga Judio?” Nadungog n’yo na kana nga kanta. “Nakita namo ang Iyang bitoon sa sidlakan ug mianhi kami aron sa pagsimba Kaniya.” Nadungog n’yo na kana, nabasa na kini diha sa Kasulatan. Sige.

⁴⁰¹ “Nagapanguna pakasadpan, padayon nga nagapadulong, giyahi kami paingon sa Imong hingpit nga Kahayag.” Kita n’yo, nagapanguna kadtong bitoon padulong ngadto sa hingpit nga Kahayag, tungod kay ginareplektar lamang sa maong bitoon ang Kahayag. Dinha nato kini gikuha dinhi sa miangon adlaw. Kita n’yo? Pila ba ang ania dinhi niadtong Domingo aron makita kadto? Nakita n’yo, bag-o lang ko nahuman ang pagwali mahitungod niini. Ang Kahimayaang Shekinah nga ginareplektar diha sa bitoon, ug ginareplektar Kini sa bitoon. Ania ang Manulonda sa Ginoo nga nagatindog dinhi sa entablado nga ginareplektar Kini, gikan sa Kahimayaang Shekinah. Eksaktong mao rang butang. Atua kini nga eksakto mismo. Kung tan-awon n’yo dinhi ang usa nga tinuod, kung tan-awon n’yo didto ug ginareplektar Kini dinhi nga ingon niana. Kita n’yo?

⁴⁰² Karon matikdi ninyo kini, karon, misubang kadtong bitoon didto sa sidlakan. Husto ba kana? Usa kadto ka dakung bitoon. Sige. Ug kinsa man ang aktuwal nga yutan-ong bitoon niadtong pag-abot ni Jesus? Aba, si Juan. Siya ang naggiya kanila padulong ngadtong hingpit nga Kahayag. Husto ba kana? Sa sidlakan kadto niadtong unang pagpakita ni Jesus. Ug, karon, daghan kaayong gagmay nga mga bitoon ang miagi sa kalangitan hangtud nga miabot ang bitoon sa kagabhion.

403 Ug nagadan-ag sa gabii ang maong bitoon sa kagabhion. Ang bitoon sa kabuntagon nagadan-ag sa buntag. Ug pareho ang gidak-on sa maong duha ka bitoon ug parehong matang sa bitoon. Karon ipag-uban n'yo ang maong duha ug makuha ninyo kini, kita n'yo. Kita n'yo, mao kana. Busa dili kini . . . Dili Mesias ang bitoon, ginareplektar lang niya ang Mesias.

404 Karon, wala ginareplektar sa bitoon ang kaugalingon niining kahayag. Ang kahayag sa adlaw ang ginareplektar sa bitoon. Husto ba kana? [Nagaingon ang usa ka igsoon, "Dili."—Ed.] Huh? ["Sa ubang bahin. Ang bulan ang maoy nagareplektar; ginareplektar sa mga bitoon ang kaugalingon nilang kahayag."] Oo. Oo, ang bulan, oo, ginarep- . . . Ang buut ko diay ipasabot nga ang bulan ang nagareplektar sa niini nga kahayag. Oo, Uhum. Karon, kung—kung ang ginareplektar sa usa ka bitoon ang iyang kahayag, kung ingon-ana ang kahayag niini kinahanglan maggikan sa . . . maggikan sa Dios, tungod kay usa kini ka glacier sa kung unsang matang. Dili ba? [Nagaingon ang igsoon, "Adlaw."] Huh? Ang adlaw mismo, gikan sa adlaw. ["Ang mga adlaw nga mas halayo kaysa sa atong adlaw."] Oo. Ug sila . . . Ang sulti sa ato nga kadtong mga adlaw naggikan sa daku nga adlaw. Gipabuto sa adlaw kining mga missile ug sila'y mga gagmay'ng nagdilaab nga mga missile nga sama sa adlaw. Busa mga gagmay sila nga mga adlaw sa ato. Husto ba kana? Magagmay'ng kahayag. ["Ang uban . . . kadaghanan kanila mas dagku kaysa sa atong adlaw."] Ang buut kong ipasabot sa *ato*, sa *ato*, kita n'yo. Ang ginahisgotan nato mao ang atong mga kaugalingon mismo dinhi. Sige.

405 Karon, kon mga adlaw sila sa ato, o mga tighatag-og-kahayag, bahin sila sa tinubdang tighatag. Kita n'yo? Ginahatag kanato sa dakung adlaw ang dakung kahayag, ang hingpit nga kahayag. Ang gagmay nga mga adlaw, o ang gagmay nga mga bitoon, nga atong makita sa ilang gidaghanon, mahimong ang kahalayo nila lagpas pa sa—sa adlaw nga nagadan-ag, pero ang ginareplektar nila sa ato maoy mas gagmay nga kahayag. Pero nagapamatuod lamang sila sa usa ka kahayag. Husto ba kana? Dayon sa dihang nagasubang na ang dakung adlaw, nagakawala na kadtong gagmay'ng mga adlaw. Husto ba kana? Dili sila ang—ang adlaw para sa ato, sila'y tigpang-aninag sama sa adlaw. Nakita n'yo ba ang buut kong ipasabot?

406 Karon, ang pinakadaku kanila (sa buntag) nga nagaproklamar sa pag-abot sa adlaw, ang pagsalup sa adlaw ug ang pagsubang sa adlaw, mao ang bitoon sa kabuntagon ug ang bitoon sa kagabhion. Husto ba kana? Duha sa pinakadakung bitoon, ang sidlakan nga bitoon ug ang kasadpan nga bitoon.

407 Karon, nakita n'yo ba kung asa kini karon? Si Elias mao ang mensahero nga magproklamar, magmantala sa pag-abot sa sidlakan nga bitoon, ug gitagna kini nga mao ang mamahimong tigpahibalo mahitungod sa—sa kasadpan nga bitoon, o ang pag-

abot pag-usab sa bag-ong adlaw human nga milabay na kini nga adlaw. Karon nakita n'yo na ba kung unsa kini?

408 Ang sidlakan, “Motungha ang kahayag sa . . .” Kita n'yo, sa dili pa gimantala ang pag-abot sa Adlaw sa yuta, nagpamatuod na ang bitoon sa kabuntagon nga “moabot na ang Adlaw.” Husto ba kana? Kita n'yo, mao kana ang nagapagula sa bitoon sa kabuntagon. Bueno, kung ingon-ana ang bitoon sa kabuntagon ug ang bitoon sa kagabhion pareho ra nga matang sa mga bitoon, ug aduna pud og gagmay nga mga bitoon sa taliwala nila. Wala ba ninyo makita ang buut kong ipasabot? Ang mga mensahero.

409 Bueno, dayon, Siya nga ang panagway ingon nga Alpha ug Omega, ang Sinugdanan ug ang Katapusan, ang Jaspe ug ang batong Sardio. Nakita n'yo ba ang buut kong ipasabot? Karon, ang pag-abot ni—ni Cristo nagakahaduol na, kung ingon-ana ang Mensahe ni Elias kinahanglan maiwali na sa katapusang mga adlaw, kung aduna ma'y pag-utro sa kasaysayan. . . Sama sa pagmantala sa bitoon sa kabuntagon mahitungod sa maong pag-abot kaniadto, ginamantala pud sa bitoon sa kagabhion ang pag-abot sa bag-ong adlaw, laing adlaw. Kini ang pag-abot sa adlaw kaniadto og dayon ginamantala usab niadto ang—ang pagbiya sa—sa adlaw nga nagkaaduna na kita ug ang pag-abot sa usa ka bag-ong adlaw, kita n'yo, usa ka bag-ong kapanahonan, usa ka bag-ong kapanahon nga moabot.

410 Karon, paminawa n'yo: Dayon, kung gihatud ni Juan ang iyang mensahe ug gimantala sa unang pag-abot ni Cristo, ug moabot si Elias sa katapusang adlaw, ang ingon sa propeta, “Sa panahon sa kagabhion motungha ang Kahayag.” Sa laing pagkasulti, magkaadunay og usa ka Kahayag sa panahon sa kagabhion.

411 Ang kahayag sa kagabhion, ang pinakamadan-ag nga kahayag sa kagabhion nga aduna kita mao ang bitoon sa kagabhion, ang pinakahayag nga aduna kita. Bueno, kung ingon-ana, kinahanglan niini nga imantala ang parehong mensahe nga gimantala kaniadto sa niining usa pa nga bitoon. Ang pagmantala kini sa adlaw, nga nagapahinungod sa adlaw.

412 Bueno, karon ania na kita sa panahon sa kagabhion, ania na ang mga Kahayag sa kagabhion. Milabay na kini nga adlaw. Nakita n'yo ang buut kong ipasabot? Kini nga adlaw milabay na, ug magkaaduna na og pagmantala mahitungod sa nagaabot nga bag-ong Adlaw.

413 Kay, kita n'yo, kana sa tinuod. . . Kung ang usa ka tawo didto sa kasadpan molantaw nianang bitoon, mamaatua kini sa sidlakan. Ug dayon, nakita n'yo, “nakita namo ang Iyang bitoon sa sidlakan,” pero sila sa tinuod. . . sila'y—atua sila sa sidlakan nga nagalantaw pakasadpan sa maong bitoon. Husto ba kana? Atua sa kasadpan kadtong mga tawong maalamon. . . atua sa sidlakan nga nagalantaw sa direksyon sa kasadpang

bitoon. Nakita n'yo ang buut kong ipasabot? Pero usa kadto ka sidlakanong bitoon para sa mga atua sa kasadpan.

414 Kita n'yo, sama sa ginasulti nato . . . Kanunay kong ginasulti, “Ang paubos mao’y pataas.” Giunsa mo pagkahibalo nga husto kana? Ania kita nagbitay sa Eternidad, mao nga ang South Pole mahimong anaa sa taas ug ang North Pole mahimong anaa pud sa ubos. Wala kita nakahibalo. Kita n'yo, ang paadto sa taas maoy paubos. Kita n'yo? Kita . . . Pagabiyaan nato kini; pagkahuman niini moadto na kita sa Eternidad. Ginasinggit niini, ginamantala ang pag-abot sa Eternidad, usa ka lahi nga adlaw, usa ka lahi nga panahon, ug nga lahi gyud.

415 Karon ania na kita sa panahon sa kagabhion. Nagatoo kita niana. Nagatoo kita nga haduol na ang pag-abot sa Ginoo. Sige. Karon, kung ingon-ana man, nan siguradong aduna na gyu’y usa ka panggabiing Kahayag. Ug ang pang-gabiing Kahayag, sumala sa Malaquias 4, maoy “magapabalik sa kasingkasing sa mga bata ngadto sa mga amahan,” pabalik sa sinugdanan.

416 Pero kaniadtong miabot siya sa unang higayon, iyang ginapabalik ang kasingkasing sa mga amahan ngadto sa mga bata. Ang mga bata mao kadtong mga gitigum niya sa palibot niya. Dad-on niya mismo ang mga bata . . . ang mga kasingkasing sa mga amahan (ang tigulang, karaang orthodox nga mga amahan) pabalik niadtong kahayag nga iyang ginamantala kaniadto.

417 Pero sa pag-abot niya pag-usab, iyang pabalikon (namatikdan ba ninyo, sa dili pa laglagon ang kalibutan, “ang daku ug makalilisang nga adlaw sa Ginoo”) ug “pabalikon niya ang kasingkasing sa mga bata ngadto sa mga amahan,” ang panggabiing—ang panggabiing bitoon nga pang-buntag nga bitoon pa lang niadtong panahona. Amen.

418 Nanghinaut ako—Nanghinaut ko nga husto ako niini, kita n'yo. Ang bitoon sa kagabhion mao usab ang bitoon sa kabuntagon, tungod kay kini mao ra nga bitoon. Ania kita sa kasadpan, nga nagalantaw sa sidlakan. Atua sila sa sidlakan kaniadto, nga nagalantaw sa kasadpan. Kini’y eksaktong mao ra nga bitoon. Nakita n'yo ang buut kong ipasabot? Nagadepende kini kung asa mo, kita n'yo, kung kini ang sidlakanhon nga bitoon o ang kasadpanon nga bitoon. Nakita n'yo ang buut kong ipasabot? Sige.

419 Karon, nagadala kini . . . ginadala kaniadto ang pagtoo sa mga amahan paingon sa mga bata; sa karong panahon “ang pagtoo na sa mga bata pabalik sa mga amahan.” Mituyok ka lang, ug mituyok ka lang pabalik. Wala ba ninyo makita ang buut ninyong ipasabot? Nakita n'yo ba ang buut kong ipasabot? Ang mao rang bitoon kini sa tanang panahon. Ang mao rang butang, ang mao rang Mensahe, ang mao rang butang nga mibalik pag-usab. Naglibot lang kini.

420 Ug giunsa ninyo pagkahibalo kung asa na nga direksyon kamo padulong? Nagatoo ko nga moabot ang takna nga mahibaloan nila nga wala gyud diay nagatuyok ang kalibutan. Nagatoo ako niana sa tibuok kong kasingkasing. Dili ako nagatoo. . . bisan unsaon man nila pagpamatuod niini sumala sa siyensiya o kung unsa pa. Daghan na gani silang gihimong pagpamatuod sumala sa siyensiya nga kinahanglan nilang bakwion. Gisulti sa Dios nga mihunong ang kalibutan. . . ang adlaw. Ang buot kong ipasabot nga mihunong ang adlaw imbes nga ang kalibutan. Kita n'yo, ang adlaw. Wala gyud ko nagatoo nga ang adlaw. . . ako—ako—dili ako nagatoo nga ginabuhat sa adlaw kung unsa ang ginasulti nilang ginabuhat kono niini. Kabalo ko nga nagalihok ang bulan, ug nagatoo ako nga ang—ang adlaw nagalihok usab. Kita n'yo?

421 Pero ginasulti sa uban kanila, “Gitan-aw sa Dios kaniadto ang kawalay alamag ni Josue, kita n'yo, ug” miingon “Iyang gipahunong ang. . . miingon kini. . .” Bueno, ang ingon niya, “Iyang gipahunong ang kalibutan.”

422 Miingon ko, “Dayon ang sulti mo sa ako, ‘Kung ang—kung mohunong man ang kalibutan, molupad kini nga mora’g kometa sa kawanangan.’ Kita n'yo?” Miingon ko, “Dayon, unsay nahitabo kung ingon-ana?”

423 Kaistorya nako si Mr. Thiess dinhi, kadtong magtutudlo sa Biblia sa sekundarya; kabalo na mo kung kinsa siya, pero gisulti niya kadto. Miingon ko, “Nagatoo ako sa gisulti sa Biblia, nga mihunong ang kalibutan. . .” Miingon ko, “Buot kong ipasabot, ‘ang *adlaw* mihunong.’ Ang ingon ni Josue sa adlaw, ‘Humunong ka!’ ug mihunong kini didto.”

424 Ingon niya, “Bueno, gipahunong lang Niya ang kalibutan, nakita man gud Niya ang kawalay alamag ni Josue.”

Miingon ko, “Ingon niana pud ang ginabuhat mo pinaagi sa imong salabutan, kung ingon-ana.” Kita n'yo?

425 [Nagaingon ang usa ka igsoon, “Nagatoo ko nga mahimo nilang pamatud-an sumala sa siyensiya kung unsa kadugay nga—nga mihunong ang adlaw.”—Ed.] Oo, ila kaniadtong. . . Nadungog ko na kana, usab. Oo, ginaangkon nila. . . Nadungog ko ang usa ka astrologo dinhi bag-o lang nga nagsulti mahitungod niana, nga mahimo kono nilang pamatud-an kini. Ug sa samang higayon nga ilang. . . adunay butang nga nahitabo sa atmospera nga makita kono nila kon diin aduna kono’y nahitabo sa Langit ug giablihan niini ang Dagat nga Mapula niadtong taknaa mismo. Tanan kadto napamatud-an kono nila. Bueno, grabe, isulti ko sa inyo, mga bitoon kono kadto nga gikan sa halayo kaayong dapit ang maoy nagpahinungdan niadtong butanga niadtong taknaa. Pero, sobra na kaayo kana ka lalum para sa ato.

426 Busa, karon, ang hinungdan nga kini nga Mensahe... kinahanglan tan-awon kini nga Mensahe sa ingon niini nga paagi, para mapamatud-an nga kini mao gyud. Karon, kabalo kita, mga igsoon, nga ang tawo dili mahimong Dios. Ang tawo, bisan pa usa siya ka gamay'ng dios, ang matag usa sa inyo dios. Gibuhat kamo para mamahimong dios, pero dili samtang kamo ania pa niining kinabuhia. Kita n'yo? Si Jesus usa ka tawo nga sama nato, pero ang Dios anaa Kaniya. Ang kahupnganan sa Dios anaa Kaniya; aduna kanato ang Espiritu sa usa ka sukod.

427 Pero tungod kay miabot kini nga Kahayag, ug kung Kini ang tinuod nga Kahayag nga maoy magmantala sa Mensahe nga gimantala ni Juan Bautista kaniadto, maingon sa gisulti ni Jesus nga gibuhat niini didto sa suba... Ug tan-awa n'yo, unsaon man niini—unsaon man niini nga mamahimong ubang butang? Tan-awa ninyo ako, kita n'yo, wala gyu'y bisan man lang og edukasyon sa gramatika. Sa dihang gisulti Niya kanako ang mga butang nga mahitabo, wala gyu'y ni usa niini ang napakyas. Bisana usa niini wala gyud napakyas. Tan-awa ninyo ang gibuhat Niya. Tan-awa ninyo, aduna pa gani Siya'y...

428 Ug gisulti ko sa mga kaisogon, daghang mga tuig na ang milabay, wala ko kahibalo kung kinsa kaha ang pinakatigulang kanamo, pero gisulti ko sa ila ang mahitungod niining mga butanga, mahitungod sa pagkakita ko niining Kahayag ug kung unsay kolor Kini, ug tanan na. Karon ginapakita sa retrato nga tinuod gyud kini. Ang tanan niining nagkalainlaing mga butang napamatud-an gyud nga kamatuoran. Husto ba kana? Bueno, kung ingon-ana, kung tinuod kana... Ug kini mao ang Kahayag.

429 Karon, sugdan nato sa upat... [Blangko nga bahin sa teyp—Ed.]... sa ibabaw nianang ika-35 nga bersekulo dinha, o ang buut kong ipasabot ang... Magsugod ta sa ika-14 nga bersekulo, igsoon. Kinsa ang nakaabli niini? Sige. Sugdi dinha sa ika-14 nga bersekulo sa ika-3 nga kapitulo sa San Lucas. [Ginabasa sa usa ka igsoon ang Lucas 3:14-16.]

[Ug nangutana usab siya sa mga sundalo, nga nagaingon: Ug unsa ang among pagabuhaton? Ug siya miingon kanila, Dili kamo mang-agaw sa linugsanay kang bisan kinsa, ni magbutangbutang kang bisan kinsa sa bakak; ug magpahuyon lamang kamo sa inyong mga suhol.]

[Ug samtang ang mga tawo nagpaabot, ug nagatulotimbang ang tanan sa sulod sa ilang kasingkasing mahitungod kang Juan, kung siya mao ba kaha ang Cristo, o dili;]

[Mitubag si Juan, nga nagaingon ngadto kanilang tanan, Ako sa pagkatinuod nagabautismo kaninyo sa tubig; apan moabut ang usa nga labi pang kusgan kay kanako, ug dili ako takus sa pagtangtang sa higot

sa iyang mga sapin: siya magabautismo kaninyo sa Espiritu Santo ug sa kalayo:]

430 Sige. Unsa man kini? Nanagpaabot ang mga tawo kaniadto nga magpakita na ang Mesias, sa dihang nakita nila kadtong dakung dinihogan nga ministerio, sa usa ka lalaki nga mitungha gikan sa kamingawan ug nagpahigayon sa iyang buluhaton ug nagabalik didto sa kamingawan, daghang mga tawo, nga iyang kaugalingon nga mga sumusunod, ang nagsulti, “Siya mao ang Mesias.” Ginapaabot gyud nila kadto, kita n’yo.

431 Dayon kung mao kadto ang tinuod nga Mensahe sa Dios nga nag-una sa maong Pag-abot, ang mensahe ni Juan Bautista, ang parehong . . . sama sa mao ra nga butang, ang Mensahe ni Elias, kinahanglan nga hunahunaon kini sa pareho ra nga paagi. Kita n’yo? Busa ginatubag niana ang maong pangutana, sa tan-aw ko, sa eksakto gayud. Kita n’yo? Kinahanglan hunahunaon kini sa samang paagi. Kita n’yo?

432 [Nagapangutana ang usa ka igsoon, “Aduna ba’y unsa mang butang nga obligado kami nga buhaton aron mapaningkamotan namong tabangan ang si kinsa man nga—nga mapaingon sa usa—sa usa ka panagbangi nga ingon niana? O unsa ba ang mahimo namong buhaton?”—Ed.] Wala mo’y buhaton, ni unsa man nga mahimo n’yong buhaton. [“Usa ka dautan nga pagpanghunahuna . . . Mahimo ba kana mahulog ngadto sa dautan nga pagpanghunahuna?”] Bueno, mahulog kana sa usa ka dautan nga pagpanghunahuna kung moabot kini sa ingon niini: kung ang maong tawo, nga ginahisgotan dinhi, magapahayag nga siya ang Mesias, nan mahibaloan nato nga siya usa ka mini nga cristo. Kita n’yo?

433 Kita n’yo, basta ang maong tawo mismo nagpabilin sa iyang posisyon, nakita n’yo. Sama sa gisulti nila kang Juan, wala si Juan . . . Walay ginasulti dinha nga aduna siya’y gisulti nga unsa man mahitungod kanila. Sila kadtong—sila kadtong—kadtong mga tawo, kadtong—kadtong makapahimuot nga mga Cristohanon . . . o ang mga magtotoo nga nagatoo kaniadto kang Juan.

434 Ingon nila, “Kining tawhana tinuod nga propeta sa Dios, wala gyu’y duda.” Miingon sila, “Di ba—di ba—di ba—di ba—dili ba ikaw kana nga Propeta?”

Ingon niya, “Dili.”

435 Ingon niya, “Aba, di ba—di ba—di ba ikaw ang Mesias?” Kita n’yo, ilang—abi nila og siya na gyud. Kita n’yo?

Ingon niya, “Dili.” Kita n’yo?

“Di ba—di ba—di ba ikaw man? Kinsa—kinsa man diay ka?”

Ingon niya, “Ako ang tingog nga nagasinggit sa kamingawan.”

436 Ug dayon gisulti sa Biblia, “Ang mga tawo kaniadto napailalum sa maong pagpaabot.” Kinsa man kadto? Iya kadtong mga tigpaminaw, mga nagapaminaw kaniya, mga sumusunod niya, mga kaigsoonan niya. Kita n’yo? Karon, dili nila gusto nga pasakitan siya, wala nila gisulayan nga pasakitan siya. Pero, kita n’yo, ilang—sa ilang hunahuna sa pagkatinuod sulod sa ilang mga kasingkasing nga siya mao ang Mesias.

437 Bueno, karon, kinahanglan mahitabo pag-usab ang kasaysayan sa matag higayon niini. Kabalo kita niana. Kinahanglan nga mahitabo pag-usab kini.

438 Sama sa kung tan-awon n’yo dinha sa Mateo 3, ang sulti niini, “Aron matuman, ang giingon sa manalagna, ‘Gikan sa Egipto gitawag ko ang akong anak.’” Karon, dili kana . . . Si Jesus ang ginahisgotan niini, ang Anak; pero kung inyong tan-awon ang ginapahinungod niana; si Jacob kadto, nga anak, usab. Kita n’yo? Kita n’yo? Kining tanan adunay dobleng kahulogan.

439 Busa karon kung kana . . . kung—kung wala mitungha kana nga butang, mosulti ko sa gihapon nga motungha gyud kini sa umalabot, tungod kay kabalo ko nga naggikan sa Dios kini nga Mensahe ug kini ang mag-una kang Cristo, ug kini mao ang Espiritu ug ang gahum ni Elias tungod kay kini mao ang magpasig-uli sa mga kasingkasing sa mga bata. Ang tanan eksaktong nagapanghimatuod niini, busa siguradong paingon na kini sa usa ka butang nga mamahimong sama na nianang tinuod nga mga tawo, nga—nga hingpit nga nagatoo ug mga igsoon mo ug mga higala.

440 Karon, aduna ako . . . Aduna ako’y doktor dinhi mismo sa lungsod. Masulti ko sa inyo ang mahitungod sa usa ka doktor . . . Dili ko isulti sa inyo kung kinsa siya, usa ka higala nako nga moagbay kanako, ug moingon, “Billy, masayon gyud para sa ako nga isulti sa imo, ‘ikaw ang Mesias sa Dios sa katapusang adlaw.’” Kita n’yo?

Miingon ko, “Dok, ayaw kana isulti.”

441 Ingon niya, “Bueno, wala ko’y nakitang tawo sa kalibutan nga nagkaaduna og usa ka butang ug nagasulti sa mga butang ug nagabuhat sa mga butang nga ginabuhat mo, Billy.” Nakatabang kini kaniya og daku, kita n’yo. Ingon niya, “Nagatambong ako sa niini nga mga simbahan ug makita kining mga magwawali ug ingon-anang mga butang,” ingon niya, “lahi gyud ka sa ila ug kabalo ko nga wala ka’y edukasyon.” Kita n’yo? “Ug kabalo ko nga dili ka usa ka sikolohista, tungod kay ikaw . . . dili buhaton sa sikolohiya ang ingon nianang mga butang.” Kita n’yo?

Ug miingon ako, “Tinuod kana, Dok.”

442 Dili na siya kinahanglan nga istoryahon tungod kay wala siya’y kahibalo, dili ka makahimo’g unang tikang sa iya, kita n’yo, tungod kay wala siya kahibalo kung unsa ang buhaton. Apan mao kana, nakita n’yo.

443 Aduna ko'y kaila nga usa ka itum nga babaye nga nagpuyo didto sa dalan unahan lang nako, ug nagatrabaho siya sa usa ka lalaki nga kaila ko, ug nanawag ang asawa sa niining lalaki, miingon, "Kana nga babaye walay duhaduha gyud nga magsimba sa imo nga mora ka na og dios, kay mamatay na siya niadto tungod sa kanser ug gipandongan mo kono sa imong mga kamot ang maong babaye ug ang sulti nga siya. . ." Kining babaye nga iyang ginatrabahoan, ang bana niini ug kining usa ka doktor (dili ang doktor nga akong gihisgotan kaganina, laing doktor kini) magkauban nga nagadula og golf ug ingon-anang mga butang, ug gibalibaran na sa doktor ang maong babaye. Ug katabang kadto didto sa balay sa higala niya, ug gibalibaran na niya kini para mamatay, ug ania kini nga hingpit nang giayo. Ug ang doktor wala ni unsa man nga timailhan, sa kanser. Ug, kita n'yo, moingon siya. . .

444 Bueno, dili ingon niana ang buut nilang ipasabot niini nga sama sa gihunahuna kong pagkasulti nila niini o pagkasabot nato niini. Kita n'yo? Ang buut nilang ipasabot nga ilang—ilang. . . Ang buut nilang ipasabot nga nagatoo sila nga nag-uban kanato ang Dios, ania sulod kanato, nagapamuhat pinaagi kanato; dili ingon nga Dios ang usa ka indibiduwal mao, nakita n'yo. Karon, kabalo sila kaniadto nga tawo lang si Juan.

445 Ug usa lang pud ka tawo si Jesus. Usa lamang ka tawo si Jesus, gipakatawo lamang Siya sa usa ka babaye, nga kinahanglan mamatay. Husto ba kana? Usa Siya ka tawo, nga kinahanglan mokaon ug moinom, ug nagutom, naghilak, ug giuhaw, ug tanan na, kapareho mo lamang nga tawo, kapareho nako ingon nga tawo. Pero ang Espiritu sa Dios anaa Kaniya sa kahupnganan, sa walay sukod. Siya'y makagagahum-sa-tanan.

446 Diin, si Elijah usa ka bahin lamang nianang Espiritu; mahimong dinihogan og medyo mas labaw kaysa iyang mga igsoon, pero usa lamang siya ka bahin sa Espiritu. Pero ang gipangita sa mga tawo mao ang Mesias. Ug nakita nila kini nga bahin nga mas labaw sa ilang mga igsoon, ang ingon nila, "Oh, grabe, Siya na siguro kini!"

447 Pero sa dihang nagsugod na nga magdan-ag Siya, napalung pud ang suga ni Juan. Kita n'yo?

448 Ug mapalong kining gagmay nga mga suga pagmoabot na Siya, ang halangdon nga dinihogang Cristo sa Langit nga nagaabot gikan sa sidlakan padulong ngadto sa kasadpan. Ug ang. . . ug. . . Kita n'yo? Pero dili pa Siya motungtong sa yuta karon, ang Mesias dili pa motungtong sa yuta gawas kung mosulod na ang Milenyum. Kita n'yo? Kita n'yo? Tungod kay ang Iglesia, "pagasakgawon kita nga dungan aron sa pagtagbo sa Ginoo sa kahanginan." Dili pa Siya motungtong sa yuta. Pagasakgawon lang Niya ang Iyang Pangasaw-onon.

449 Mokuha Siya og usa ka hagdan, kabalo na mo, sama... Unsa gani kadtong salida, Leo, kon diin gisandig niadtong lalaki kadtong hagdan sa kilid sa balay? Romeo ug Juliet. Husto kana, gibutang niya kadtong hagdan ug gikuha palayo ang pangasaw-onon niya.

450 Karon mokanaug Siya sa hagdan ni Jacob, ug moingon, “Psst, Sweetheart, ari ka na.” Kita n’yo, mokayab kita aron tagboon Siya.

451 [Nagapangutana ang usa ka igsoon, “Igsoong Branham, husto ba kini kung ingon niana? Nangadto kini nga mga tawo kang Juan Bautista ug gusto nilang tawgon siya nga Mesias. Ug nadungog ta ka usa ka higayon nga nagsulti ka nga gihunahuna sa Judio nga ang Mesias Dios.”—Ed.] Unsa to? [“Ang ingon ko, nangadto kini nga mga tawo kang Juan Bautista, sa paghunahuna nga siya mao ang Mesias, ang Cristo. Nadungog ko ikaw usa ka higayon nga nagsulti ka nga ang Mesias Dios, para sa mga Judio.”] Oo, sir. Husto kana, ang “rabbi kadto.”

452 [Nagaingon ang usa ka igsoon, “Bueno, gibadlong man sila ni Juan, nga nagasulti nga siya’y ‘dili,’ nga moabota’y pa lang ang Cristo.”—Ed.] Husto kana. [“Pero dili ba tinuod man nga gitawag si Jesus sa mga tinun-an kaniadto nga ‘Ginoo’? Ug giuyonan kadto ni Jesus, nga nagaingon, ‘Ginatawag ninyo Akong “Ginoo,” ug ingon niana man Ako.”] Oo. [“Sa—sa Juan 13, diin Iyang gihugasan...?...”] Oo, dawaton gyud Niya kini. [“Ingon nga Ginoo, oo, gisulti Niya mismo kini.”] Gisulti Niya mismo kini. [“Gidawat niya kini.”] Uh-huh. Pero, kita n’yo, si Jesus ingon nga *Ginoo*, sa dihang gipangutana Siya kung Siya ba, Ingon niya, “Oo, sir. Ako ang inyong Ginoo ug Magtutudlo. Ginatawag ninyo Ako nga ingon niana, ug maayo ang ginasulti ninyo, kay ingon niana man Ako.” Pero... [“Pero wala gyu’y laing uban pa, nga ingon niana...”] nga makasulti niana. Wala.

453 Sama pananglitan... Kung adunay magsulti nga ako usa ka dios, bueno, tugoti n’yong isulti ko sa inyo sa Ngalan ni Ginoong Jesus nga “Sayup kana!” Kita n’yo? Ako usa ra ka makasasala nga naluwag pinaagi sa grasya, nga adunay Mensahe *gikan* sa Dios. Kita n’yo? Kita n’yo?

124. Kinahanglan ba o dili kinahanglan nga atimanon sa lokal nga iglesia ang iyahang miyembro, ingon nga iyang—iyang lokal (kaugalingon) nga mga responsibilidad sa dili pa niya atimanon ang panginahanglan sa kadtong mga atua sa ubang lugar? Pero, pagkahuman nga siya... ang iyang... Pagkahuman niyang matagbo ang mga panginahanglan niya, hisabuy ba sa Kasulatan para sa usa ka lokal nga iglesia nga motabang sa buluhaton pang-misyon kutob sa iyang mahimo?

454 Oo. Husto. Nagasugod man sa panimalay ang pagtabang ngadto sa uban, nakita n’yo. Atong—atong—ato unang

ginaatiman ang kaugalingon natong mga panginahanglan dinhi, tungod kinahanglan natong. . . kini ang iglesia sa Dios, o sa kanunay, ang inyong gamay'ng iglesia, ang iglesia sa Dios. Karon, kung dili man gani ninyo mabayran ang inyong pastor, dili man gani kamo makapahimo og mga songbook ug ingon-anang mga butang, dili ninyo kini angay ipadala sa ubang lugar. Kita n'yo? Pero kung human na ninyo nabayaran ang inyong simbahan, ug tanan na, nabayaran n'yo na tanan ang mga utang ug unsa pa, naayo na ug andam na ug puede nang mopadayon, ayha ninyo tabangan kadtong ubang igsoon nga nanginahanglan og diyutay'ng tabang sa ubang lugar, nakita n'yo. Pagkuha og gamay'ng. . .

⁴⁵⁵ Nagtoo ko, samtang. . . kung nagabayad pa mo para sa inyong simbahan magbutang pud ko og gamay'ng pundo sa kung asa man para sa mga missionary offering kung gibati sa mga tawo nga gusto nilang maghatag para sa mga pagmisyon. Tungod kay daghang mga tawo ang maghatag sa mga pagmisyon pag dili sila mohatag sa ila mismong mga simbahan ug ingon-anang mga butang. Busa kung dili nila ihatag kini sa mga pagmisyon, ilang gastuhon kini para sa ubang butang. Busa moingon ko nga magbutang lang kita dinha og gamay'ng kahon para sa pagmisyon, ug akong. . . Ingon niana ang gipaningkamotan natong buhaton.

125. Lucas 1:17, palihog isaysay ang pag-abot ni Juan diha sa “espiritu ni Elias.”

⁴⁵⁶ Bueno, sa tan-aw ko bag-o lang nato nahisgotan kana sa Lucas—Lucas 1:17, uh-huh, ang pag-abot niya sa “espiritu ni Elias.”

⁴⁵⁷ [Nagapangutana ang usa ka igsoon, “Dinha ba nakuha sa mga reincarnacionista ang ilang doktrina?”—Ed.] Unsa to? [“Dinha ba gisugdan sa mga tawong nagatoo sa reincarnacion ang ilang teorya?”] Siguro. [“Kita n'yo, nagatoo sila nga mibalik siya sa. . . .”] Oo. [“. . . mibalik siya sa ubang lawas] Oo, kita n'yo, tinuod nga ang espiritu dili mamatay. Tinuod na. Ginakuha sa Dios ang Iyang tawo apan dili ang Iyang Espiritu. [“Ingon nila, ‘Kung nagbinuotan ka kaniadto mobalik ka ingon nga—ingon nga usa ka buutan nga tawo.’”] Oo. Oo. [“‘Kung dautan ka mahimo kang mobalik ingon nga usa ka iro.’”] Oo, aduna sila. . . Oo.

⁴⁵⁸ Bueno, karon, sama didto—sa—didto sa India, didto kini sa pundok sa mga kalalaken-an kon diin nasaksihan namo ang sama niini, ug sa ilang—ilang pagtrapo sa salog; mag-amping gyud sila kay basin kono matumban nila ang gagmay'ng mga lamigas o kung unsa, tungod nga basin si kung kinsang paryente kini o kung unsa. Nakita n'yo, ayaw gyud nila kini buhaton. Pero, nakita n'yo, kana—pagano kana. Kita n'yo? Pagano kana. Tinuod na.

126. Gisulti ni Pablo sa . . . Gisulti ni Pablo nga “Paninguhaa ninyo pag-ayo ang labing dagkung hiyas, ug labut pa niini ipakita ko kaninyo ang labing maayo nga paagi.” Palihog isaysay ang “labing maayo nga paagi” kung unsa kini.

⁴⁵⁹ Gugma, Unang Mga Taga-Corinto 13, kita n’yo. “Paninguhaa . . .” Basaha ang Unang . . . Karon basaha ang Unang Mga Taga-Corinto 13, igsoon. Unang Mga Taga-Corinto, ika-13 nga kapitulo, ug karon basaha lang ang ulahing tulo o upat ka mga bersekulo niini. Unang Mga Taga-Corinto 13, ulahing . . . mahitungod sa ulahing tulo ka mga bersekulo sa kapitulo—sa kapitu- . . . [Ginabasa sa usa ka igsoong lalaki ang Unang Mga Taga-Corinto 13:11-13—Ed.]

[Sa bata pa ako, nagsulti ako nga daw bata, mibati ako nga daw bata, nagpanghunahuna ako nga daw bata: apan karon nga daku na ako nga tawo, gibiyaan ko ang mga butang binata.]

[Kay sa karon nagatan-aw kita sa kangitngit pinaagi sa salamin; apan unya sa nawong og nawong: karon bahin lamang ang naila ko; apan unya ako makaila sama kanako . . . ako usab nailhan pag-ayo.]

[Ug karon magapabilin ang pagtoo, ang paglaum, ang gugma, kining tulo; apan ang labing daku niini mao ang gugma.]

Uh-huh, gugma, kita n’yo?

127. Unsaon pagkondena sa usa ka igsoong lalaki nga ang kahuyang mao ang pag-angkon og usa ka posisyon sulod sa iglesia nga wala man siya’y gihangyo nga buhaton kini?

Oh, agoy! Bueno, antuson n’yo na lang siya, tingali. Kita n’yo?

Unsaon man pagkondena sa usa ka igsoon . . . (Dili siya angay kondenahon!) . . . nga ang—nga ang kahuyang niini mao ang pag-angkon og usa ka posisyon sulod sa iglesia nga wala man siya gihangyo nga buhaton kini?

⁴⁶⁰ Pananglitan, kung gusto niya nga—nga mahimong usa ka diakono. Kita n’yo? Ug wala man siya gihangyo nga magdiakono, pero bisan pa niana gusto niyang mamahimong diakono, kita n’yo. Bueno, kung ingon niana ang usa ka tawo, kabalo na mo nga aduna gyu’y sa kung unsang diyutay’ng butang, kabalo na mo, pagkahuyang sa kung asa, aduna gyud, ug busa medyo trataron ko na lang siya nga adunay gugma.

⁴⁶¹ Ug, siyempre, ayaw mo pud—pud buhaton ang usa ka butang nga sama niana gawas kung nasayod gyud ka. Ibutang n’yo ang labing maayo nga tawo nga mahimo ninyong ibutang sa inyong hunta, nakita n’yo, ingon niana. Igsoon, ayaw gayud magbutang dinha nga . . . Pamatud-i ninyo usá kanang tawhana, una. Mas daghang responsibilidad ang usa ka diakono kaysa

pastor. Kinahanglan nga walay ikasaway kaniya, ang usa ka diakono. Kita n'yo?

128. Sa usa ka panerbisyo sa komunyong, miduol ang usa ka lalaki sa altar aron mag-ampo. Nagatindog niadto si Igsoong Branham sa likod sa—sa mga elemento sa komunyong samtang ginapang-apod-apod kini, ingon niya nga iyang “dili mabiyaan ang maong mga elemento para ubanan sa pag-ampo kadtong lalaki sa may altar.” Palihog isaysay kini.

⁴⁶² Gipaadto man nako ang akong kaabag, nakita n'yo, si Igsoong Neville. Nadumdoman ko kadtong gabii sa dihang nahitabo kini. Kinahanglan kong magpabilin niadtong lamesa sa komunyong, kita n'yo, bisan pa kung. . . Tan-awa ninyo dinhi. Karon, wala na akong panahon nga hisgotan kini. Sa nangutana niini nga nagalingkod dinhi karon, siyempre. Ania kung unsa kini, igsoon. Sa dihang—sa dihang nagapahigayon kamo og komunyong, kana'y usa ka pagrepresentar sa lawas ni Jesus Cristo. Mahimong kini'y. . . Kinahanglan ginabantayan Kini sa tanang oras.

⁴⁶³ Tan-awa ninyo, sa dihang gisulti ni Elias kang—kang Gehazi, “Kuhaa ang akong sungkod” (gipanalanginan na niya ang maong sungkod), ingon niya, “padayon ka sa pag-adto. Ug kung aduna ma'y makigsulti kanimo, ayaw tubaga. Kung aduna ma'y mangumusta kanimo, ayaw pangumustaha. Padayon lang, ug ipatong kanang sungkod sa bata.” Husto ba kana? “Pagpabilin uban niana nga sungkod!” Kita n'yo? Ug ingon niana ang akong gibuhat.

⁴⁶⁴ Karon, kung walay kaabag nga pastor dinhi, nga nagatindog niadtong panahona. . . Nahuman ko na niadto ang pagwali. Nadumdoman nako kung kanus-a kadto. Ug ako. . . kung sila. . . kung wala si Igsoong Neville nga nagatindog didto, o kung kinsa man para motabang niadtong lalaki didto sa altar. . . Bag-o lang ako nahuman sa pagwali, busa nagatindog na ako sa lamesa sa komunyong. Ug sa diha nga andam na silang modawat sa komunyong, ug ako kasamtangang atua na sa—sa pagpanghatag sa komunyong. Nagatindog lang man si Igsoong Neville sa tupad, ug ako pud nagadumala na sa komunyong. Karon, nagatindog didto si Igsoong Neville.

⁴⁶⁵ Unsa kaha kung pagduol nila sa altar ug anaa pa sa pagwali si Igsoong Neville, ug nagawali pa siya? Ako mismo ang moadto sa altar ubanan kadtong lalaki, kung mitindog man siya sa panagtigum samtang nagawali pa si Igsoong Neville, aron moadto sa altar. Nakita nako ang akong igsoon nga. . . nga anaa pa kaniya ang pagdihog sa Espiritu. Nagaministerio siya. Usa siya ka ministro nga anaa sa. . . nga nagapamuhat sa iyang katungdanan, usa ka ministro nga kasamtangang anaa sa linya sa katungdanan.

⁴⁶⁶ Ug dili ninyo pasagdan ang mga tawo nga magsulti'g ubang mga pinulongan, mobalda, o unsa man, sa usa ka ministro nga anaa nagpahigayon sa iyang katungdanan. Bisan pa, kung nakigsulti ang Balaang Espiritu sa kang kinsa man ug modagan sila ngadto sa altar aron maluwas, tugoti sa gihapon ang ministro nga magpadayon sa iyang pagtuman sa iyang katungdanan; kinahanglan ang pastor, ang diakono, kaabag-sa-buluhaton, kung adunay kaabag-sa-buluhaton o bisan kinsa nga ministro, kinahanglan siya na ang mag-adto sa maong tawo sa gilayon. Ug ayaw gyud samoka ang ministro nga anaa nagpahigayon sa iyang katungdanan. Kita n'yo?

⁴⁶⁷ Ug nagatindog ako niadtong panahona luyo sa lamesa samtang nagatuman sa akong katungdanan, nagapahigayon og komunyon. Ug ang akong kaabag-sa-buluhaton, si Igsoong Neville, nagatindog niadto tupad nako. Ug miduol ang usa ka tawo padulong ngadto sa altar, miingon ko, "Sige, adtoi siya, Igsoong Neville." Ug giadtoan siya ni Igsoong Neville. Kana ang hinungdan nga wala ako moadto.

⁴⁶⁸ Karon, siguro kung walay kaabag-sa-buluhaton niadtong panahona, o walay uban nga puedeng makaadto sa maong lalaki, Siguradong gibiyaan ko usá kadto ug gihunong ang komunyon, ug miadto didto ug—ug gisigurado nga maluwas ang maong kalag. Nakita n'yo? Pero ingon nga aduna ma'y puedeng ipaadto, nabira na unta ako pagawas sa pagtuman sa akong katungdanan, nakita n'yo, kon diin nagpahigayon ako sa komunyon.

129. Unsa ba ang puedeng buhaton sa usa ka tawo . . . Unsa ba ang puedeng buhaton sa usa ka tawo ingon nga usa ka personal nga mamumuo sa pagtabang sa usa ka tawo nga nangandoy sa Espiritu Santo, ug nakasubay gihapon sa Kasulatan?

⁴⁶⁹ Bueno. Basta ipadayon mo lang nga ikutlo sa iya ang Pulong, kana ang pinakamaayong butang nga buhaton. Anaa sa Pulong ang Kahayag. Ingon mo lang, "Igsoon, gisaad Kini ni Jesus. Hinumdoman mo, saad Niya kini."

⁴⁷⁰ Dili mo siya uyog-uyogon, pugson, o ipabalhin-balhin sa kung asa, o kung unsa pa. Ayaw gyud sulayi nga—nga . . . dili, ayaw ipugos nga ihatag Kini sa iya, tungod kay dili mo kini mahimo. Kita n'yo? Kita n'yo? Inyong . . . Ang Dios ang maghatag Niini kaniya. Balik-balikon mo lang nga ikutlo ang mga saad. Kita n'yo? Padayon lang sa pagtindog dinha nga ginakutlo ang saad. "Dios sa Langit, nagapangamuyo ako para sa akong igsoon. Ang saad Mo maoy nga ihatag Mo sa iya ang Balaang Espiritu."

⁴⁷¹ Dayon kung naningkamot ka nga dasigon siya . . . Ginasulti niya, "Oh, igsoon, pastor, igsoon," kung kinsa man ang anaa sa tupad niya, "Ako—gusto ko ang Balaang Espiritu."

472 “Igsoon, Kini’y usa ka saad. Ang Dios ang nagsaad. Nagatoo ka ba nga Siya misaad? Karon, ayaw pagduhaduha Niini. Kung gitoohan mo ang saad, moabot sa imo ang Balaang Espiritu sa bisan unsang orasa karon. Paabota Kini. Basta itugyan mo ang tanan nga anaa sa imo ngadto Kaniya, ug ingna, ‘Ginoo, nagatindog ako sa Imong saad.’”

473 Karon, ipadayon lang ang pagkutlo. Karon, buhaton mo nga ang imong—imong—imong—imong tawong ginatabangan, kita n’yo, mapasurender mo siya. . . Ipadayon mo lang ang pagkutlo. Isulti mo karon, “Isulti mo sa Dios. Karon, naghinulsol ka na ba?”

“Oo.”

474 “Karon isulti mo, ‘Ginoo, gisulti Mo nga kung maghinulsol ako matinud-anon Ka para pasayloon ako. Ang ingon Mo nga kung maghinulsol ako ug magpabautismo sa Ngalan ni Jesus Cristo alang sa kapasayloan sa akong mga sala, madawat ko ang Espiritu Santo. Karon, Ginoo, gibuhat ko na kana. Gibuhat ko na kana, Ginoo. Gibuhat ko na kini. Nagpaabot ako, Ginoo. Gisaad Mo man kini.’”

475 Kita n’yo, ingon niana ang paagi, basta ipadayon mo lang nga dasigon siya. Mapabilin siya diha mismo sa Pulong. Kung moabot man Kini moabot gyud Kini pagkahuman.

130. Okey lang ba para sa usa ka magwawali o ni kinsa man nga Cristohanon nga dili motoo sa . . . Dili: Okey lang ba para sa usa ka magwawali o ni kinsa man nga Cristohanon nga dili motoo sa Eternal nga kasiguradohan?

476 Karon, tan-awon nato. Mahunahuna ko ang “. . . ginabuhat. . .” Tan-awon mo nga kung ang pagkabasa mo niini pareho ra sa pagkabasa ko. Basaha kini. [Ginabasa sa usa ka igsoon ang pangutana, “Okey ra ba para sa usa ka magwawali o ni kinsa man nga Cristohanon nga wala nagatoo sa Eternal nga kasiguradohan?”—Ed.]

Abi ko husto ang pagkabasa ko niana. Karon, bueno, akong. . .

Okey ra ba para sa usa ka magwawali nga dili motoo sa Eternal nga kasiguradohan?

477 Motoo ko nga kanang magwawali nagbuhat og. . . kung wala siya’y nahibaloan og unsa man mahitungod sa Eternal nga kasiguradohan. Pero kung nahibalo siya niini ug nahibaloan niya nga Kamatuoran kini, ug dayon dili niya Kini iwali, kinahanglan nga maulaw siya sa iyang kaugalingon; husto kana, o si bisan kinsa man nga Cristohanon. Bueno, ang Cristohanon, karon, ang akong isulti ngadto sa—sa Cristohanon nga wala pa kaayo makasabot niana. . .

478 [Nagapangutana ang usa ka igsoon, “Dili kana usa ka bukas nga doktrina, di ba, Igsoong Branham, para iwali ngadto sa

mga tawo nga wala pa sukad . . .?”—Ed.] Dili, dili, dili. Bueno, padulong na ako niana. Oo. Kita n’yo? Kita n’yo?

⁴⁷⁹ Karon, nadumdoman n’yo ba ang gisulti ko niadtong miaging Dominggo? Kung ikaw usa ka magwawali, ikuha mo ang imong kaugalingon og usa ka pulpito. Kung dili man, ikinabuhi mo ang imong wali. Kita n’yo, ingon niana ang pinakamaayong paagi para buhaton kana, ikinabuhi mo ang imong wali. Kung usa ikaw ka magwawali, pagkuha og usa ka pulpito, kita n’yo, ug magwali ka. Kung dili man, ikinabuhi lang ang imong wali, himoa nga ang imong kinabuhi mao ang imong pulpito. Kita n’yo? Sa tan-aw ko sulbaron niana ang daghang butang, dili ba? Kita n’yo? Kita n’yo? Tungod kay kasagaran nahibaloan nato . . . Ug kamong mga igsoon buhata kana sa inyong mga iglesia.

⁴⁸⁰ Hinumdomi, ang mga miyembro sa inyong iglesia usahay gapaningkamot nga isaysay ang mga butang ug nagabuhat sa ingon-anang mga butang, maayo gyud kung tudloan ninyo sila nga dili kana buhaton. Ug kung adunay gustong makabalo sa kung unsa, paadtoa ninyo sila sa usa sa mga . . . sa kadtong gikasaligan sa pagbuhat niana. Nakita n’yo?

⁴⁸¹ Pananglitan, bueno, karon, sama sa usa ka tawong moingon, “Oy, gisulti ko . . . Gisulti nila kanako, nga kamo kono didto sa inyong iglesia nagatoo sa Eternal nga kasiguradohan.”

⁴⁸² Karon, siguradohon mong nakabantay ka. Mahimong mapaingon ka sa usa ka mas dakung gubot kaysa kaniadto, nakita n’yo, ug mapasamot mo pa siya kaysa kaniadto. Ingon mo, “Isulti ko sa imo kung unsa, kung makaadto ka unta ug ipangutana mo sa among pastor, kita n’yo. Imo—imo siyang adtoan og istoryahon mo siya, kita mo. Kami . . . Tinuod kana, kabalo ko nga nagatoo niana ang among pastor. Nagatoo pud ako niini, pero dili ko mahimong suportahan . . . Dili ako usa ka magwawali. Basta gitooan ko lang kini, kana lang ang akong nahibaloan. Nagatoo ako niini tungod kay nadungog ko na siya nga ginasaysay kini gikan sa Biblia, nga wala’y bisan unsang landong sa pagduhaduha para sa ako.” Kita n’yo?

⁴⁸³ Apan mas maayo gyud—mas maayo gyud nga ang pastor ang istoryahon sa miyembro sa iglesia mahitungod niana. Ug, ang pastor, siguradohon niya nga kabalo siya kung unsaon pagtubag niana, usab. Busa magtuon gyud og ayo, tungod kay kasagaran ikutlo ka nila niini, kita n’yo. Kung unsa . . .

⁴⁸⁴ [Nagaingon ang usa ka igsoon, “Igsoong Branham?”—Ed.] Pasayloa ko. [“Medyo aduna ko’y gamay’ng konbiksyon, pero ako—kabalo ko sa akong pagkatinawag ug sigurado ko sa pagkapili ko.”] Uh-huh. [“Bag-ohay mo lang gisulti nga ‘Kung usa ikaw ka magwawali, kinahanglan nga aduna ka’y pulpito.’”] Oo, sir. Husto kana. [“Dili ako usa ka magwawali, usa ako ka ebanghelista.”] Oo sir. [“Pero ang pulpito sa tanan akoo.”] Husto kana. [“Pero karon nagtrabaho ako, sa pisikal nga trabaho.

Dili man pud kini lisud nga trabaho, pero nagtrabaho ako, ug wala ako'y pulpito. Ug nagatoo ako nga kining panahon nga nagatrabaho ako anaa kini sa kabubut-on sa Ginoo. Siya ang nagsulti kanako nga buhaton kini, pinaagi sa Pulong ug sa pagpamatuod sa Espiritu. Ug nagatoo ako, nga dili magdugay, mag-abli ang mga pulpito.”] Sigurado, husto kana. [“Husto ba kana?”] Husto kana, igsoon.

⁴⁸⁵ Igsoon, karon, kung mobalik ka dinhi ug tan-awon ang karaang ledger sa simbahan, mahibaloan mo nga nagpastor ako sa niining iglesia sulod sa dise-siete ka tuig, ug nagwali ako adlaw-adlaw, nagawali adlaw-adlaw ug nagatrabaho adlaw-adlaw. Kita n'yo? [Nagaingon ang usa ka igsoon, “Kung nagatrabaho ka, maayong ilhanan kini nga *ikaw* tinawag.”—Ed.] Oo. Nagtrabaho pud si Pablo kaniadto, dili ba? Nagapanghimo si Pablo og mga tolda. [“Mora'g mawad-an ako sa kadasig tungod kay, sama sa imong gisulti, kung usa ako ka magwawali, kinahanglan aduna ko'y pulpito. Ako . . . Daw sa mawad-an ako og kadasig, pero kabalo ko nga tinawag ako sa Dios para magtrabaho, sa hamubong panahon.”] Oo. Nagsangyaw man gani si Pablo kaniadto ug nagpanghimo'g mga tolda, di ba? Nagtrabaho gamit ang kaugalingon niyang mga kamot para dili niya kinahanglan . . . Ingon niana gyud mismo. Sigurado. [“Oo, oh, bueno, dinha ko nakuha kini, gikan kang Pablo.”] Hmm. Husto kana. Kita n'yo? Ang ingon ni John Wesley, “Ang kalibutan ang akong parokya.” Busa abli gihapon ang imong pulpito, igsoon. Nagatuyok ang ebanghelista sa tibuok kalibutan. Dili ba husto kana? “Panglakaw kamo sa tibuok kalibutan.” Busa ang inyong pulpito mao ang tibuok kalibutan. Oo, sir.

Pangutana:

131. Lagda ba, l-a-g-d- . . . Lagda ba nga ang usa ka diakono o ang usa ka tinugyanan kinahanglan nga mosunod sa doktrina sa ilang iglesia? Oo. Husto kana. Okey lang ba para kanila nga magdugang o magkulang sa maong mga pagtulon-an tungod sa kaugalingon nilang personal nga opinyon o kapadayagan? Dili, sir. Dili.

⁴⁸⁶ Ang usa ka diakono o ang usa ka tinugyanan kinahanglan nga bug-os nahiuyon sa—sa doktrina sa ilang iglesia. Kinahanglan nga sila bug-os magpabilin sa hubad sa mga Kasulatan sa ilang iglesia, tungod kay, kung dili, ginabatokan nila ang mismong butang. Ilang—ginapasakitan nila ang ila mismong kaugalingon. Kita n'yo? Ginabatokan ninyo . . .

⁴⁸⁷ Kini'y, sa laktud nga pulong, sama lang kana sa kung—kung—kung ginasulti ko nga gihigugma ko ang akong pamilya ug dayon gipaningkamotan ko pud nga pakaonon sila og hilo. Kita n'yo, pareho lang. Kita n'yo, dili ninyo kana puedeng buhaton, nga inyong . . .

488 Ang—ang tinugyanan o ang diakono sa pagpahigayon sa ilang katungdanan, o ang kinsa man nga opisyal sa iglesia siya nagarepresentar sa lawas sa iglesia, kita n'yo, ginarepresentar niya ang usa ka iglesia.

489 Kana ang hinungdan kung nganong migawas ako sa iglesiang Baptist, kita n'yo, sa unang higayon. Hamubo pa lang ako nga panahon didto ug ilang—ila na akong gihangyo nga magordina og pipila ka babaye nga magwawali. Bueno, dili gyud ako makapabilin didto. Miingon ko, “Ako—mobalibad gyud ako nga buhaton kana.”

490 Ug gibunlot ako sa pastor didto. “Unsa ma'y buut pasabot niini? Anciano baya ka sa iglesia!”

491 Miingon ko, “Doktor Davis, ingon nga may bug-os nga pagtahud sa pagtulon-ang Baptist, ug sa tanang butang nga naordinahan ako, Wala gyud ko kabalo nga doktrina diay sa iglesiang Baptist ang magordina og mga babaye. Usa ka butang kana nga wala gyud naiklaro.”

Ug ang ingon niya, “Ingon niana ang doktrina sa niining iglesia.”

492 Miingon ko, “Sir, mahimo bang magdumili ako karong gabhiona, o mahimo bang tubagon mo ang pipila ka pangutana para nako?” Kita n'yo?

493 Ingon niya, “Tubagon ko ang imong mga pangutana.” Ang ingon, “Katungdanan mo nga moadto didto.”

494 Miingon ko, “Oo katungdanan ko, sir. Husto kana. Ako'y gilauman nga mosalmot sa bisan unsa nga ginabuhar niining simbahan. Anaa ako sa linya sa pangatungdanan, usa sa lokal nga mga anciano.” Ug ang ingon niya. . . Miingon ko, “Mahimo ba nimo ipasabot kanako kung ngano sa Unang Mga Taga-Corinto 14 o 15 dinha, kon diin gisulti ni Pablo, ‘Ang mga babaye kinahanglan magpakahilum sulod sa mga simbahan, wala gitugot para kanila ang pagsulti.’”

495 Ug ingon niya, “Aba, mao man gyud!” Ingon niya, “Pero. . . matubag ko kana.” Ingon niya, “Nakita mo, ingon-ani man gud,” miingon, “ang sulti ni Pablo. . . Ang tanan—ang tanan man gud sa kababayan-an kaniadto nanaglingkod sa mga suok, nanagtabi sama sa kanunay nilang ginabuhar. Ingon niya, ‘Ayaw ninyo sila pasagdi nga buhaton kana.’ Kita n'yo?”

496 Ug miingon ko, “Kung ingon-ana palihog isaysay sa ako ang Ikaduhang Timoteo, kon diin ang ingon ni Pablo, usab, ang mao ra nga escriba, ang mao ra nga apostol, miingon, ‘Dili ako motugot nga ang babaye magpanudlo o magbuot-buot, kita n'yo, kondili nga—nga magmasinugtanon. Tungod kay si Adan ang unang gibuhar ug dayon si Eva, ug si Adan wala nalimbongan kondili ang babaye ang nalimbongan.’ Nalimbongan ang babaye. Karon, wala ko nagasulti nga gusto niyang mobuhar og unsa man

nga sayup, pero sa tinuod malimbongan man gud siya. Dili siya angay'ng mamahimong magtutudlo.”

Ingon niya, “Imo ba kanang personal nga opinyon?”

⁴⁹⁷ Miingon ko, “Kana ang opinyon sa Kasulatan sa akong pagtan-aw niini. Mao kana ang ginasulti sa Biblia.”

⁴⁹⁸ Ingon niya, “Dong, puede tangtangan sa imo ang lisensya mo gumikan niana.”

⁴⁹⁹ Miingon ko, “Ilikay ko na lang sila sa gubot. Iuli ko na lang kini sa ila, Doktor Davis.” Miingon ko, “Dili sa pagwalay bili kanimo. . .” Ug dili niya gustong mahitabo kadto, bisan pa. Gipasagdan niya na lang, gipasagdan niya na lang nga sama niadto.

⁵⁰⁰ Dayon gisulti niya sa ako nga magpahigayon kono siya og usa ka bukas nga debate kanako mahitungod niini. Ug miingon ko, “Sige, bisan unsang orasa.” Pero siya—wala niya kadto buhata.

⁵⁰¹ Busa pagkahuman—pagkahuman niadto, dayon, sa dihang nakigsulti sa ako ang Ginoo, ug mahitungod sa—sa pag-abot sa Manulonda sa Ginoo, dayon—dayon gibiyabiya lang niya Kana, nakita n’yo. Ug dayon ako—gisulti ko na lang sa iya, miingon ko, “Bueno, Doktor Davis, mas maayo nga iuli ko na lang gyud kini karon na, kita n’yo,” miingon ko, “tungod kay mahimong palas-anon lang kini. Medyo bag-o pa ko naordenahan, mao nga, busa mahimong palas-onon lang kini sa ako, busa mas maayo nga iuli ko na lang kini karon.”

⁵⁰² Busa kung dili gyud ako puedeng magpabilin sa iglesiang Baptist ug magtudlo og doktrinang Baptist ug modawat og pagtulon-ang Baptist. Kung nagpabilin ako—kung nagpabilin ako tungod lang sa iglesia kadto, kung ingon-ana sayup ako, kita n’yo, aduna ako’y ginatago. Ug kung ako—kung ako—kung matinud-anon ako sa akong kaugalingon, moadto ako sa mga Baptist (sa akong pastor o kung kinsa man nga makasaysay niini sa ako) ug mohangyo kanila og usa—usa ka pulong sa Kinabuhi; kung husto niya kining mapakita sa ako kung asa kini mismo sa Kasulatan, ug matagbaw ang akong pagbati, kung ingon-ana iwali ko kini sa kung ginaunsa nila kini pagwali, kita n’yo, ug ako’y mamahimong Baptist.

⁵⁰³ Kana ang hinungdan kung ngano nagkinaugalingon ako. Kana ang hinungdan kung ngano dili ako miyembro sa mga organisasyon, tungod kay wala ako nagatoo sa mga organisasyon. Ug nagatoo ako nga wala kini nakasubay sa kasulatan, tungod, usa kini ka organisasyon.

⁵⁰⁴ Busa, dili ako mahimong miyembro sa unsa mang organisasyon ug mobati og husto sa pagbuhat niini. Kita n’yo? Busa, wala ako nagapasulod og mga tawo ug himoon silang mga miyembro, ug uban pa nga ingon niana, tungod kay

nagatoo ko nga *natawo* kita para mahimong mga miyembro, natawo kita pasulod sa Iglesia sa buhi nga Dios. Kita n'yo?

⁵⁰⁵ Wala kita nagapanas og mga ngalan sa mga tawo patangtang sa libro sa pagtambong ug ipalagpot sila, ug tanan na nga ingon niana, tungod kay nagatoo ko nga wala kana sa atong—atong mga katungdanan nga buhaton kana. Nagatoo ako nga ang Dios ang maoy nagapalagpot. Kita n'yo? Pero nagatoo ako nga ang iglesia, kung adunay igsoon nga nagabuhat og usa ka butang nga sayup . . .

⁵⁰⁶ Pananglitan, kung—kung nasakpan nila si Igsoong Neville, o si Igsoong Junior, o si Igsoong . . .kung kinsa mang igsoon dinhi, usa sa mga diakono o mga tinugyanan, o kung kinsang uban pa, nga adunay ginabuhat nga sayup, Nagatoo ko nga ang angay buhaton mao ang magtigum ang iglesia ug iampo kini nga igsoon. Kung dili pa gihapon siya matul-id, kung ingon-ana paadtoon ang duha sa iya, paadtoon sa maong igsoon para ipasig-uli. Ug dayon kung dili niya kini dawaton, kung ingon-ana isulti ninyo kini atubangan sa iglesia. Dayon kung dili nila kini dawaton nan, kana na ang panahon para sa tibuok iglesia dayon, kita n'yo, kana'y para na sa pastor, mga anciano, ug tanang uban pa para buhaton kana. Wala ako nagatoo nga ang bisan unsa man nga hunta sa diakono adunay katungod nga palagpoton ang si kinsa man sa iglesia o bisan unsa man nga hunta sa mga tinugyanan o si kinsa man nga pastor ang adunay katungod sa pagbuhat niini.

⁵⁰⁷ Sa tan-aw ko kung aduna ma'y kinahanglan palagpoton sa pagpakig-fellowship, tungod kini sa imoral nga pagkinabuhi, o butang nga ingon niana, nga dili siya takus nga tawo, sama sa usa ka lalaki nga mosulod dinhi nga hugawan ang kadalagahan nato o—o insultohon ang atong mga kababayan-an, ug mga butang nga ingon niana, ug nagapahayag gihapon nga siya kono usa sa ato dinhi. Kita n'yo? Karon, kung siya taga-ubang lugar nga nagatambong dinhi, aba, kinahanglan aduna gyud ta'y buhaton bahin niini, pero, pagmahitungod na sa usa ka tawo sama niana, usa ka tawong imoral nga nagasulay nga makigrelasyon sa atong mga asawa o—o pakaulawan ang atong mga anak nga babaye o, kabalo na mo, butang nga ingon niana, o mobuhat og usa ka butang nga imoral sa babaye, o gina-impluwensiyahan ang atong gagmay'ng kabatan-onang lalaki ug ginahimo silang dautan, o kung unsa pa.

⁵⁰⁸ Kinahanglan ginahisgotan ang ingon nianang mga butang, ug dayon kinahanglan nga mapalagpot ang maong lalaki sa pagpakig-fellowship ug dili na tugotan nga makig-ambit sa komunyong tungod niini, tungod dili angay nga ginabuhat nato kana. Dili gyud angay. “Kung adunay mokaon nga dili takus, sad-an siya sa Dugo ug lawas sa Ginoo,” ang tawo nga ingon niana.

509 Pero nagatoo ko nga sama sa gisulti sa usa ka tawo, “Bueno, karon, siya—siya’y ingon *niini*, *niana*.” Iampo mo siya. Husto.

510 Dili gyud nako makalimtan, sa Stockholm, Sweden, si Igsoong Lewi Pethrus, usa ka halangdong tawo sa Dios. Nagalingkod kami niadto sa lamesa, pipila ka oras sa wala pa ako mibalik sa Amerika. Nagkaaduna kami og maanindot nga mga panagtigum didto. Ug ingon niya, ingon ni Gordon Lindsay, “Kinsa ba ang tigdumala sa niining dakung panon?” Aba, napildi pa gani niadto ang Assemblies of God sa gatusan ka milya, nakita n’yo. miingon, “Kinsa ba ang tigdumala?”

Ug ang buutan nga si Lewi Pethrus, ug miingon siya, “Si Jesus.”

Miingon siya, “Kinsa’y inyong mga presbitero?”

Ingon niya, “Si Jesus.”

511 Miingon siya, “Kabalo ko nga husto kana,” miingon, “ingon niana pud ang pagtoo namo sa among Assemblies of God.” Miingon siya, “Husto kana.” “Pero,” miingon, “ingnon na lang nato, pananglitan, usa—usa ka igsoon ang nahisalaag,” miingon, “kinsa man ang mag-desisyon sa pagpalagpot kaniya?”

Ang ingon, “Wala namo siya ginapalagpot.”

“Bueno,” miingon, “unsa diay inyong ginabuhat?”

512 Ang ingon, “Nagaampo kami para sa iya.” Sa hunahuna ko pagkaanindot niana! Para kanako kinaiyang-Cristohanon gyud kana, “Nagaampo kami para kaniya.” Walay nagapalagpot kaniya, nanag-ampo sila para kaniya.

513 Miingon, “Bueno, kung ingon-ana, unsa kaha kung ming-uyon ang uban sa mga igsoon,” miingon siya, “ug ayaw na sa uban kanila nga magpakig-fellowship kaniya? Pasudla lang siya, sama nga kung kini usa ka pastor, nakita n’yo, nga nahimong palakiro taliwala sa . . . Kabalo na mo kung unsay buut kong ipasabot niana, ug ang mga butang nga ingon niana, ug ayaw na sa ubang mga pastor nga pasudlon siya sa ilang mga simbahan. Unsa ma’y buhaton ninyong tanan, ipalagpot ba siya sa inyong organisasyon?”

514 “Dili.” Ang ingon, “Pasagdan lang namo siya ug iampo siya.” Ang ingon, “Wala pa ni usa nga nawala sa amo. Kanunay silang nagabalik, sa unsa mang paagi.”

515 Miingon siya, “Bueno,” miingon, “karon, unsa kaha kung . . .” Miingon, “Unsa kaha kung magsulti ang uban kanila nga gusto nila siya ug ang uban ayaw pud sa iya? Karon, unsa man kana?”

516 Miingon, “Bueno, kadtong mga adunay gusto sa iya, dawaton siya; ang dili pud gusto sa iya, dili nila siya kinahanglan dawaton.”

517 Busa—busa sa hunahuna ko maanindot nga paagi kana para niini, di ba, mga igsoon? Ug sa ingon niana kita “managsoon.”

518 Karon, mga igsoon, nanghinaut ko nga kining mga butanga nakahatag og diyutay’ng pagpakita ngadto sa usa ka tubag o kung unsang butang, nga ang panagtigum nato dinhi karong gabhiona adunay—adunay kaayohan nga nahatag sa ato. Nangandam na ako nga mogikan karon sa dili madugay, paadto sa mga panagtigum didto sa Kasadpan. Mapainubsanon kong gitinguha ang inyong mga pag-ampo.

519 Ang uban sa mga tubag ko dinhi, tingali daghan sa mga niini, tingali wala sa mga niini, ang husto. Wala ko kabalo. Pero kini na ang pinakamaayo nga matipon ko sa kaugalingon kong pamaagi sa paghunahuna, nakita n’yo, para sa pagtinguha nga isaysay Kini. Siguro kining mga ulahi, ilabi na, kining mga bag-o lang miabot, wala na ako’y panahon para masusi ang mga niini. Ug wala gyud nako, ang mga niini. . . Ang buut kong ipasabot, ang mga niini maoy mga Kasulatan nga kanunay na natong nahisgotan dinhi, adlaw-adlaw sa simbahan. Sa hunahuna ko basin kini’y mahimong usa ka malisud nga butang nga puedeng magdala kanato ngadto sa usa ka mas dakung hilisgutan, pero kini mora ba’g mga pangutana mahitungod sa mga iglesia.

520 Nalipay ako nga makita kamong nagpabilin nga ingon niana, nga walay unsa man nga kasamok, walay unsa mang pagkadikontento, walay unsa mang kalibog. Walay pangutana nga gidebatehan Kini ug nga nagsulti “Sayup kana, Sayup kini, dili namo Kini dawaton.” Mga igsoon ra gyud nga gustong makabalo para mapalig-on ang ilang ginabarugan, kana lang. Nga. . . mapalig-on pa, mahugtan—mahugtan pa og diyutay ang bakus sa hinagiban, ngadto sa mas hugot pa niini. Nanghinaut ako nga magkita gihapon kita sa daghan pang mga higayon nga sama niini, aron hugtan pa ang hinagiban.

521 Ug nadumdoman ninyo, mga igsoon, ang akong hinagiban nanginahanglan nga mahugtan, usab. Busa mag-ampo kamo sa Dios para kanako nga tabangan ako sa Dios ug aron nga mabira pa ang akong hinagiban nga mas labing hugot, para ako’y. . . dili ako mamahimong ingon ka hugka sa mga butang. Ug ang kinabuhi nga akong gikinabuhi ug ang mga butang nga akong ginabuhat, hinaut nga akong buhaton kini nga may dugang pa nga espiritu sa pagpaubos, nga mas matinguhaon pa sa pagbuhat niini. Ug hatagan ako sa Dios og usa ka kasingkasing nga buhaton kini nga mas labaw pa kaysa kaniadto. Kana pud ang ginaampo ko para kaninyong tanan. Panalanginan kamo sa Dios.

522 Napadugay ko na kamo dinhi, ug karon lima ka minuto na lang og mag-alas onse na.

523 Ug karon, Igsoong Neville, ako—basin ako. . . Karon, nahibaloan ko, nga mga sobra sa siyam ka gatus ka milya ang gilay-on didto, Dili ako mogikan hangtud sa Lunes sa buntag.

Pero gusto kong maania ako sa Dominggo para sa Sunday school, moanhi ako ingon nga imong bisita para maminaw sa imo nga nagawali, nakita n'yo, sa Dominggo. Kita n'yo? Pero . . . Bueno, igsoon, oo, igsoon. Igsoong Neville, ania ang hinungdan, igsoon. Akong . . . Gimahal ta ka ug kanunay kang mahunahunaon sa pagtanyag sa pulpito nga sama na lang nga mora og . . . nga mora og mas hataas ako nga elder kay kanimo, o mora'g ingon-ana. Pero wala gayud ako mobati og ingon niana, Igsoong Neville. Nabati ra nako nga managsoon kita.

524 Igsoong Ruddell ug Igsoong Junie, ug, oh, kamong tanan nga mga igsoong lalaki ug kamong tanan, kita—managsoon ra kitang tanan, nakita n'yo.

525 Pero unsa'y . . . Ang hinungdan niini, medyo napagaw lang ako karon, nakita n'yo, ug aduna ako'y unom ka semana nga sunodsunod nga walay-hunong nga pakigbugno, nakita n'yo. Ug ako—gusto ko lang siguro magsugod kung mahimo nako, nahunahuna ko, pagkahuman niining panagtigum karong gabhiona, nga mahatag sa ako ang Biyernes ug Sabado ug Dominggo aron makapahulay, sa dili pa ako magsugod sa mga panagtigum didto sa gawas.

526 Ug Igsoong Junie, pagnakabalik na ako, sa usa ka higayon, kinahanglan kong moadto ug makigkita sa imo pag-usab, gusto kong moadto sa inyo. Miagi ako sa gamay mong simbahan didto, kagahapon, sa tinuod. Miingon ang akong asawa, “Sa tan-aw ko kana'y . . .” Didto ba kini duol sa riles sa tren mismo sa Glenellen Park? Gusto kong moadto didto ug makigsulti sa mga taga-Sellersburg didto. Maayo.

527 Igsoong Ruddell, panalanginan ang imong kasingkasing. Gusto kong moadto sa inyo, aduna ka'y maanindot nga pundok sa mga tawo. Naglingkod ka dinha karong gabhiona nga naminaw nga mora'g usa ka tigulang na nga anciano nga ginadawat kini.

528 Si Igsoong Beeler usab dinha, siya'y usa sa mga igsoon natong ebangelista. Nanghinaut ko nga sa usa ka higayon makatambong ako sa usa sa mga panagtigum mo sa kung asa man, igsoon, nga makapahigayon og pagpang-awhag og diyutay, adunay maisulti sa kung asa man para madasig ka. Kanunay akong adunay maayong pulong para sa imo ug para kang bisan kinsa, sa imo ug kang Igsoong Stricker dinhi, ug sa mga ebangelista.

529 Si Igsoong Collins dinhi, nga akong gitoohan sa umalabot nga adlaw mamahimong usa ka ministrong nakagahin ang tibuok panahon sa buluhaton.

530 Mga lalaking maisog, maisog nga mga tawo, tinuod nga mga tawong may pagtoo, Ang Dios maanaa kaninyong tanan, ug sa inyong mga diakono, sa inyong mga tinugyanan, sa inyong mga igsoon.

⁵³¹ Nagatoo ko nga kamo. . . Ug ang igsoon dinhi, di ko lang madumduman ang iyang ngalan. Ikaw si. . . [Nagaingon si Igsoong Caldwell, “Igsoong Caldwell.”—Ed.] Caldwell. Ikaw mismo usa ka. . . Usa ka sa mga anciano o ingon niana, di ba, o mismong usa ka. . . [“Ministro.”] Ministro. [“Usa ako ka ministro. Miyembro ako sa Church of God, dili ko man gud maiwali ang tibuok Ebanghelyo ug magpabilin gihapon uban kanila. Dili ko maiwali ang bautismo sa Ngalan ni Ginoong Jesus ug magpabilin gihapon uban kanila. Nagkaaduna ako og pinakataas nga ranggo nga lisensya sa pagministerio nga mahatag nila, pero giuli ko kadto mismo. Sugod lang niadtong nadungog ta ka nga ginawali kadtong halangdong mga Mensahe, gipang-uli ko ang mga niini, migawas sa maong organisasyon. Karon gusto kong mahimong usa sa mga kauban mo.”]

⁵³² Salamat, igsoon. Giabiabi ka namo sa among pagpakig-fellowship. Ug ang atong—ang atong mga kredensyal naggikan man sa itaas. Ang atong kinabuhi mao ang atong kredensyal, nakita n’yo. Kana ang mga kredensyal nato. “Kung Ako wala nagabuhat sa mga buhat sa Akong Amahan, kung ingon-ana ayaw kamo pagtoo Kanako.” Kita n’yo? Husto kana. Kana ang mga kredensyal nato. Ug sama sa usa ka tigulang. . . Sama sa gisulti kanhi ni Howard Cadle, “Wala kita’y balaod kondili Gugma, walay libro kondili ang Biblia, ug—ug walay—walay kredo kondili si Cristo.” Husto kana. “Walay balaod kondili Gugma, kredo kondili si Cristo, libro kondili ang Biblia.”

⁵³³ Ug kami—kami, Igsoong Caldwell, nalipay kami nga makauban ka. Migawas ka sa usa ka iladong organisasyon. Ang Anderson Church of God, sa pagtoo ko. [Nagaingon si Igsoong Caldwell, “Sa Cleveland.”—Ed.] O sa Cleveland church, Pentecostal Church of God. [“Ug kanhi akong nagpastor dinhi sa. . . ? . . .”] Oh, oo. Oh, oo, nakaadto na ako didto. Sa pagtoo ko nakaadto ako didto uban ni Igsoong Neville. . . o si Igsoong Wood, usa ka higayon, nakakuha kami og iro o iron-igpangayam gikan sa usa ka tawo nga nagatambong sa imong simbahan didto. Ug didto ako sa hagdanan ug nagapakig-estorya, ug naghigot sila bahin kanimo. Bueno, sigurado ako. . . [“Sa simbahan nako.”] Oh? [“Burns.”] Eksakto, si Igsoong Burns. Husto kana [Ginaasoy ni Igsoong Caldwell ang usa ka panghitabo.] Oh? Oo. Oh, Bertha, husto kana. Oh, nindot kana.

⁵³⁴ Si Igsoong Rook nga anaa dinha, nahimong pastor na siya karon, o ebanghelista, sa pagtoo ko. Husto ba kana? O nagapastor ka na ba? [Nagaingon si Igsoong Rook, “Ebanghelista lang.”—Ed.] Ebanghelista. Naa ko’y gustong maayong isulti kanimo, Igsoong Rook. Nadungog ko ang pila sa halangdong buluhaton nga ginabuhat mo para sa Ginoo. Ikaw. . . Nadungog kong miadto ka sa Indianapolis o nagaadto sa Indianapolis, ug nagpahigayon og mga panerbisyo ug nakapangkabig og mga kalag kang Cristo. Ang Dios magauban kanimo, Igsoong Rook.

Nalipay gyud ako nga makita ka. Nakita ta ka sa niining karaang traktora dinhi, nga ginapadagan dinhi, samtang nagabutang ka og abono sa umahan mo didto. Bueno, nakita ta ka didto nga nanglimbasog sa pagpamuhat og unsa man para sa Ginoo. Nalipay akong gitawag ka Niya sa pagministerio, kanunay mo gyud Siyang ibutang sa imong atubangan, igsoon. Panalanginan ka sa Dios. Ayaw gyud pagpakigkompromiso sa unsa man; kondili buhata kini nga adunay kalumo nga espiritu kutob sa mahimo mo niini. Himoa nga ang imong—himoa nga ang imong mensahe kanunay'ng matimplahan sa kalumo sa Balaang Espiritu.

⁵³⁵ Ug si Igsoong Stricker . . . [Nagaingon ang usa ka igsoon, “Gitinguha namo ang mga pag-ampo ninyong tanan. Kami—nankingamot kami nga makapagsugod og usa ka iglesia didto sa North Vernon.”—Ed.] Oh, hinaut nga maangkon n’yo kini. Iampo namo kamo. [“Hangtud karon, okey ra kaayo mi.”] Husto kana.

Billy, kanus-a ka magsugod sa pagpastor?

⁵³⁶ Sila ni Doctor Goad ug Doctor Mercier dinhi, ako—ako—nanghinaut ako . . . ingon niana ang pagtawag namo sa usa’g usa. Ug si Igsoong Goad miabot na sa punto nga akong . . . angay gyud sa iya ang maong titulo, mahimo na niyang magkarga og mga bala karon. Oo. Ug, si Igsoong Leo, nagatoo ako nga mahimo na natong siyang pasagdan nga ingon niana, ug tawagon siya . . . pasagdan siyang ipadayon ang iyang titulo nga—nga “Doktor.”

⁵³⁷ Bueno, “Doktor” Branham, dinha sa likod, padayon mo lang siyang atimanon og ayo, ug ang mga suga nga magsiga og ayo. Ug—ug sultihan ta ka og unsa, sa matag higayon nga magkaaduna kami og espesyal nga tigum makig-istorya ako sa hunta ug tan-awon kung dili ba mahatagan ka nila og gamay’ng dugang niana [Mikatawa si Igsoong Branham—Ed.], tungod sa espesyal nga trabaho sa dihang daghan kaayo kang panilhigon ug bitbiton pasulod ug pagawas, ug magpalipay kana kanimo.


⁵³⁸ Doktor Wood. Gitawag nako siyang “Doktor,” siguro natingala kamo kung ngano. Wala ako masayup og tawag sa iya, ingon ka eksperto siya sa pagputol-putol og kahoy, kabalo na mo. Patuboon sa Ginoo ang usa ka matahum nga kahoy, ug putlon niya kini ug mohimo siya’g balay gikan niini. Wala pa ko’y nakitang ingon niana, busa angay lang nga tawagon ko siyang “Doktor.”

⁵³⁹ Igsoong Taylor, matinud-anon gihapon ka dinha sa pultahan, para manghatag og lingkoranan sa mga mananambong. Ingon niini ang napamalandongan ko sa imo, “Palabihon ko pa nga mamahimong trapo sa balay sa Ginoo kaysa sa magpuyo sa mga balong-balong kauban ang mga dautan.” Husto kana, sir.

⁵⁴⁰ Igsoong Hickerson, bag-o ka pa lang nagsugod sa Dalanon, ug nagakahamtong na, nagapadayon. Gitinguha ko nga

imong...akong...Nagalakaw ka na sa maong Dalanon, ug nagapadayon, Ginadayeg ko gyud ang imong pagkamatinudanon ug ang tanan nga ginabuhay mo para sa Ginoong Jesus. Kanunay kang panalanginan sa Dios ug himoon kang usa ka tinuod nga diakono, igsoon, nga nagatoo akong ingon niana ka, nga ang panimalay mo nagapasakup kanimo ug ang tanang butang sama sa kung unsa ka kaniadto pa.

⁵⁴¹ Igsoong Fred, wala ka pa namo nakauban nga dugay-dugay, nga gikan pa sa Canada. Mabati namo nga dili ka na taga-Canada, ang paminaw namo nga usa ikaw ka magpapanaw ug usa ka dili taga-dinhi nga kauban namo, among igsoon, isip usa ka tinugyanan. Ikaw ug si Igsoong Wood, ug kamong nanag-alagad sa inyong katungdanan kauban si Igsoong Roberson, ug ang uban pa niini; Si Igsoong Egan, wala siya dinhi karong gabhiona.

⁵⁴² Ug Igsoong Roberson, ikaw dugay nang usa ka—usa ka tinuod nga kaabag nako sa buluhaton, si Igsoong Roberson kauban sa uban pa, sa niining kaso sa pagbuhis nga giagian ko sa niini nga imbestigasyon. 

61-0112 Mga Pangutana ug Mga Tubag
Branham Tabernacle
Jeffersonville, Indiana U.S.A.

CEBUANO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org